

Hutarieka 'iniari memupitia

Muitsexi kemitiwarutani'a Huré memayekineki

¹ Iki niuki kanihikitini Muitsexi muwarutaxatia 'ixaheritsixi yunaima, makumawetsie 'uyeikati Kurutani 'akiyaritsie tau manatineika hepatsie, tatsiari, 'Arawa mayeweritsie Tsupi hixie, Parani meta Tuperi watsata Rawani Katseruti meta Rit-sahawi.

² Huré hiriyaitsie yeyame Karetsi-Waxineya paiti miye'ani tamamata heimana xeitukariyari petewakai Tsehixi hiriyaitsie meutiyune huyeyari 'utia 'umieti.

³ Merikitsi huta tewiyari wiyari 'aye'aku kepauka 'ixaheritsixi 'Ekipitu memayekitsie mexiakame tukaritsie tamamata heimana xeimetseriyaritsie, Muitsexi 'ixaheritsixi piwarutahiawixi Yawé kemitiwaruta'aitiakai hepaitsita memeye'atianiki.

⁴ Meta te'aitamete yuhutame puwara'iwakairi 'amuxeutsixi 'iki memihikitikai: Tsikuni ti'aitame Hetsiwuni kwieyaritsie mieme, 'Uhuki ti'aitame Watsani kwieyaritsie mieme 'Atsitaruti kiekame meta 'Erurehi kwieyaritsie.

⁵ Muitsexi piwarutaxatia 'iniari niukiyari kepauka 'akuxi Muhawi kwieyaritsie Kurutani 'akiyaritsie taumanatineika hepatsie memititekai 'ixaheritsixi mipai katiniwarutahiawe:

⁶ «Kepauka 'akuxi Huré hīriyaritsie temītitekai, Yawé Takakaiyari mīpai pītatiuta'aitia: “Xeme mīixa xekaniyurieka 'iki hīritsie xe'u'uwati,

⁷ Xekeneyukuha'aritiaka xekenehu muhīriyatsie 'amuxeutsixi mematiteitsie, meta kiekari 'auriena mamanetikatsie 'Arawa, mihīriyatsie, muyemuriyatsie tau makayuyupike hepatsie, Nekexi meta haramara tetsita kananeutsixi wakwieyaritsie Riwanu meta 'Eupirate hatiayari 'amipatsie paiti xemiye'axiani.

⁸ Ne nekanixeyetuirieka 'iki kwie xekena'iwa xeyukwitiweti”. Yawé mīpai pītiwarutahiaawekai xetutsima kename wayetuirienikekai tatsiari 'Apīrahami, 'Itsahaki, Kakuwu meta nuiwarimama.

Memanuyetei kememite'anuyexeiyarie

⁹ »'Iya tukaritsie mīpai nepītiwarutahiaawixi: “Ne neyuxaitame yunaime nepikaxekema.

¹⁰ Yawé xekakaiyari kanixe'utimīriya, 'ayumieme hiki xekaniyuwaikawani xurawetsixi muyuawitsie miemete wahepai.

¹¹ Matsi Yawé, tapaapama wakakaiyari, kexe'utimīriya hiki kexemiyupaime xeimiri-yarimexia tawarita, meta 'aixia yemeki kexeyurieka miki kemutayi.

¹² ¿Kehepairi ne netiyiwenikeyu naime hepaitsita yanetiurieneti ketita 'axaxemiteyurie, xe'ikaki meta xeme kexemiteyukwitiweki?

¹³ 'Ayumieme yuxexuiti yunuiwaritetsie xekeniwarutihawi hipame 'ukitsi waikawa memitemaiwawe, waikawa memitemate memiyiwawe, miki memanuyetei memakineki”.

14 »Xeme mipai xepinete'uta'ei: “Kepemaine kepemitiku'eriwa 'aixia pi'ane yemeki”.

15 'Ayumieme ne nekaniwaruhiritiani xenuiwaritsie miemete 'ukitsi memitemaiwawe meta memitemate, nekaniwaruhiritiani heitserie memexeianiki xehetsiemieme 'itsikate wahepai me'aneti. Yuxexuime hipame nekaniwaruhiritiani xeimiriari, hipameta xeitsienituyari, hipameta huta tewiyari heimana tamamata, hipameta tamamata, meta hipame yunuiwaritsie teparewiwamete memihikitini.

16 Meta 'ana, xe'itsikate mipai nekanitini-waruhiritiani: “Naime tita 'uximatiarika memitehexeiyani heitseriekameki 'aixia xeketeneyurieka yu'iwama watsata, yemeki xekeniwanitiaka xepikatekuhayekawani, 'ixaheritsixi wahetsie meta teewatari wahetsie.

17 Yunaima yaxeikia xeketeniwaparewieka, memikatiirikawi meta memitirikawi. Xeime xepikamakaka, matsi Kakaiari pita 'aixia tiyuruwame kanihikitini. Xika kwinimieme ti'aneni xeme xemika'ikema hikitini, nehetsia xekeniwa'atia ne 'aixia nemitiyurieniki”.

18 »'Ana, ne naime nekatixe'utaxatiani kehepai xeme xemitekahunikekai.

'Awie nenieremete kememiteheni'arie

19 »Yatepitekaki Yawé kemainekai takakaiari, tekanayekine Huré hiriyari manuka muhiriyatsie 'amuxeutsixi wakwiepa te'erieti. Mana tekaniukine makumawe 'amakuyewatsie makumariwetsie xeme mana xekaniuneniere, mana te'akineka Karetsi-Waxineya tekaniu'axiani.

20 Hiki ne mana mipai nepitixehetahiawixi:
 “Ari tekaniuta'axiani mihiriyatsie 'amuxeutsixi
 wakwieyaritsie, kwie Yawé takakaiyari
 mitatsiyetuiietsie.

21 Xekeneuxeiya, Yawé xekakaiyari kwie
 kanixeyetuirieniri. Xekenehu yukwie
 xekenayeitia Yawé kemitixehahiawekai,
 xetutsima wakakaiyari. Xepikamamaka meta
 xepika'utiweranareni”.

22 »Matsi xeme xeyunaiti mipai
 xepinete'utahiawixi: “Tepiwaranuni'ani hipame
 ta'iwama meri miki kwie memixeyayuki, meta
 memitatetaxatiani kehepai temiteki ne meta
 kemi'ane kiekaritetsie temeye'axiani”.

23 »Kexemutiyua 'aixia puyi, 'ayumieme tama-
 mata heimana yuhutame nekaniwaranayexeiya
 xe'iwama, yuxexuime xeinuiwaritsie miemete.

24 Tamamata heimana yuhutati mekanekine
 mihiriyatsie, mayeweritsie 'Etsikuri
 mekaniye'axiani mana kwie mekaniuxeiya.

25 Mana timieme hipame 'ikwaxi
 mekatenukatini, mekatateni'atiirieni meta
 mekatateniutaxatiani kwietsie ke'aixia
 mire'anekai Yawé takakaiyari mitatsixatia.

Yawé kememikate'anueni

26 »Matsi, xeme xepika'uyuwairiyaxi
 mana xemeutiyuneki Yawé xekakaiyari
 kemitixe'u'aitiakai xepika'anueni.

27 Xekaniutiniukixieni yuxamaruta, mipai
 xekaniutiyuani: “Yawé pitatsi'uxiwe'erie,
 miki pitatsi'ayewiti 'Ekipitu kwieyaritsie,
 'amuxeutsixi wahetsia mitatsiyetuaniki xeikia
 miki memitatsihakumaweriyaki.

²⁸ ¿Hakewari tepeyehu? Ta'iwama kwinimieme mekatatenimariutani, miki mipai mekaniutiyuaneni kename mana kiekatari waikawa mehetirikawi meta kwinimieme mehetiti, kename wakiekari hemamariwawe meta kename wakuraru muyuawitsie paiti heye'atika. Matsi 'imatirieka, mipai mekaniutiyuaneni kename mana 'anakitsixi mewarexei”.

²⁹ »Hiki 'ana mipai nepitixe'uta'ei: “Hawaiki xepikaheumamaka meta miki xepikawareumakaxeni.

³⁰ Yawé xekakaiyari xehixie paiti 'anuyekaiti kaniumieni, miki xehetsiemieme kaniyutamiemiki, 'Ekipitu kexemitehenenierixi kemireyuri hepai

³¹ meta makumawetsie. Meta huyeta xemuhukaitsie, meta kemitixe'atia 'ena paiti, xeme xekatenimaika Yawé takakaiyari kemitixe'utixime, tewi yuniwe muyurie hepai”.

³² »Miyatiti, xeme nixewiti hetsiena pikatiuwi Yawé takakaiyari hetsie,

³³ miki panuyekatei xehixie xekuwawirienike hakewa xemetiyaxe. Tikariki tai hepai 'aneti pumiekai xehamatia, huye xemixeiyaniki kexemitehu, tukariki hai hepai 'aneti pumiekai xehamatia.

³⁴ »Kepauka Yawé xeme xeniukixiekame mixe'u'eni, 'ana kaniuyeha'ani, hiki mipai kaniutayini:

³⁵ “Nixewiti tewi 'iki nuiwari 'ax-amemite'u'iyaritsie mieme miki kwie 'aixia mi'ane pikaxeiya watutsima nemiwayetuirieniekai nemainekai.

³⁶ Karewi xeikia kanixeyamiki Kepune nu'aya. Miki meta nuiwarimama nekaniwayetuiriemiki

kwie ke'aneme hetsie make, Yawé hetsie tiwiyati muyuhayewakaiki”.

37 »Xeme xete'uyurieku Yawé neta kaneniuye-heka, mipai kanetiniutahiawe: “'Ekita yaxeikia miki kwietsie pepikaheutahani.

38 Kutsuhexi Nuni nu'aya matsiparewiwame xeikia kaneutahamiki. Keneuparewi waikawa muyuwairiyani, miki katiniyurimiki 'ixaheritsixi miki kwieyaritsie miwaye'atiani.

39 Meta xeniwema 'etsimemititi, 'akuxi 'atsimemikatemate tita 'aixia miti'ane meta 'axamiti'ane, miki menawarienike xemiwa'eriekai, miki hirixia mepeutahaxiani miki kwieyaritsie meta yukwie mepayeitiani, ne nekaniwayetuirieniri.

40 Xeme matsi hiki, xekenakunuaxia makumawetsie. Xekeneuhuni Haramara Mixeta hepatsie”.

41 »Xeme mipai xekaniutiyuani: “Tame 'axatepite'uyuri Yawé hepaitsita. Peru tekanihuni tekaniwakwiyuni Yawé takakaiyari kemitatiuta'aitia”. Hiki 'ana yuxexuiti xeme xekaniyukuha'aritiani xemi'yukwiyuki, mipai xeteku'eriwati kename kakwaniwe hiritsie xemitiyunek.

42 »Matsi Yawé mipai kanetiniutahiawe: “Mipai ketiniwarutahiawi mepikahekikani mepikayukwitiweni, ne wahamatia nepika'uyeikani. Xika meka'ukunuaxiani, mepiwarekwini memiwaraye'unie”.

43 »Ne mipai nepitixe'utaxatia, peru xeme xepika'anu'enana. Yawé kemainekai

xepika'enu'eni, xeme matsi xekaheu'enanati xekananutikine hiritsie.

⁴⁴ Mana 'amuxeutsixi memitamakai mekanayekine mexe'anukunakeke, mekaxen-anukuweiya xietexi wahepai, mekanixeha'iwa Tsehixi memiyeki Kuxima paiti mekaniye'axiani.

⁴⁵ Hiki xeme xe'u'axiaka, xekaniutitsuani Yawé hixie, matsi miki pikaxe'u'eni kexemiteyuiweriekai.

⁴⁶ 'Ayumieme xeme, Karetsi mirakutewatsie miixa wiyari xekanititekaitini.

2

Makumawetsie kememite'u'uwakai

¹ »Hiki 'ana tekanekine makumawetsie Haramara Mixeta mayema hepatsie, Yawé keminerahiawekai. Miixa tepuyuri Tsehixi hiriyari warita te'anakukineke.

² Hiki Yawé mipai kanetiniutahiawe:

³ “Xeketeneuhayewari 'iki hiritsie xe'u'uwati, tayeta hepa pita xekenehu.

⁴ Mipai ketiniwarutahiawi teiteri: 'Kwitiwari yu'iwama wakwietsie xekaniuyekinikuni, 'Etsahu xiiyarimama wakwietsie, Tsehixi memititei. Tsepaneti miki memixemakaxe, yumarima xekeneuhuni,

⁵ miki xepikawakwitiweni, miki wakwie 'et-siwa tima ne nepikaxeyetuirieni, keyeume xemeuketsinatima. 'Etsahu xiiyarimama nekani-wayetuirieni miki kwie Tsehixi kwieyari.

⁶ Xeketeniwarupitia 'ikwai mana timieme xemitekwa'aki meta haa kepaimeme xemihare' ”.

7 »Yamepitemate kename Yawé xekakaiyari xeparewie naimeki kexemiteyurie, meta xe'iwia makumawetsie xe'u'uwakaku. 'Iki huta tewiyari wiyari, Yawé xekakaiyari xehamatia kani-uyeikani meta nitixaiti pikatixeheuyehiwa.

8 »Hiki mana ta'iwama wakwietsie tekaniuyekine, miki 'Etsahu xiiyarimama Tsehixi kwieyaritsie memitama. Tekaniweiyakaitini 'Arawa huyeyari 'Erati matinena meta 'Etsihuni-Kewexi. 'Ariketa mana te'ukunuaxiaka hiki tekanekine makumawetsie Muhawi kwieyaritsie.

9 »Yawé mipaita kanetiniutahiawe: “Muhawitsixi xepikawarekwitiweni, xepikawarehaxiatiaka, ne miki wakwie 'etsiwatima nepikaxeyetuirieni. Ne miki Ruti xiiyarimama nekaniwayetuirieni 'Axi kwieyari”».

10 Meripaiti teiteri mana mekanititekaitini yumireti waikawa meyiawaweti, miki 'emitsixi mepihikitikai, kwinimieme meputitikai 'anakitsixi wahapai.

11 Miki meta 'anakitsixi teiteri kwinimieme memutiti mepite'uteriwariwakai, matsi muhawitsixi 'emitsixi mepitewaruteriwakai.

12 Meripaitita hureutsixi Tsehixi mirakutewatsie mekanititekaitini, peru 'Etsahu nuiwarimama mekaniiwarutaweiya mekaniiwarutakwini, hiki wahuyeripa mekaniiyuhayewa, kememiteheyurieni hepai 'ixaheritsixi Yawé hakewa kwie miwareyetuirienitsie.

13 «Yawé mipai katatineta'aitiani: “Xekeneuhuni. Xekenanukini Tsereri 'akiyaritsie”. Hiki mipai tekateniukine.

14 'Anari xeitewiyari heimana tamamata heimana 'atahaika wiyari kananuyemiekaitini kepauka temayekitsie Karetsi-Waxineya meta temanukitsie Tsereri 'akiyaritsie 'iniariti. Merikite 'ana mepanuyekwikairi yunaiti meripaiti memiyukukuyametetikai, Yawé kemutayikai.

15 Yawé kaniwaruta'axiya wakwiti, kaniwaranuyekwini yunaime.

16 »Kepaukari nixewiti mikayuhayewanekai meripaiti kuyaxi memihikitikai,

17 Yawé mipai kanetiniutahiawe:

18 “Hikiri xekananukinikuni Muhawi kwieyaritsie 'Axi kiekariyaritsie.

19 Kepauka xemeta'axiani 'amunitisixi wakwietsie Ruti nuiwarimama wahetsia, xepikawarekwitiweni meta xepikawarehaxiatiaka, miki wakwie 'etsiwatima nepikaxeyetuirieni. Miki kwie Ruti nuiwarimama nekaniwayetuirieni”.

20 Miixa wiyari kananuyemieni, miki kwieyari teiteri 'amemutiti wakwie kanayeitiariwakaitini, meripaiti miki mana memititekaiki. 'Amunitsixi mekateniwaruteriwakaitini tsamitsumitsixi.

21 Miki mekaniumirekaitini waikawa mekanitirikawikaitini, yemeki 'amekaniutikaitini 'anakitsixi wahapai, matsi Yawé 'amunitsixi waparewiekaku mekaniwaruka'una, hiki mewarayeweyaka mana mekanikuyaxe.

22 Yawé yaxeikia katiniuyurieni 'Etsahu nuiwarimama wahetsiemieme, Tsehihi kwieyaritsie memitamakai, mikita waparewiekaku hureutsixi mekaniwaruka'una. Miki mana

kaniwarayeweiya 'Etsahu nuiwarimama mana memiyuhayewaki, hiki 'akuxi mana mekanetiteni mipai tiuyiku.

²³ Meta yaxeikia 'aweutsixi kiekari 'et-simiyeyeutsie Kahatsa 'aurie memeutite kai, meta katuritsixi Kireta memeyeki mekaniwarukwini, 'anari mana metiteti mekanakine wahuyeripa.

Kemira'iwarie ti'aitame Tsikuni, Hetsiwuni kiekame

²⁴ »'Ariketa Yawé mipai katatiniutahiawe: “Hikitari hekwameki xekeneyukuha'aritia. 'Axinuni 'akiyaritsie xekeneukini. Ne nekanixeyetuiriemiki Tsikuni 'amuxeu tewiyari meta naimé kwieya, Hetsiwuni kiekariyaritsie miti'aita. 'Ari xekenaye'axia wakwie xemiwanawairieniki. Mipai xeketeniwarutahiawi kename xewatakwini.

²⁵ Hikiri kwitiwa nekanitsutiamiki yanekatiniyurimiki memixemakaxeniki yunaiti nuiwarite 'ena kwiepa memitama. Kepauka nuiwarite memixetamarieni, mekanitimamakuni mekaneuyuyexirikuni marikaki mekanitiyiyiakakuni”.

²⁶ »Makumawetsie paiti Karemuti mirakutewatsie tekuteti tupiritsixi nekaniwareni'ani Tsikuni hetsia, Hetsiwuni kiekariyaritsie miti'aitame hetsia, 'iki niuki kayuwati tiyupitiwameki:

²⁷ “Ketaneupitia 'akwietsie temuyekineki, huye miheitserie 'utia xeikia tepiyehu, xaitsie tepika'uyune ta'utata nitatserietatsie.

²⁸ Tame tepiteyutuani tita temitetikwani meta haa kepaime temanuhareni. Ketaneupitia xeikia mana temuyekineki,

²⁹ kememiyi 'Etsahu nuiwarimama wahepai, mana Tsehihi memititei, meta muhawitsixi 'Axi memetitekai. Tame Kurutani hatuxameyaritsie tepukinekeyu kwie Yawé takakaiyari mitatsixatiatsie temiye'axianiki”.

³⁰ »Peru Tsikuni, Hetsiwuni kiekariyaritsie ti'aitame, yapikatiutanaki'eri mana temuyekineki, Yawé takakaiyari 'iyarieyatsie tse'ime mayeitiaki, tame pita temite'ita'aitianiki, hiki ketemite'i'aitia.

³¹ Hiki Yawé mipai kanetiniutahiawe: “Hiki kwitiwa nekanixeyetuiiemiki Tsikuni meta kwieya. Xekenayekini kwieya xema'iwaki, miki yukwie xekenayeitia”.

³² »Kepauka Tsikuni mayetia yukuyaxima yunaime warawititi, tatsitakwinike Yahatsa mirayetewatsie,

³³ Yawé takakaiyari kataniyetuirieni tekaniwara'iwa, yunaime niwemama meta yunaime kuyaximama.

³⁴ 'Ana naima kiekaritetsie tekaniye'axiani, naima tekaniuka'una, yunaime tekaniwarukwini 'ukitsi 'ukarawetsixi meta tiiri. Nixewiti pika'uyuhayewaxi'ayeniereti.

³⁵ Tame xeikia tekateniwarehapani tewaxi meta tekatenepini kiekaritetsie temite'ukaxei miraye'atika.

³⁶ 'Aruhexi temikatsutia, kiekari 'Axinuni 'akiyari tetsita mukuma, meta Karaha paiti, nixewiti kiekari pikatatsi'a'iwaxi, Yawé takakaiyari xexuime kiekarite pitatsiyetui.

³⁷ Matsi Yawé takakaiyari kemitatiuta'aitiakai, tame 'amunitsixi wakwietsie tepikaye'axia,

tatsiari Kawuki 'akiyaritsie 'anutaiye mukuma meta miki hiriyaritsie kiekari mukumanekaitsie.

3

Kemira'iwarie ti'aitame 'Uhuki, Watsani kiekame

¹ »Kepauka temeki Watsani hepatsie, ti'aitame 'Uhuki mana miti'aitametikai, kanayeyani 'Erurehi mirakutewatsie kataninakekaitini. Kaniwarawitikikaitini yunaime yukuyaxima, 'ari metatsitakwinike.

² Matsi Yawé mipai kanetiniutahiawe: “Hawaiki xepikaheumamaka, ne 'ari nekaniwayetuanie xehetsia, yunaime kuyaximama meta naime kwieya kemiyewa. Yaxeikia xekeneuyuri Tsikuni kexemeyuri, 'amuxeutsixi tiwa'aitiwame, Hetsiwuni kiekame”.

³ »Mipai katiniuyini. Yawé takakaiyari kataniye-tuirieni miki ti'aitame Watsani kiekame meta yunaime kuyaximama. Tekaniwara'iwa, nixewiti pika'uyuhayewaxi.

⁴ 'Ana naime kiekarite mana mieme tepuka'unaxi. Tahetsiemieme tepayeitia haika tewiyari kiekarite 'Axikuwi kwieyaritsie mukumanekai, 'Uhuki mira'aitakaitsie Watsani kwieyaritsie.

⁵ Naiti miki kiekarite 'aixia kani'anenekaitini kuraruyari 'akanatitikaitini, 'itupari hexeyatikaiti yukitenie meta kiyexi pituikatikatei 'apapati, meka'iniariti hipati kiekarite 'etsimiyeyeu kuraru mikahexeyatikatei.

⁶ Yaxeikia ketemiteheyuri Tsikuni hetsia, ti'aitame Hetsiwuni kiekame, naime kiekarite

tekaniuka'una, 'ukitsi, 'ukarawetsixi meta tñiri tewakwiti,

⁷ matsi watewama tapiinite tepitehayeitia meta kiekaritsie temite'ukaxei miraye'atika.

⁸ »Mipai katiniuyini 'iya tukaritsie tahetsiemieme miki kwie tekanayeitiani yuhutame te'aitamete 'amuxeutsixi wahetsia mumiemetikai, tatsiari naime taumanatineika hepatsie mitiuyehane Kurutani hatuxameyaritsie, 'Axinuni 'akiyari manuyehanetsie Heximuni hñriyaritsie paiti,

⁹ tsiruniyutsixi mipai mepite'uteriwakai Tsirihuni, 'amuxeutsixita Tsenixi.

¹⁰ Yaxeikiata tapiini tepayeitia naiti kiekarite makuweweritsie, naiti Karaha meta naiti Watsani kwieyaritsie paiti, Tsarikaha meta 'Erurehi paiti, 'Uhuki mira'aitakai kiekariyaritetsie Watsahani mihikitikai.

¹¹ Yuriki miki, 'Uhuki Watsani kwieyaritsie ti'aitame miki 'imatireme kanihikitikaitini 'amutewikai. Miki hupumeya tepia kanihikitikaitini, nauka meturuyari heimana merie meturuyari kanitewikaitini 'aiwaritatsieta huta meturuyari pexeyakai. Hiki 'akuxi kanehekiaka miki Xawaha 'amunitsixi wakiekaritsie.

Miki kwie kemi'ane rakwie miratia

¹² »Kepauka miki kwie tahetsiemieme temayeitia, Xuweni meta Kahari wanuiwarima nepiwayetuiiri 'Aruhexi yeta mukuma meta 'aki 'Axinuni manuyeka 'aurie mukuma, meta hixiapa 'akame mihñriya Karaha kwieyari yukiekari hexeyakame.

¹³ Muyuhayewaxi Karaha kwieyari meta naime 'Uhuki mīra'aitakaitsie, tatsiari Watsani kwieyari, nepiwayetuiri hixiata me'arikame Manatsexi nuiwarimama.

»Mipai kani'aneni, naiti 'Axikuwi kwieyari Watsani kwieyaritsie mukuma katinimatiwani, 'amemutiti wakwie.

¹⁴ Xewiti Manatsexi nuiwarieya Yahixi titewati, naime miki 'Axikuwi kwieyari yuhetsiemieme kanayeitiani ketsureutsixi wakwie maye'atikatsie paiti ye'atikaime meta makateutsixi wakwie maye'atikatsie, miki Watsani kwieyari yuhapai pita katiniteriwa, Kawuti-Yahixi katiniteriwa. Hiki 'akuxi yaxeikia katinakutewaka.

¹⁵ Karaha kwieyari Makixi nekaniyetuirieni,

¹⁶ Xuweni meta Kahari wanuiwarima nekaniwayetuiriene Karaha yetsutime 'aki 'Axinuni manuyeka 'uniereme, metatsiere Kawuki hatuxameyari manuyeka paiti, miki 'amunitsixi wakwie maka'atika miwa'iniariyari.

¹⁷ Wakwie maka'atika tau makayuyupiketsie kanihikitikaitini Kurutani hatuxameyari, harakuna mayema Kinereti ye'atikaiti meta harakuna 'Arawa mayema paiti ye'atikaiti, miki Haramara Mimiki mititewa, hiri Pitsikaha mititewa manuka paiti.

¹⁸ »'Ana ne mipai nekatiniwaruta'aitiani: "Yawé takakaiyari kanixeyetuiriene 'iki kwie yukwie xemayeitiani. Xeme 'ukitsi xemitirikawi meta xemukuyaxi, 'anutaiye xekenanukini xe'anuyeteti yu'iwama 'ixaheritsixi wahixie.

¹⁹ Kiekarite nemixeyetuirtsie xeikia mepititeni xe'itama, xeniwema meta xetewama ne

nemitime waikawa xemiwarexeiya.

20 Xepikahahuni kwitiwa kwie nemixeyetuiritsie, kepaukake Yawé xe'iwama miwaka'uxipitiani xeme kemitixeyetui, kepaukake miki kwie memi'axe Yawé takakaiyari miwayetuirieni Kurutani 'anutaiye mukuma”.

Kutsuhexi kemitiuhiritarie

21 »Merikite 'iya tukaritsie 'ana Kutsuhexi mipai nekatiniuhiritiani: “Eki Pekatiniuxeiya naime Yawé takakaiyari kemikwaruyuri miki yuhutame te'aitamete. Yaxeikiata kaniwayurimiki yunaime te'aitamete kemi'ane wahetsia pemiye'ani.

22 Xepikawamakaxeni, Yawé 'akakaiyari yuriki kaniyumieneni xehetsiememe”.

Kakaiyari Muihexi pika'upitia Kurutanitsie manuyani

23 »'Ana ne Yawé waikawameki mipai nekatini-utawawirieni:

24 “Yawé Kakaiyari, 'eki pekanitsutiani ne mati'uximayatsiriwame penetixeitsitiati kepemitimariwe kepemititirikaiye, xewiti kakaiyari pumawe muyuawitsie meta kwiepa mipai tiyurieneti kepemitiyuriene meta mariweme kepemitiyuriwe.

25 Keneneupitia nemanuyaniki, meta nemixeyaki kwie 'aixia mi'ane Kurutani 'anutaiye mukuma, miki witsimitiu'ane mihiriya kwieyari, meta Riwanu mirakutewatsie”.

26 Peru xehetsiememeki Yawé kaneniuyehaka, pikanetsi'anu'eni, matsi 'ipai pita kanetiniutahiawe: “Ari ketineuhayewa. Tawariri miki hepaitsita pepikanetikuxaxatiwani.

²⁷ Kenanutiye'a pita Pitsikaha hiriyaritsie, hiki mana keneutanierixia 'ayeta meta 'atsutiatsie, 'at-serietatsie meta 'a'utatatsie. Kwie keneuxeiya yemeki 'ahixiteki, mipai nekanaineni 'eki peka-panuyani Kurutani hatuxameyaritsie.

²⁸ Kutsuhexi ketineutaxatia naime tita mireuyewetse, keneutuika waikawa muyuwairiyaniki, miki pita kananuyeyerimiki 'iki teiteri miwaranuwitini meta miki kaniwayetuiiemiki kwie pemixeiya”.

²⁹ »Hiki 'ana mana tekaniyuhayewakaitini mayeweritsie, Weti-Pehuxi 'anutaïyetsie.

4

Kememite'ayehitïarie yamemitekahuniki

¹ »'Ixaheritsixi, 'iki xekeneu'eni 'aitsika 'iniari niukiari kenemixe'u'ikitia, kemaine yaxemitekahuniki. 'Ana mipai xeteyurieti xekaneutahaxiakuni 'iya kwieyaritsie Yawé tatutsima wakakaiyari mixeyetuiietsie xekwie mayaniki.

² 'Iki 'aitsika nemixeyetuiiri xepikahenutiyayatsani xeiniukiari meta xepikahenakaxiriwani. Matsi pita Yawé takakaiyari 'aitsikaya xekenaye'atiwani.

³ »Xemeri xekaniuneniere Yawé kemitiuyuri Wahari-Pehuxi meta Yawé xekakaiyari kemitiwaruka'unaxi tatsata ta'iwama kemi'ane kakaiyari mana kiekame me'ayexeiyati memaki.

⁴ Peru xeme, yunaiti kemi'ane heitseriemeki yaxemitekahukai Yawé takakaiyari hetsie xetewiyati, hiki 'akuxi xekanayeneniereni.

⁵ »Neuxe, neri nepitixe'uta'ikitia 'iniari niukiyari meta 'aitsika Yawé nekakaiyari keminetiuta'aitia, xemeru mipai xemitekakineki miki kwieyaritsie xe'axiame xekwie mayanitsie.

⁶ Xekenaye'atiaka meta yaxeketeneu'uwani, mipai 'ana xepitematsikire kename xete'uyemate xetemaiwawe hipame nuiwarite wahixie. Miki mepitamarieni naime 'iki 'iniari niukiyari, hiki 'ana mipai mepitiyuani: “Yuriki, 'iki teiteri mepite'akumate meta mepitemaiwawe, 'iki nuiwari memimariwe mepihiki”.

⁷ Pumawe xewiti nuiwari tahepai timariweti. Pumawe nuiwari kakaiyari mehexeiyati 'ahurawa tahepai Yawé takakaiyari 'ahurawa temex-eiya temehiawe.

⁸ Tawarita xewiti nuiwari pumawe mariweti 'iniari niukiyari meta 'aitsika 'aixia 'anuyitikaime hexeiyati, 'iki naiti 'aitsika nemixekuxaxatiwa hepai 'anuyitikaime.

⁹ »Peru xeyukweriwayurieti xekeneu'enana, xepikatehatitimaiyani kexemite'unenierixi, mexi xe'ayeneniere yu'iyariki xepikahetitimaiyani. Miki xekeniwarutaxatia yuniwema meta yuteukarima.

¹⁰ Kepauka xeme Yawé Kakaiyari hamatia xemu'uwakaitsie Huré, 'ana mipai kanetine-tahiawe: “Keniwarukuxeiri teiteri nehixie memiti'uniki meta neniuki memi'enieniki, meminetsimakaxeniki kwiepa kepaimexia memu'uwani, meta kenemitiwatahiawe mipaita memitewata'ikitianiki yuniwema”.

¹¹ Xeme 'ana xekaniyukuxeirieni miki hiritia, mana xekaniti'ukaitini, mexi miki hiri takai tai

muyuawitsiepai kaniye'axekaitini, hai yiyiwiti mana kana'ukaitini meta mana kaniuyiwikaitini.

¹² Hiki 'ana Yawé kanixe'utahiawe taitsiepaiti, xeme xekanei'enieni niukieya kemainekai, peru tixaiti xepikatehexei, niuki yuariyaya xeikia xepe'eniekai.

¹³ Yawé 'ana pixehetaxatia yutiratu, tamamata 'aitsikayari, miki meka'utia hutame tetexi wewerimetsie 'etsitsutsuimetsie, hiki 'ana pixeheta'aitia mipai xemitekahuniki.

¹⁴ Meta 'ana Yawé pinetsiheta'aitia nemixeti'ikitianiki 'iniari niukiyari meta 'aitsika xeme mipai xemitekakineki 'iya kwieyaritsie xekwie mayanitsie kepauka Kurutani hatuxameyaritsie xemanukine.

Hipame kakaiyarixi

¹⁵ »Kepauka Yawé mixehetahiwixi Huré yemuriyaritia, tai hepai 'anekametsie, xeme tixaiti xepikatehexei. 'Ayumieme, xekeneyu'iwiyani waikawa

¹⁶ xepikayutsewiximaka kakaiyarixi xewawewieti 'uki hepai tiyuxexeiame yatini 'ukaratsi hepai tiyuxexeiame,

¹⁷ yatini tewaxi meta yeutari yatini memite'awiwawe,

¹⁸ Yatini yeutari kwiepa memitekumaketawe, yatini tsapari hapa memiye'uwa kwie hetia paiti wahepai mete'ananeme.

¹⁹ Matsi kepauka teiki xeheneniereme mana xemitexeiya naiti tita hetsiena mitixuawe muyuawitsie miemete xemiwaxeiya — tatsiari tau, metseri meta xurawetsixi— xika

xekuyuitariwani xemiwarayexeyaniki, miki xepikawarayexeyani. Miki muyuawitsie memeukatei Yawé takakaiyari kaniwaranayexeya, nuiwarite kwiepa memitama wakakaiyarixima memihikitiniki

²⁰ Peru xeme Yawé kanixe'ayewitini 'Ekipitutsie, miki putsuta hakewa tepia mekwaxiyarie, xeme teiterimama xemihikitiniki hetsiana miemete, hiki kexemi'ane.

²¹ »Matsi, xehetsiemieme Yawé kaneni-uyeheka, mipai kanetiniutahiawe kename ne 'anutaiye neka'anuyanikekai Kurutani hatuxameyaritsie meta kename kwie 'aixia mi'anetsie nekaye'anikekai, Yawé takakaiyari mixeyetuirietsie.

²² Neri 'iki kwieyaritsie nekanimimiki neka'anuyeiweti Kurutanitsie, xeme hirixia xekananikinikuni, miki kwie 'aixia mi'anetsie xekanitiyaxikuni xekwie mayanitsie.

²³ Kamitsi yumarima 'aixia, xepikahetitimaiyani Yawé xekakaiyari tiratu kemitiuwewi xehamatia. Hipame kakaiyarixi xepikawawewieka yiki me'aneneme Yawé xekakaiyari kemitixeku'imaiyakai,

²⁴ kariki Yawé xekakaiyari tai hepai kani'aneni mitiyuxixitsitiwa meta Kakaiyari mi'itetsa kanihikitini.

²⁵ »Xika 'arike yuniwema xewarayexeyame meta yuteukarima, meta xika manari miixa wiyari xetiteti, 'arike xika 'axaxete'uyurieni, xika xewarutiwewieni kakaiyarixi tixaitimexi xetewa'iketi, mipai 'axamiti'ane xeteyurieti Yawé yukakaiyari hixie xepiyehaxiatiani,

26 Hiki ne yanekanitayimiki muyuawi meta kwie memunenierixi mekanihikitikakuni xehetsiemieme, 'iki Kurutanitsie xe'anikineme miki xekwie mayanitsie kwitiwa xekanaku-mawerikuni. Mana miixa wiyari xepikatihini, xekanakumaweriyariekuni yunaiti.

27 Yawé yayupaimeme xeikia kaniwa-hayewamiki, hipame nuiwarite watsata kaniwataxiexiamiki.

28 Mana paiti xeme xepiwarayexeiyani kiyexi kakaiyarixiyari meta tetexi, teiteri wawewiya mepehikitini: kakaiyarixi memikaheuneniere meta memikaheu'enana, memikatekwa'a meta memikateheu'ikwe.

29 »Mexika mana paiti pe'uyeikati Yawé 'akakaiyari pe'utiwauni yemeki 'a'iyariki meta kepemiti'amateki pekanikaxeyamiki.

30 Hiki 'uximatiarikatsata pe'uyeikati meta petiuka'eniwati, miki peheutiparitiame pehakunuani Yawé 'akakaiyari hetsia hiki pepi'enieni niukieya.

31 Kariki Yawé 'akakaiyari mitiyukanenimaya kanihikitini, miki pikamatsiku'eirieni meta pikamatsika'una, miki pikahetimaiya tiratu 'atutsima yatiwarahiaweti mitawewi.

Yawé, Kakaiyari kanihikitini

32 »Xekeneuyuta'iwawiya mime meripai kiekatari wahepaitsita kememite'uyuriki, 'iya tukaritsie kepauka Kakaiyari tewi mutawewitsie 'ena kwiepa, meta naitsarie kwiepa mipai ketineuta'iwau xika heiwa mieme mipai tiuyini yatini mipai tumatsikire mariwemeki hiki kemiti'ane.

³³ Hipati teiteri mepumawe Kakaiyari me'u'enieka taipa warutahiaweku, kehepai 'eki pemituu'enaxi, meta 'ayeniereti 'uyeikati yamititaxataki.

³⁴ Xewiti tawari kakaiyarititi meutahaniki xeime nuiwaritsie pumawe, muwarayewitini yuhetsiemieme wata'iniatame, 'iniarite tiwewieti, kwinimieme yemeki mamariwawemeki, kuyaxa wewieti, yumamá tirikaiyemeki tatserati, waikawameki makaxiwame, Yawé xekakaiyari xehetsiemieme mitiuyuri hepai 'Ekipitu, xeme xenenierekaku.

³⁵ »Mipai pitiiyi miki naiti 'ahixie 'eki mipai pemitimaikaki kename Yawé Kakaiyari xeikia hiki, meta kename tawarita xewiti ka'uyeika.

³⁶ Muyuawitsiepai yuniuki kaxeniu'enitsitiiya, mipai mimatita'ikitianiki. Meta kwiepa kameniuxeitsitiani yutai kemitimariwe, mikitsie mimatsi'utahiawixi.

³⁷ Yawé waikawameki piwanaki'eriekai 'atut-sima, hiki wanuiwari kaniwaranayexeiya, 'ayumieme 'Ekipitu kameniyewitini yukimana mariwemeki tiyurieneti,

³⁸ 'ahixie kaniwaruka'una nuiwarite memimamariwawe memitirikawi 'eki kepemikatitirikaiye, miki kwieyaritsie mimatsi'atianiki, mimsiyeituirieniki, hiki kemitimatsiiki.

³⁹ »Mipai ketinetimati meta yuriki Yawé Kakaiyari kenayeitiwani taheima muyuawitsie meta 'ena kwiepa, meta kename tawarita xewiti ka'uyeika.

⁴⁰ Yaketinekamieni 'iniari niukiyaritsie meta

naime 'aitsikayatsie hiki kenemimatiuta'aitia. Mipai 'eki meta 'anuiwarima 'aixia 'iyari mepu'uwani, meta miixa wiyari xekaniyurikuni miki kwieyaritsie Yawé 'akakaiyari mixeyetuirietsie yuheyemeki».

Kiekari yu'awiwietame

⁴¹ Hiki Muitsexi kiekarite haikame kananayex-eiya Kurutani 'anutaie tau manatineika hepatsie,

⁴² miyiweniki miki kiekaritetsie muyuti'awieta, xika xewiti yu'iwa 'umiieni kaheye'unieti ka'imaime. Mipai 'ana miki piyiweni mana muyuta'unaki muyutawikweitsitiani.

⁴³ Xuweni nuiwarimama wahetsiemieme kananayexeiya Wetsexi makumawetsie mukuma makuweritsie, meta Kahari nuiwarimama wahetsiemieme Xamuti kiekariyari Karaha kwieyaritsie, meta Manatsexi nuiwarimama wahetsiemieme Kurani kiekariyari Watsani kwieyaritsie mukuma.

'Aitsika hakewa me'ayumiemetikai

⁴⁴ 'Tki 'aitsika kanihikitini Muitsexi 'ixaheritsixi teiteriyari miwarutaxatia.

⁴⁵ 'Tki kanihikitini 'aitsikate, miwakuxaxatiwakai Muitsexi kepauka 'Ekipitu memeyekitsie,

⁴⁶ kepauka 'akuxi Kurutani hepatsie memu'uwakai, mana makuweritsie 'ehu-rakaku Weti-Pehuxi mirakutewatsie. Miki Tsikuni kanikwieyatikaitini, 'amuxeutsixi mitiwa'aitiwametikai, miki Hetsiwuni kiekariyaritsie mukatei, mana Muitsexi kaniwara'iwa meta 'ixaheritsixi kepauka 'Ekipitu memayekitsie.

⁴⁷ 'Ixaheritsixi mana yupiini mekanayeitiani meta 'Uhuki mikwieyatikai Watsani kwieyaritsie ti'aitame, tatsiari mime yuhutame te'aitamete 'amuxeutsixi, miki mekanititekaitini Kurutani hepaitsitatsie.

⁴⁸ Miki kwie 'Aruhexi kanitsutikaitini, 'Axinuni hatiyaritsie manuye'atikatsie paiti, meta Tsirihuni hiriyaritsie paiti, tatsiari Heximuni hiriyaritsie.

⁴⁹ Miki naiti kanihikitini 'Arawa meta Kurutani kwieyari tau manatineika hepatsie mieme, 'Arawani haramarayaritsie paiti, Pitsikaha hiriyari hetia.

5

Tamamata 'aitsikayari

(Hut 5:6-21 - Mem 20:1-17)

¹ Muitsexi yunaime 'ixaheritsixi kaniwarukuxeirieni, mipai katiniwarutahiawe:

«'Ixaheritsixi, xekeneu'eni 'iniari niukiyari meta 'aitsikate waikawa hiki ne nemixetaxatiani. Xekenetimati miki meta mipai xeketeneu'uwani.

² Yawé takakaiyari tiratu kaniuwewieni tahamatia Huré hiriyaritsie.

³ Yawé miki tiratu muwewi tatutsima wahamatia pikatiuyuri, matsi tahamatia pituiyuri, ketapaimeiti hiki 'ena temu'uwa.

⁴ Yawé tai hetsie pixe'utahiawixi xe'anutaxeiyati miki hiritsie.

⁵ 'Ana ne tihekiatame nepatia Yawé kemitixekihawekai, nemitixekuxaxatiwaniki

yemeki Yawé kemutainekai, xeme xemi-makakaiki tai, xepika'anutiki hiritsepai. Yawé mipai kaniutayini:

6 »Ne Yawé 'akakaiyari nekanihikitini. Ne 'Ekipitu nekameniyewitini, miki kwieyaritsie wairiyarika peti'uximayakaku.

7 »Tawarita hipame kakaiyarixi pepikawarayexeiyani nehixie.

8 »Nixeime kakaiyari hepai 'aneme pepikawewieka muyuawitsie miemetexi wahepai meta kwiepa memite 'u'uwa wahepai me'anenekame, meta kwie hetia haramaratsie miemetexi wahepai.

9 Miki wahetia pepika'utitunumakiekani meta pepikawarayexeiyani. Ne, Yawé 'akakaiyari nemi'itetsa nekanihikitini. Kepauka hipati 'axamemite'u'iyari, kepauka meminetsixani'erie, ne waniwema, wateukarima meta watutsima paiti 'uximatiarika nekaniwakupitiwani.

10 Matsi, kepauka xeminetsinaki'erie meta kepauka ne'aitsika xemaye'atia, 'ana nenaki'eriya matsiikime nepayeitiwa xeimiriya xeniwema nuiwariya wahetsie.

11 »Yaki xeikia Yawé xepika'utateriwani mixekakaiyari. Ne Yawé nepikareiyehiwirieni kemi'ane minetsi'utateriwa yaki xeikia 'utaiti.

12 »Kena'eriwani xawati tukariyari, miki tukari mipatsie Yawé 'akakaiyari hetsiemieme kenayeitiaka, miki kemimatiuta'aitia.

13 'Ataxewime tukari xeikia ketine'uximayaka, mipai paime tukariyaritsie naime

kepemi'tiyurieniki ketine'uximayaka,

¹⁴ matsi 'atahutarieka tukari kena'eriwani 'uxipiya tukari mihiki 'ana pemeyexeianiki Yawé 'akakaiyari. 'Ana 'etsiwatima pepikatikumaiwani, 'aniwema 'ukitsi meta 'ukari, meta pemi'tiwa'aitia 'ukitsi 'ukari te'uximayatamete, meta 'atuurutsixi kwietsanamete, 'apuxuri, nixewiti tima 'atewama, meta 'ateewa kiekame 'akiekaritsie muka. 'Ana mipai mepiteka'uxipieni 'ukitsi 'ukari wairiyarika te'uximayatamete, 'ahepai yaxeikia.

¹⁵ Kena'eriwani wairiyarika ti'uximayatame pematia 'Ekipitu, meta kena'eriwani Yawé 'akakaiyari mana mimatsiyewiti waikawa mariweme tiyurieneti. 'Ayumieme Yawé 'akakaiyari pimatsi'aitia peme'eriwaniki xawati tukariyari.

¹⁶ »Yaketinekamieni 'apaapa 'amaama kememaitika, yaxeikia Yawé 'akakaiyari kemimati'aitia, mipai petiyurieneti 'apepireutere 'ena kwiepa Yawé 'akakaiyari mimatsiyetuirie.

¹⁷ »Pepikati'amemiwani.

¹⁸ Xeime 'iyaya yatini kinaya pepikakumaiwani.

¹⁹ Pepikatinawayani.

²⁰ 'Itarikaki pepikatikuxatani 'ahepai tewi hepaitsita.

²¹ Xeime 'ahepai tewi 'iyaya pepikahiwe'erieka, meta kiiya pepikahiwe'erieka, meta kwieya, meta ti'uximayatsiriwame 'uki meta 'uka, meta tu-uru kwietsanameya, meta puxuya, naime tita mitipiinieya.

²² »'Iki Yawé kaniniukieyatini karima tai het-

sie mitaxa, meta haiwitiŕitsie metatsiere kwi 'uyiwikaku, kepauka xeme hiritia xemi'ti'ukaitsie. Mipai xeikia kaniutayini. Hiki kaneka'utiani tetexi hutame wewerimetsie, 'ana kaneniyetuirieni.

²³ »Kepauka xeme xemi'eni xewiti 'utaniukame yiwikita, hiri mitaka hepai tiyuxexeyakaku, yunaiti 'ana 'ukirawetsixi memanuyetei nuiwaritetsie, nehetsia mekaniu'axiani

²⁴ mipai mekanetenitutahiawe: “Yawé takakaiyari matsikime payetia tahixie witsikemi'ane meta kemitimariwe, tepi'eni niukieya taitsie 'ayeneikame. Hiki mipai tekatenetimani kename tukari hexeyanitsiere tewi mimiwe tsepa Kakaiyari hamatiana mitiutaxa.

²⁵ Peru neuxeŕi, nikahirixia te'ukwini. 'Iki tai mimariwe pitatsi'ukwiwe xika 'akuxi te'iyeweiyani te'i'enieti Yawé takakaiyari niukieya.

²⁶ Xewiti tewititi pika'uyeikanikeyu Kakaiyari mayeniere 'u'enieka tai hetsie paiti, tame hiki ketemite'i'eni hepai.

²⁷ 'Eki 'ahurawa keneuye'a Yawé takakaiyari hixie, naime ketine'eni kemimaretahiawe. Hiki kemetayini 'arike tame yaxeikia ketatineuxatia, tame te'ename yatepitekakine”.

²⁸ »Yawé kaniu'ena xeme kepauka xeminetekuxaxatiwakai, hiki mipai kane-tiniutahiawe: “Nekaniu'ena 'iki teiteri kememate'utahiawixi. Kememutiyua 'aixia kani'aneni.

²⁹ Heiwati wa'iyari yemeki yuwaiririyani meminetsi'ayemakaxeniki meta memeye'atiakaki

naime ne'aitsika, mipai miki meta waniwema
yuheyemeki 'aixia 'iyari memu'uaniki.

³⁰ »"Kenemie wahetsia mipai ketiniwaretahawi
mekehakunuaxiani yuxamaruta.

³¹ 'Eki 'ena keneuyuhayewa 'akuxi nehamatia,
naime nekamaniyetuiriemiki 'iniari niukiyari,
'aitsikate waikawa 'eki pemiwati'ikitiani, mipai
memitehe'uaniki kwie nemipayetuirienitsie".

³² »Kamitsi yumarima, yaxeketeneu'uwani
Yawé xekakaiyari kemitixe'uta'aitia, xaitsie
xepikaheukuyuyupikeni yutserieta niyu'utata.

³³ Huye 'utia xekeneuhuni Yawé xekakaiyari
mixe'uta'utiri, xemayeneniereniki, 'aixia
ti'aneme xemite'ukaxexeianiki meta miixa
xemu'uaniki kemi'ane kwieyaritsie xemi'axiani.

6

Kakaiyari kemitinaki'erieka

¹ »'Iki kanihikitini 'iniari niukiyari meta 'aitsika
waikawa Yawé 'akakaiyari minetsi'uta'aitia ne
nemimatsita'ikitianiki, mipai xemitehe'uaniki
xema'axianitsie yukwie xemayeitianiki,

² kepemireutere pe'uyeikati 'eki 'aniwema meta
'ateukarima pepeyexeiyani Yawé 'akakaiyari
naime 'iniari niukiyaritsie yaxetekahuti meta
'aitsika waikawa nemimatsiyetuirie, miixa wiyari
'apemuyeikaniki.

³ 'Ixaheritsixi, xekeneu'enana meta
xekeneuyuwa'riya yaxemitekahuniki. Mipai
'aixia 'iyari xepu'uwani, teiteri memiyumire
xepihikitini miki kwieyaritsie hakewa waikawa

retsi mexuawe meta xiete, kemixerahiawekai
Yawé, xetutsima wakakaiyari.

⁴»'Ixaheritsixi, xekeneu'enana: Yawé takakaiyari
puyuxewi xeikia.

⁵ Kenenaki'erieka Yawé 'akakaiyari yeme
'aiyariki, naime kepemiti'amate meta naime
'atirikariyaki.

⁶ 'A'iyaritsie kena'eriwani 'iki niuki hiki
nemimatsi'aitia.

⁷ Yaketiniwakuxaxatiwani 'aniwema.
Keniwakuxaxatiwani kepauka 'akie pemuka,
meta kepauka huyeta pemumie, kepauka
pemikakuximenitsie meta kepauka pe-
manukukenitsie.

⁸ 'Amamatsie keneutapieka ha'ukame
'iniari hepai mimatsiikiniki, meta 'ahixie
pemi'iniaritariiekaki 'ahetsiemieme
peme'eriwaniki,

⁹ 'akii kitsaraiyaritsie kena'utiaxia meta
'akiekari 'itupariyaritsie.

¹⁰ »Yawé 'akakaiyari kamanipitiamiki
pemeutahaniki kwie miwarutaxatiakaitisie
'atutsima 'Apirahami, 'Itsahaki meta Kakuwu.
Miki kwieyari kiekarite kanexeiyani kwinimieme
timamariwaweme meta rexeiyatikaimie 'eki
pemika'itiwewi,

¹¹ kiite waikawa piinite tiuyepitikaimie 'eki
pemikatiuxeiri, meta putsu pexeiyatikani
xemikawati'inixia, meta kaxie huriwu
haraweriyari pexeiyatikani pemika'ika'e.
Kepauka miki pemitikwanitsie petahuxame,

¹² keneyukweriwayurieka Yawé
pemikahatitimaianiki, 'Ekipitu

mimatsiyewiti, miki kwieyaritsie wairiyarika pemiti'uximayatsitiariekaitsie.

13 »Yawé 'akakaiyari kenayemakaxeni, miki xeikia kenayexeiyani, yaketineyuhiritia miki kemititewaki.

14 Miki teiteri hipati xe'aurie memahane wakakaiyarixi xepikawarayexeiyani,

15 Yawé 'akakaiyari 'ahamatia kaniuyeikani, Kakaiyari mi'itetsa kanihikitini, kapa waikawa 'uyeha'aniki 'ahepaitsita, nika 'ena kwiepa metsi'akuyeitiani.

16 »Yawé 'akakaiyari pepika'iniataneni, Matsaha reyetewakaku xemite'uyuri hepai.

17 'Amarima xeikia kenaye'atiwani Yawé 'akakaiyari 'aitsikaya, meta naime 'iniari niukiyari mimatsiyetuiri.

18 Tita mitiheitserie tita 'aixia miti'ane yaketineyurieneni Yawé hixie, 'aixia 'iyari pemuyeikaniki meta miki 'akwie pemayeitianiki 'aixia mi'ane Yawé 'atutsima miwaruxatiakaitsie.

19 Yawé yunaime kaniwarayeweyamiki memixe'aye'unie kepauka xemiwaranukunanakeni, miki kemitixe'utahiawixi.

20 »'Uxa'atini warie, kepauka 'aniwe mimatsita'iwawiya: “¿Ketita ti'iniariyari niuki meta 'aitsikate naiti Yawé takakaiyari mixe'uta'aitia?”,

21 mipai pekatinita'eiyamiki: “Tame 'Ekipitu Parahuni ti'aitame wairiyarika tepite'i'uximayatsiriekai, peru Yawé mana kataniyewitini kwinimieme mariwemeki tiyurieneti tirikaiyemeki.

22 Tahixie, Yawé mamariwawemeki 'iniarite puwewi, meta kwinimieme 'aneneme 'uximatiarika 'ekipitutari wahetsiemieme, Parahuni meta yunaime tiriya mama wahetsiemieme.

23 Hiki mana kataniyewitini mitatsi'anuwitini 'iya kwieyaritsie tatutsima kemi'ane muwarutaxatiakai kename tatsiyetuirienikekai.

24 Yawé takakaiyari pitatsi'uta'aitia kename teke'eyemakaxeni meta temeye'atiakaku 'aitsikaya, 'aixia 'anemeki temu'uwaniki, te'ayeneniereti. Hiki temite'u'uwa hepai.

25 Xika yatetekahuni ta'iyariki naime 'aitsikatsie Yawé takakaiyari hixie, naimeki kemaine, merikite 'ana heitseriekameki temu'uwa tekanihikitikakuni”.

7

Hipame nuiwarite kememitewarayewei

1 »Yawé xekakaiyari 'iya kwieyaritsie kanixe'atiamiki mana yukwie xemayetitiani, mana 'atahuta nuiwarite kaniwaka'unamiki 'ahixie waikawa memitirikawi kepemikatitirikaiye 'eki, mekanihikitini hetitsixi, keriketseutsixi, 'amuxeutsixi, kananeutsixi, peretseutsixi, heweutsixi meta kewutseutsixi.

2 Kepauka Yawé xekakaiyari mixeyetuirieni meta kepauka xeme xemiwara'iwa, 'ana kaneuyeweka yunaime xemiwaka'unaki. Nixeime hamatia tiratu xepikawewieka, meta xepikawanenimayaka.

3 Meta miki nuiwarite wahetsia xepikaneiketiwani, yuniwema 'ukari miki

waniwema 'ukitsi xepikawatawititiwani, meta mana 'ukari xepikawaku'iwawani yuniwema wahetsiemieme,

⁴ Kariki miki 'ukari mekateniyurikuni 'uxa'atini warie Ti'aitame hetsia humemuwaruyu-nitiani meta miki mekateniyurikuni hipame pita kakaiyarixi mewarayexeyame memuwarayeitiani. Hiki 'ana Yawé waikawa kaniyeha'amiki xehetsiemieme, 'anari yapauka kamanika'unamiki.

⁵ »Mipai xekaniwayurikuni miki nuiwarite: Hakewa memitehetimawa xekaniti'unakuni, w-tetexi memiwarayexeiya xekanititarakuni, 'uka 'Atserá kakaiyariyari 'ikiyari xekanititarakuni meta hipame wakakaiyarixi memiwewiyatika xekaniwatitaiyakuni.

⁶ Kariki Yawé xekakaiyari hetsiemieme xeme teiteri xemipatsie xekanihikitini, miki kanixe'anayexeiya yunaime nuiwarite watsata, teiterimama hetsiana miemete xemihikitiniki.

⁷ »Yawé kanixe'utihiwe'erieni hiki kanixe'anayexeiya, tsepa xemikayumiirekai meta tsepa nitixaitiki xemikateyunaki'erikai.

⁸ Matsinaki'erieti katiniuyurieni, meta raye'atianike kemitiwarutahiawixi xetutsima, 'ayumieme Parahuni hetsia kanixe'utawikweitsitiani, 'Ekipitu ti'aitame, tixe'aitiakaku, wairiyarika xete'aitiariakaku pixe'ayewiti mariwemeki tiyurieneti tirikariyaki.

⁹ »'Ayumieme, Yawé xekakaiyari xekenetimati yuri Kakaiyari mihikiki, Kakaiyari heitserie yamitikamie, yutiratu hepaitsita yamitikamie

meye'atia tsepa nuiwarite waikawa me-manuyekika, meta yunaki'eriya matsiikime payeitia kemi'ane meminaki'erie wahetsia meta 'aitsikayatsie yamemitekahu,

¹⁰ matsi kemi'ane memixani'erie puwaka'una 'apikareutere mitiwarakapitiani.

¹¹ 'Ayumieme 'iniari niukiyaritsie yaketinekamieni, 'aitsika miwaikawa hiki nemixe'aitia xemeye'atianiki.

¹² »Xika xe'i'enieni kemaine 'iki 'aitsika, xika yaxetekakine, hiki 'ana Yawé xekakaiyari peye'atiani xetutsima kemitiwarutahiawixi, 'ana yunaki'eriya 'aixia mi'ane matsiikime payeitiani xehetsie.

¹³ Waikawa xenaki'erieti pixetimiiriya meta 'aixia piwayurieka tiri hukatsie memiyetei, meta 'ikwaxi 'iya kwietsie timieme 'atutsima miwaruxatiatsie. 'Iki katinixatani, tiriku 'aixia puyurieka, meta kaxie winuyari meta hatseiti, metatsiere 'atewama waniwema meta muxatsi.

¹⁴ Waikawa matsi xeme 'aixia xepi'itiarieka, keyuri hipati teiteri, mana pumaweni 'uki kanuariweti meta 'uka kaniweweti, meta xewiti tewa mana pika'uweni kaniweweti.

¹⁵ Yawé pixe'iwiyani xepikatekukuyeni, kwiniya kwinimieme mimayatika xehetsie pikaye'axeni 'Ekipitu xemeitima, matsi miki memixe'aye'unie wahetsiemieme pihikitini.

¹⁶ Keniwaruka'unani kemi'ane Yawé mixeyetuirieni. Xepikawanenimayaka meta wakakaiyarixi xepikawarayexeiyani, miki kapa xewiniyari mumiya 'ayaniki.

¹⁷ »Xiari mipai xekateniyuku'iawawiyani:

“¿Kehepai tetewarayeweiya 'iki nuiwarite, matsi memiyuwaikawa keyuri tame?”

¹⁸ Peru xepikawareumakaxeni, xekena'eriwani Yawé xekakaiyari Parahuni teiterimama 'Ekipitu kemiwaruyuri.

¹⁹ Xepunenierixi waikawa waruta'iniataka 'iniarite mamariwawemeki kemitiuyuri, waikawa yutirikariyaki Yawé xekakaiyari xehayewitinike 'Ekipitu kwieyaritsie, hikita yaxeikia katiniyurimiki yunaime teiteri wahetsie kemi'ane pemiwamakaxe.

²⁰ Meta, Yawé xekakaiyari kaniwaranuni'amiki wahetsia mirakatsixi, miki mepikawahayewa yunaime mepiwakwini meta kemi'ane mexemakati memiyu'awietatiweni.

²¹ Xepikawamakaxeni miki, matsi Yawé xekakaiyari, mimariwe mumakaxiwa xehamatia kaniuyeikamiki.

²² Yawé xekakaiyari kaniwarayeweyamiki nuiwarite kemi'ane memixetakwini, peru yapauka pikatiyurieni. Kwitiwa yunaime xepikawakwini, nikahirixia 'irawetsixi yeutari me'utixuawere xekwiepa me'akunini.

²³ Yawé xekakaiyari miki nuiwarite pixeyetuirieni xemiwara'iwaki, miki piwatimariuta mipai pitiwakwini.

²⁴ Te'aitamete kanixeyetuiriemiki, xemeta yunaime xekaniwaka'unakuni kememitetewakai mekaha'eriwame xekaniwarayeitiakuni. Nixewiti nuiwari pikaxeha'iwa, xeme matsi yunaime xekaniwakwikuni.

²⁵ Kenemaine xeme wakakaiyarixi memiwarutiwewi xekeniwaretitaia.

Pirataki meta huruki mitiwewiyatika xepikatehehiwe'erieka, nikahirixia winiyaritsie xeyukaxirieni, miki Yawé xekakaiyari katinixani'erieka.

²⁶ Tixaiti yukiita xepikate'uti'utani tita mitixani'eriwa. Kaneuyeweka miki naiti mireuyehiiyaniki. Xepikatenaki'erieka xeketenexani'erieka yemeki, nikahirixia xemeta xe'uka'unarieniki.

8

Yawé mi'akakaiyari kena'eriwani

¹ »Naime 'iniari niukiyari xekenaye'atiaka hiki nemixe'aitia, 'axemu'uwani miki matsi, meta xemuyumiiyaniki metatsiere yukwie xemayeitianiki 'iya kwieyari Yawé 'atutsima miwarutaxatiatsie.

² Xekena'eriwani huta tewiyari wiyari Yawé xekakaiyari mixe'uwitiximekai huyeta tukariki meta tikariki makumawetsie, puxetiuka'enitsitia mana waikawa pixe'uta'iniataxi yamiretimaniki tita yu'iyaritsie xemitehexeiya, meta yamiretimaniki xika 'aitsikaya xe'eye'atiaka yati hawaiki.

³ Waikawa pixe'uta'iniataxi meta xeye-haakakwitiweme pixe'ayeitia, peru 'arika manana pixemikwakai, miki 'ikwai xeme xemika'imatekai meta xetutsima mepikaheitima, mipai pixetiuta'ikitia kename tewi paki xeikia ka'ayeniereni, matsita naiti Yawé niukieya peuyewetse.

4 'Ana huta tewiyari wiyari xe'uhukaku xekamixate pika'utitsanixi, meta xe'ikate pika'utihai.

5 Yu'iyaritsie xekeneu'eni, tewi yuniwe miheitseritia hepai, Yawé 'akakaiyari mipaita kametiniheitseritiaka.

6 Xekenaye'atiaka naime Yawé 'akakaiyari 'aitsikaya kemaine, xe'eyemakati huyeya xekeneuweiyani.

7 Kariki Yawé xekakaiyari kwie 'aixia mi'anetsie kanixe'erikatsitiaka, kwie 'aki hexeiyatikaimetsie meta haixate, haa muhapane mayeweweritsie meta hiritsie,

8 kwie tiriku tsewara, kaxie meta xapa 'ikwaxi-yari, hipati 'ikwaxi, hatseiti meta xiete maxuawet-sie,

9 miki kwieyaritsie xe'ikwai yapirexuaweni meta tixaiti xepikateheuyehiaka, miki kwieyaritsie tetexi tepia pehiki meta hiritetsie kuwire xekanikaxeiyakuni.

10 »Kepauka xemitehetikwani, kepauka xemetihuxani, Yawé 'akakaiyari 'aixia xekatenahiawekuni miki kwie mixeyetuiriki 'aixia 'anekame.

11 Yumarima 'aixia Yawé 'akakaiyari xepikahatitimaiyani. Xepikatehayewani 'iniari niukiyari xehaye'atitai meta 'aitsikaya ne hiki nemixe'aitia.

12 Kepauka xemitehetikwani meta kepauka xemetihuxani, kepauka kii xemeyutiwewirieni 'aixia 'aneneme meta kepauka 'ari muwa xemayeteni,

13 kepauka xetewama memeyutimiire, meta xe-

muxatsima, kepauka 'ari huru p̄rata waikawa
xemexeiyani, metatsiere piinitiarika waikawa,

¹⁴ 'ana waikawa mamariwawemete
xepikahayuyeitiwani meta Yawé yukakaiyari
xepikahatitimaiani, miki 'Ekipitu kwieyarit-
sie mixe'ayewiti, mana wairiyarika
xetehe'uximayakaku.

¹⁵ Yawé p̄ixe'uwitiximekai makumawe
'e'akuyeukametsie yemeki 'axatiu'anekaku,
kwie muuwakitsie, kuuterixi memiteyumemiwa
watsata meta terikaxi, tete mitse'itsie mieme haa
p̄ixe'uharitia,

¹⁶ makumawetsie manana payari
p̄ixemikwakai, miki 'ikwai hatsuaku xetutsima
memikaheitima. Mipai p̄ixetiuka'enitsitia
meta p̄ixe'uta'iniataxi, 'arike 'imatirieka 'aixia
mixetiyuriekaki:

¹⁷ Hatsuaku mipai xepikateku'eriwani. “Tki
piinitiarika nemirexeiya nekimana nemamaki
nepitiukaxei”.

¹⁸ Yawé 'akakaiyari kena'eriwani, miki kame-
tinipitiaka piinitiarika pemirexeiya, mipai katin-
eye'atiaka miki hiki yutiratu meripaiti xetutsima
kemitwarutahiawixi.

¹⁹ »'Uxa'atini warie xika Yawé yukakaiyari
xehatimaia, xika hipame kakaiyarixi
xewarayexeyati xehakine meta wahixie xika
xe'ukahixima'uweni, mipai ne nekanaineni hiki
xehetsiemieme yuriki xekanika'unariekuni.

²⁰ Xika Yawé yukakaiyari xekahanu'enieni,
mipaita xeme kanixeyurimiki Yawé
kemiwayurieni hiki hipame nuiwarite waka'unati
xehixie.

9

'Txaheri 'aixia mitiyurieneki pikatiuyi

¹ »'Ixaheri keneneu'eni, hikiri Kurutani hatuxameyaritsie pekaniuyeimiki pemeutahaniki meta pemiwarayeweyaki nuiwarite waikawa memitirikawi memimamariwawe 'eki kepemikatitirikaiye, miki wakiekari kuraruyari 'amatititi muyuawitsiepai kaneye'atikani.

² Miki teiteri yemeki mekanimamariwaweni meta kwinimieme me'utiti, 'anakitsixi memitetetewa mekanihikiti. 'Ekiri pekaniwamateni meta mipai maniyine waniukiyari pekanimaika. “¿Kemi'ane piyiwe 'Anaki nuiwarimama miwaraye'unieka?”

³ Peru 'eki matsi yaketinemaika hiki, Yawé 'akakaiyari 'ahixie 'anuyekaiti 'apumieni, piwaka'una tai hepai piwatixitsitiani meta tirikariya pimatsipitiani. 'Eki pekaniwarayeweyamiki kwitiwa pekaniwarakumaweriyamiki, Yawé kemimerahiawekai.

⁴ »Yawé kepauka miwarayeni'axiani 'ateewa paiti 'ahixie, mipai pepikati'akihaweni “Yawé pinetsiyetuiiri 'iki kwie nekwie nemayeitianiki heitseriemeki yanemitikamieki”. Matsi Yawé kepauka miwakwini miki nuiwarite miki 'axamemiteyurieki katiniyurimiki.

⁵ Mipai kani'aneni, 'eki heitserie pemexeiyaki pikatiyini meta heitserie pemuyeikaki, mipai 'ayumieme kwie pepikayetuiiriyarieni. Hawaiki. Matsi miki nuiwarite 'axamemite'uyuriki Yawé 'akakaiyari 'ateewa paiti kaniwarayeweyamiki. 'Ana mipai mireye'atianiki 'atutsima meripaiti

kemitiwarutahiawixi, 'Apirahami, 'Itsahaki meta Kakuwu.

⁶ Mipai xeketenemaika teiteri xemitsetse'i xemihiki, 'ayumieme heitserie xemi'uwaki xepikate'anuyehu Yawé xekakaiyari kwie mixeyetuirieni 'aixia mi'ane.

Huruki tsikeru miwewiya

⁷ »'Iki xekena'eriwani, meta xepikatehatitimaiani makumawetsie Yawé kexemite'iyehaxiatia, kepauka 'Ekipitu xemayekitsie paiti 'ena xemiye'axiatsie Yawé xepikaheu'enie.

⁸ Waikawa xekaniyehaxiatiani Huré yemuriyaritia, 'ari yunaime pixekwinikekai.

⁹ Kepauka mana hiritisie nemanutitia tetexi miweweri nemiyetuiriyarieniki, tiratu maye'uxa Yawé mitawewi xehamatia, mana hiritisie huta tewiyari tukari meta tikari nekaniuyurieni, nekatikwati meta nekahareti.

¹⁰ Mana Yawé kaneniyetuirieni hutame tetexi wewerime, miki yikimana ra'utiaka kemutayi hiritisie 'utaniuti xehixie, taitsie, kepauka yunaiti xemuyuxeiriekaitsie.

¹¹ »Huta tewiyari tukari meta tikari 'aye'aku, Yawé 'ana kaneniyetuirieni hutame tetexi muweweri, tatsiari tiratu kanihikitikaitini,

¹² hiki mipai kanetiniutahiawe: “Yapauka kenanukaye'a, kariki 'ateiterima 'Ekipitu pemwayewiti, yapaukari 'axamekateniuyurieni. Kwitiwa nehuye mekaniuku'eirieni nemwaruxeiyatsitiakai memiweiyani, xeime kakaiyari huru taiyariyariki mekaniutawewieni”.

13 »Tawarita Yawé mipai kanetiniutahiawe: “Nepiwamate 'iki teiteri, yemeki memitsetse'i mepihiki.

14 Keneneupitia nemuwaka'unaki meta nemuwarakuyeitianiki kememitetetewakai. Matsi 'ahetsie, nuiwari metirikaiyeme nepumatsi'ayeitiani meta xeyumiireme keyuri miki”.

15 »'Anari ta'aurie nekanaweni, hiki hiritsie nekananakayani, miki mitakaitsie. Hutame tetexi wewerime nekana'ikaitini tiratu mihikitikai.

16 Hiki nekanixe'uxeiya Yawé yukakaiyari hepaitsita 'axaxekateniuyuriekaitini, xeime kakaiyari huru taiyariemekameki xekani-utawewieni, tsikeru hepai 'anekame kwitiwa xekanipata Yawé huye mixe'uxeiyatsitakai.

17 Hiki hutame tetexi wewerime nemamatsie nema'ikai kwiepa nekaneixirieni, xehixie nekan- ititara.

18 »Tawarita hutarieka Yawé hixie neka- niukatunumakeni mana nekaniyuhayewa huta tewiyari tukari meta tikari, nekatikwati meta nekahareti. Waikawa 'axaxemite'uyuriekaiki Yawé hixie xe'iyehaxiatiaku.

19 Yuriki 'ana nekaniutimani Yawé muyeha'aki, waikawa xe'iyehaxiatiaku pixeheuyehianikekai, matsi Yawé tawarita pinetsi'u'eni.

20 Metatsiere kwinimieme Yawé ka- tiniha'akaitini 'Aruni hepaitsita kan- imienikekaitini, miki hetsieta nekaniutaniuni mihayewaki.

21 Hiki xeme tsikeru kakaiyariyari xemeitawewiekai, miki kakaiyari muwewiya 'axaxeteyuriekame mixe'ayeitiakai, ne

nehenakahanaka taipa nekaneitataiya,
'etsipepeme nekanayeitiani meta tumuanari
nekaneyeitiani, hiki miki mitixiyari 'aki hiritsie
makanena 'utia nekaneikawiwieni.

²² »Tawera mirakutewatsie, Matsaha meta
Kiwuruti-Hatawa, manata yaxeikia Yawé
xekaniuyehaxiatiani,

²³ yaxeikiata kepauka Yawé mixeheni'atsie
Karetsi-Waxineya xe'u'uwakaku mipai
xerahiaweti: “Xekenehu yukwie xekanyeitia
nemixeyetuirie”. Matsi xeme xeputiniukixi
Yawé xekakaiyari 'aitsikaya hepaitisa, 'ana
yaxepikatekaki miki kemainekai xepikahenu'eni.

²⁴ Kepauka paiti nemixehetima Yawé
xepika'enie.

²⁵ »Yawé mipai mutayikaiki kename
xeka'unakekai, ne matsi nekaniutihiximakeni
hixiena, huta tewiyari tukari meta tikari.

²⁶ Yawé nekaniutawawirieni, mipai
nekatinitahiawe: “Yawé Kakaiyari
pepikawaka'unani miki 'aiwewarima
mekanihikitini, pemiwarutawikweitsitia
'ateiterima miiremeki pekaniwaranuyexeiya
'Ekipitu pekaniwarayewitini, waikawa
kwaniwemeki petiyurieneti wahetsiemieme,

²⁷ Keniwara'eriwani matsiparewiwamete
'Apirahami, 'Itsahaki meta Kakuwu,
'atsipepikati'akihaweni 'iki teiteri wahepaitsita
memitsetse'iki meta kwinimieme 'axake-
memiteyurieki,

²⁸ hakewa pemitatsi hayewiti, kapa
mana mipai mehetiyuaniki: 'Yawé
pika'uyiwekaxia miwaraye'atianiki hakewa

kwie mīwarexatīakaitsie. Muwa'uxiwe'eriekaiki puwarayewitī makumawetsiepai memikwiniki.'

²⁹ 'Imatirieka yunaitī 'ateiterima mekanihikini pemīwaranayexei, miki wairiyarika pemīwarayewitī mekanihikitini, 'iniarite mamariwaweme petiyurienekaku 'atirikariyaki”.

10

Hekwameki tetexi mīweweri 'iniari niukiyari maye'uxa

¹ »Merikitsi 'ana Yawé mipai kanetiniutahiawe: “Hutame tetexi wewerime keneutiwewi matiari mieme hepai 'anenekame, meta kiye kakuniyari pepitawewieni, hiki 'ana, hiritsie pekananutiyeimiki nehetsia.

² Ne mana nepira'utiaxiani yaxeikia kemire'ukai meripaiti hipame pemititaraxitsie, hiki 'anari kakunitsie pekanika'utamiki”.

³ »Hiki, kakuni nekaniutawewieni 'akatsiya kiyeyariki, meta hutame tetexi nekaniutixixieni meripaiti mieme hepai 'anenekame, hiki 'ana nekaneyani hiritsie miki tetexi muweweri hutame ne'a'iti.

⁴ Mikitsieta Yawé katinaka'utiani yaxeikia meripaiti mieme hepai, hiki kaneneyetuirieni, tatsiari tamamata 'aitsikayari mixe'utaxatia kepauka teyunaiti temuyuxeiriekaitsie, kepauka hiritsie mixe'utahiwixi taitsie.

⁵ Hiki hiritsie nekananakayani, tetexi mīweweri nekaniuti'uta kakuni nemutawewitsie. Mana kaniyemaneni, Yawé keminetiuta'aitia».

Rewitsixi wa'uximayatsika

6 Hiki 'arike 'ixaheritsixi mekananuku'uni Weruti-Wene-Yakani (waputsu matinenieretsie) mirakutewatsie, Mutseraha mekanu'axiani. 'Aruni mana kaniumi'ni mana kaniukateukieni, nu'aya 'Eriyatsaxi kanitsuti'ani hetsiena mieme ti'uximayati mawari wewiwameki.

7 Manata memiyeki Kurikura mekanekine, manata memiyeki Kutiwata mekanu'axiani, haa waikawa maxuawekaitsie.

8 'Ana Yawé mipai katiniwaranayexeiya, Rewi nuiwarimama tiratu kakuniyari memukweiximeniki meta Yawé hixie memiti'uweniki mete'i'uximayatsirieti, miki kemititewaki hetsienamieme teiteri 'aixia memuwayuriekaki, hiki kememiteyurie.

9 'Ayumieme Rewi nuiwarimama kwie mepikayetuiriyarieni yu'iwama wahepai, Yawé wahetsiemieme wa'imikieri kanihikiti'ni, miki yikimana kemutayi.

Yawé kemitiwareuyehiwiri 'ixaheritsixi

10 «Ne hiritse nepinehayewaxi huta tewiyari tukari meta tikari, matiari kenemireuterixi hepai, hiki 'anata Yawé kaneniu'enieni. Miki mipai pikatiku'eriwakai mixekwiniki,

11 Yawé mipai kanetiniutahiawe: “Kenemie miki teiteri wahuyeta keniwaruwitiximeni, yukwie memayeitiani'ni watutsima kenemitiwarutahiawixi kename newaye-tuirienikekai”.

12 »'Ixaheritsixi teiteriyari, hikita, igitita tixewawirie Yawé xekakayari? Xekenayemakaxeni xeikia, meta huyetana xekeneuhuni,

xekenenaki'erieka naime 'a'iyariki meta
kepemi'ti'amateki,

13 meta xeikia naime 'iniari niukiyari
xekenaye'atiaka meta hipame 'aitsika hiki
mixe'aitia xemeye'atiakaki, 'ana 'aixia 'iyariki
'uxa'atini warie xemu'uwaniki.

14 »Yawé xekakaiyari muyuawi katinip-
inieyatini, meta waikawa 'emireutitewa, kwie
meta ketita hetsiena mitixuawe.

15 Yawé matsi meripaiti kiekatari xetut-
sima kaniwanaki'eriekaitini, hikita xeme
waxiiyaritsiemieme xemihiki, 'ayumieme
kaxenanayexeiya yunaime teiteri watsata, hiki
ketemiteneniere hepai.

16 'Ayumieme, 'aiyaritsie pepikaratitimaiani,
matsi yu'iyaritsie memitsetse'i wahepai
pepika'aneni.

17 Yawé 'akakaiyari matsi kakaiyarixi kani-
wakakaiyaritini, meta yunaime te'aitamete ka-
tiniwa'aitiwametini, kwi tirikaiyeti 'ayemakaxi-
wati, yiki katiwaxeiyati teiteri tixaitiki katipatati.

18 Mikiri nutuite meta wiuraxi wahetsie
nunuwame kanihikitini, ku'uwamete
kaniwanaki'eriekata kemarite meta 'ikwaitiarika
tiwayetuiiriwati.

19 'Ekita ku'uwamete mipai pekatini-
wanaki'eriekamiki, yaxei kiata 'eki 'Ekipitutsie
yeikame pekanayani.

20 Yawé mi'akakaiyari pe'ayemakaxeti
kenayexeiyani. Mikitsie xeikia ketinewiyani meta
kepemitayini miki kemtitewaki yakeneutaineni.

21 Miki 'atemawierika kanihikitini, miki
kani'akakaiyaritini, mikiri 'ahetsiemieme

mariwemekî katiniyurienekaitini.

²² Miki haika tewiyari heimana tamamata mekaniyupaimekaitini xetutsima kepauka 'Ekipitutsie memeki, hikiri Yawé mi'akakaiyari kwinimieme 'ateiterima meyupaimeme kaniwarayeitiani, xurawetsixi muyuawitsie memikayu'iniatsinia wahepai.

11

Yawé kememitenaki'erieka meta kemitehei'enieka

¹ »Yawé xekenenaki'erieka xekakaiyari meta yaxeketenekahuni yuheyemeki 'aitsikateyatsie, meta naime 'iniari niukiyaritsie.

² Xekenaye'eri hiki, xeme xekaniyiakaitini, xeniwema mepikayiakai, tita xemitehetima Yawé xekakaiyari xeheitseritiakaku. Xeme xepixei tirikariyaya mimariwe,

³ meta kemitiuyuri, 'iniari kemitiuwewi 'Ekipitu hetsiemieme, Parahuni meta teiterimama meyunaima wahetsiemieme.

⁴ Xeme xepunenierixi kuyaxi 'ekipitutari kemiwaryuri, Haramara-Mixeta waheima kemitiuyeuri wakawayutsixi meta wakaxetate yunaime waheima, kepauka miki memixe'uweiyakaitsie. Yawé kaniwareuyehiani yuheyemeki.

⁵ »Yaxeikiata xekena'eriwani kemitiuyuri xehetsiemieme makumawetsie, meta kemitixe'uye'atia 'enapaiti.

⁶ Metatsiere, xekaneneniere kemiwareyuri Ratani 'Awirani mame, 'Eriyáwi niwemama Xuweni nuiwarieya, yunaime xeme xehixie kwie

kananutayepieni miki miwareukakwaniki meta yunaime waniwema, waxamaru meta naime ketita memitehexeyakai.

⁷ Yuriki xemeri xekaniuneniere tinaime mari-wemekí Yawé kemitiuyuri.

⁸ »'Ayumieme hiki naimetsie xeketenaye'atiaka 'aitsikatsie hiki kenemixerahiaawe, para xemeta xemitirikawiniki xemiwiwaweniki xemanikineki Kuratani hatuxameyaritsie, kwie xepiini mayaniki,

⁹ Para mana xemu'uwaniki miixa wiyari miki kwieyaritsie, Yawé kemitiwarutahiawixi xetut-sima kename wayetuirienikekai, meta xenuiwar-itsie miemete, kwiepa hakewa waikawa retsi mexuawe meta xiete.

¹⁰ Miki kwie xeme xepiini mayani, miki 'Ekip-itu mieme hepai pika'ane xeme xemayekitsie, mana xeme xepiteheka'etsakai yu'imiarite meta xepitehehatuiyakai, haraweri mitiuhatuiyariwa hepai.

¹¹ Peru xeme yukwie xemayeitianitsie, mana kwiepa kanakuhiriyaka meta 'akuweriti, haa taheima miemekí kaniukahatuiyariwani.

¹² Yawé xekakaiyari kanihikitini mi'iwia yuheyemekí, meta kanixeyakamiki kemireutere.

¹³ »Xika naime xehaye'atiaka 'aitsika hiki ne nemixeyeturi, xika Yawé yukakaiyari xenaki'erieti yemekí yu'iyariki yaxetekahuni, naimeki kexemiteyumate,

¹⁴ merikite 'anari wiyeri xekwietsie kanixehani'airiemiki kepauka maye'axenitsie, taxarita meta witarita kanayeikamiki, tiriku, winu, meta hatseiti xemite'ukaxexeyaniki.

15 Meta yaxeikia hiritse tupiriya kanitiwaw-eriyamiki, xetewama wahetsiemieme, xemeta yaxeikia xetekwati xekanihuxakakuni.

16 »Yumarima 'aixia. Xepikayuwairiyani xemite'iriwiyarieniki. Xaitsie xepika'uyuyupikeni, meta hipame kakaiyarixi xepikawarayexeiyani, wahetia xepikatihixima'uweni,

17 mexika mipai xe'uyini Yawé kanix-eyehkamiki, muyuawitsie katineunamiki mikakawiyeki, kwie 'ikwaxi pikatitixuawitiani, 'ana yapauka xeme xepakumawere Yawé kwie 'aixia mi'ane mixeyetui ri hetsie.

18 Yu'iyaritsie xekenaka'iki 'iki niuki meta yu'eriewametsie, yumamatsie xekeneutapietikani ha'utikaime 'iniari hepai mumatsiikiniki, meta tepia 'iniariyari hepai yukanata xekenamanani.

19 Yuniwema xekeniwaruti'ikitia, yaxeketeni-wakuxaxatiwani yukie xemititenitsie, kepauka huyeta xemuhunitsie, kepauka xemikahinitsie meta kepauka xemanuku'unitsie,

20 'akitenie muka'utikatsie kena'utiaxia meta yukiekari 'itupariyaritsie.

21 Mipai, mexi 'akuxi muyuawi kwie mana kuma, xeme meta xenuiwarima mepayeneniereni miki kwieyaritsie me'u'uwati, Yawé mixeyetui rietsie xetutsima kemitiwarahawekai kename xeyetuirienikekai.

22 »Xika yaxetekakine xeyukweriwayurieti naime 'iki 'aitsikatsie hiki nemixeyetuirie, Yawé yukakaiyari xika xenaki'erieka, xika huyetana xe'uhuni heitseriekameki hetsiena xetewiyati.

23 Hiki Yawé kaniwarayeweyamiki xekwietsie miki yunaima nuiwarite. 'Anake xeme xekaniyiwawekuni xemiwara'iwa, tsepaneti waikawa memimamariwawe meta tsepa waikawa memitirikawi keyuri xeme.

24 Naitsarie miki kwieyaritsie hakewa xeme-eye'axia miki xehetsiemieme payeikani, xekwie 'akaniyeukamiki makumawetsie tsutiarieti 'atsita Riwanu hiriyaitsie paiti ye'atikaiti, meta 'Eupirate 'akiyaitsie tsutiarieti 'atsita haramara Meritexaniyu paiti ye'atikaiti.

25 Nixewiti pikaxeha'iwani. Tsepa hakewa xemeuki Yawé xekakaiyari yapitiyurieni yunaiti kwiepa memitama memixemakaxeniki yemeki, miki kemitixehahiawekai.

26 »Ne hiki hutame nekanixeyetuirieka kemi'ane xemanayexeiya, 'aixia xemi'itiariekaki meta 'axaxemi'itiariekaki,

27 “'aixia xepi'itiarieka”, Yawé xekakaiyari 'aitsikayatsie xika yaxetekakine, hiki nemixe'aitiatsie xemeye'atianiki,

28 “'axaxepi'itiarieka”, xika Yawé xekakaiyari 'aitsikayatsie yaxekatekakine, xika huye xe'uku'eirieni hiki nemixe'uxeitsitia xemiweiyani, meta hipame kakaiyarixi xemikawamate xewarayexeyati xe'akine.

29 Kepauka Yawé xekakaiyari mixe'aye'atiani xekwie mayanitsie, xeme Keritsini hiriyaari 'aixia xepuyurieni, peru 'Ewari hiriyaari 'axaxepuyurieni.

30 Miki hirite Kurutani 'anutaiye kanikuteni, tau makayuyupike hepatsie, kananeutsixi wakwieyaritsie 'Arawa kiekatari, Kirikari 'aurie,

Mure xiuyari maku'utsie.

³¹ »'Ari Kurutani hatuxameyaritsieri xe'anukineke xekaniyiaka, xeheutahaxianike yukwie xemayeitianiki Yawé xekakaiyari mixeyetuirietsie. Kepaukari yupiini xemayeitiani meta manari xemetiteni,

³² xeyukweriwayurieti yaxeketeyekahuni naime 'iniari niukiyaritsie meta 'aitsikateyatsie hiki nemixeyetuirie.

12

Hakewa xeikia meyiwe miretimawa

¹ »'Iki 'aitsika meta 'iniari niukiyari kanihikitini xeyukweriwayurieti mipai xemite'u'uwaniki, mexi 'akuxi kwie Yawé xetutsima wakakaiyari mixeyetuirietsie xe'u'uwani yukwie xemayeitiansie:

² Miki nuiwarite xemiwarayeweia hakewa yukakaiyarixi memiwarayexeia naime xekatenika'unakuni, tatsiari hiri 'amanutititsie meta yemuritetsie meta kiyexi 'amupapa hetia.

³ »Memitehatimawatsie xekaneka'unakuni, watetexi memiwarayexeia xekanetitarakuni, 'uka 'Atserá kakaiyariyari 'ikiyari xekaniti-taiyakuni, wakakaiyarixi xekaniwatitarakuni meta kakaiyarixite xekaniwakumaweriyakuni kememitetewakai.

⁴ »Miki yukakaiyarixi kememitewarayexeyakai hepai Yawé yukakaiyari mipai xepikatehayexeyani,

⁵ xenuiwaritsie Yawé kanenayexeyamiki hakewa memeyexeyaniki kemititewaki, mana

xeme xehume xekaneyiwawekakuni xeikia xemeyexeianiki.

6 Mana xeme yumawari taiyariyari xepeuwewiyu, meta hipame mawarite, tamamatatsie mieme xeime, tita mitiyetuiwatsie mieme, kexemiteyihiritia, kexemiteyuwairiya mawariyari metatsiere xetuurutsixi matari miemete yaxeikia muxatsi meta tsipuri.

7 Mana Yawé xekakaiyari hixie, xeme meta xetiiriyama xekatenikwakakuni xekaniyutemamawiekakuni mete'uximayati memite'ukaxexeiya, Yawé xekakaiyari 'aixia mitiuyuriki.

8 »Muwari xeme yaxeikia xepikateheyurieka hiki 'ena ketemiteyurie, hiki 'ena yatepityurie kemitatinake taxexuiti,

9 'akuxi xemikaheutahaxiawaweki 'uxipiya maxuawetsie meta Yawé xekakaiyari kwie mixeyetuirienitsie.

10 Peru xeme xekananukinikuni Kuru-tani hatuxameyaritsie, 'iya kwieyaritsie xekaniu'uwakuni Yawé xekakaiyari mixeyetuirienitsie, miki memixe'aye'unie xe'aurie memetetika wahetsia kanixetixinamiki, hiki xeme 'aixia 'iyari xekaniu'uwakuni xe'iwiyarieti.

11 Hakewa Yawé menayexei xemeyexeianiki tiname xekatenanupikuni kenemitixe'uta'aitia: Mawari taiyariyari, mawarite, tamamatatsie mieme xeime, ketita mitiyetuiwa mawariyari, tita memiteyetuaya meta Yawé minaki'erie mawari kemitiyuhiritiani hetsiemieme.

12 Mana 'ixiarari xekaniutiwewiwakuni

Yawé yukakaiyari hixie, miki yuniwema 'ukitsi 'ukari wahamatia, meta wairiyarika te'uximayatemetete 'ukitsi 'ukari, meta rewitsixi xehamatia mana memititeni xekiekaritsie, mikiri mepikaheixeyani kwie yuhetsiemieme.

13 »Kepauka mawari pemiwewieka, kene'a'iwiyati mipai ketineyurieneni hakewa matsihenake xeikia 'eki pikatixai.

14 Mipai matsi pekatiniyurienemiki Yawé hakewa menayexeiyatsie xeikia, mana mipai pekatiniyurienemiki ne hakewa nemereta'aitiani.

15 Mipaita kani'aneni, kepauka yapemira'eriwani pekaniiweni tewaxi pemiwakwika wawaiyari pemikwaka tsepa kemi'ane 'akiekaritsie, xika Yawé 'akakaiyari 'aixia matsiyurieka. Pemikwaka pepiiweni tsepa pemi'itiya yatini tsepa pemika'itiya, yeutari tsipuri wahepai memi'anene wawaiyari pemiurieneni hepai.

16 Peru xuriya pepikakwa'ani, matsi pita pekanitayeuriwamiki kwiepa haa hepai.

17 »'Imikieri tamamatatsie mieme xeime pepikakwaka 'akiekaritsie 'atiriku hetsiemieme, winu meta hatseiti, meta 'atewama tuurutsixi meta 'amuxatsi meta tsipuri mexiakate, meta yape'utayika pemitwayetua, meta temawierika mawariyari 'ahetsiemieme kepemitikuxeiri.

18 Matsi pita pekatiniwakamiki ketita Yawé 'akakaiyari hetsia mitimieme, miki hakewa met-sihepitiani, yaxeikiata mepiteyurieka xeniwema 'ukitsi, 'ukari, meta texe'uximayatsiriwamete, meta rewitsixi xekiekaritsie memititei, yaxeikiata

Yawé 'akakaiyari hixie pepi'atemawieka
peti'uximayati kepemitiuyuri.

¹⁹ Kene'a'iwiyati xeikia rewitsixi
pepikawaruku'e'eiriwani mexi 'akuxi kwiepa
pe'uyeikani.

²⁰ »Kepauka Yawé 'akakaiyari 'akwieyari
'amitayeuriya, kemimatiutahiawixi, kepauka
mipai pemitayini: “Wai nepaukwaimiki”,
pepiyiwe wai xika peheukwaimikini tsepa
kepaimeme.

²¹ Xika 'ahetewani hakewa meyuhayewa Yawé
'akakaiyari, pepiyiweni tewaxi pemiwarutimawa
tsikerutsixi yatini muxatsi, netsi kenemitiu'aitaxi,
pepiyiwe pemitikwaka 'akiekaritsie tsepa
ketipaimeme.

²² Wawaiyari kenekwaka yeutari tsipuri
wahepai memi'anene wawaiyari pemiurieneni
hepai. Tsepa pemi'itiya yatsepa pemika'itiya
pepiyiwe pemikwaka.

²³ Peru keneyi'iwiyani xuriya kapa pekwaka.
Xuriya kariki tukari kanihikitini. Tukari
pepikakwaka wai mame.

²⁴ Pe'ikwanike matsi pita keneyeuri kwiepa haa
hepai.

²⁵ Xuriya pepikakwa'ani, 'aixia 'iyari
pemuyeikaniki meta 'anuiwarima, heitserie
yapemitikamieki Yawé hixie.

²⁶ »Piinite tita tipatsiekame pimirayeitia,
meta mawari kepaimeme pemixatia,
ketineukuha'aritaka ketinanupini Yawé kemaine
hakewa pemiretimawa.

²⁷ Mawari taiyariyari waiyarieya meta

xuriyaya Yawé 'akakaiyari hetsiemieme mawari taiyame pekaniyetuamiki. Xuriya mawari taiyame hetsie pekanitayeurimiki, meta waiyari pemitikwani pekaniywemiki.

²⁸ » 'Amarima 'aixia yaketinekamieni naime 'iki 'aitsikatetsie hiki ne nemimatsiyetuirie, yuheyemeki 'aixia 'iyari pemuyeikaniki meta yaxeikia 'anuiwarima. Mipai xika petiyurieneni 'aixia pekaniyanemiki Yawé 'akakaiyari hixie.

²⁹ » 'Ahixie Yawé 'akakaiyari kaniwaka'unamiki nuiwarite 'eki pemwarayeweiya. Kepaukari pemwarayeweiya, kepauka wakwietsie pemukaniri,

³⁰ 'arike pewarayeweyameri keneyu'iwiyani yaxeikia pepikatiyurieneni kememiteyuriekai, kapa wawiniyaritsie pe'ukaweni wakakaiyarixi pewarutihiwe'erieme. Mipai pepikatu'iwawani: “¿Kehepai metewarayexeyikai 'iki nuiwarite yukakaiyarixi, neta yaxeikia nemitiyurieneniki?”

³¹ Yawé mi'akakaiyari matsi mipai xepikatehayexeiyani, Yawé miki yemeki pitixani'erie miki tiname kememitewarayexeiya yukakaiyarixi. Metsi yuniwema 'ukitsi 'ukari mekaniwatitaiyakaitini yukakaiyarixi mewatimawirienike.

³² » Neuxei 'amarima 'aixia naimetsie yaketinekaye'a kenemimati'aitia hiki, tawarita peka'enutiyayatsati meta peka'enakaxiriwati.

13

*Mari'itiarika hipame kakaiyarixi
memikawarayexeiyaniki*

¹ »Kepauka xehetsia munuani tewi Kakaiyari niukameya yatini heinitsi hepai 'aneme tikuxatati, meta kemitiyini hepaitsita tikuxatani meta 'iniarite mamariwaweme hepaitsita,

² xika miki 'iniari 'aye'atarieni, xikata mipai haineni: “Hikimitika hipame pita kakaiyarixi tepiwarayexeiyani”, kakaiyarixi pemikawamate xika waxatani,

³ miki Kakaiyari niukameya kwi pepika'enieka yatini xika heinitsi hepai 'aneme mitikuxata xika yianeni. Yawé 'akakaiyari kameni'iniatanemiki xika 'aku yuriki yemeki 'a'iyariki pe'inaki'erieka meta kepemiti'amateki.

⁴ Yawé 'akakaiyari xeikia pepayexeiyani meta miki xeikia pepayemakaka. 'Aitsikateyatsie yaketinekamieni, keneu'enieka meta ketine'uximayatsirieka meta hetsiena ketinewiyani.

⁵ Peru miki Kakaiyari niukameya hetsie pepirahiani mimierieniki yatini xika heinitsi hepai ti'aneme mitikuxata yianeni mipai mimatiutahiawixiki kename Yawé 'akakaiyari peke'uku'eirienike, 'Ekipitu mixehayewiti mixe'ixinaxi wairiyarika xete'uximayakaku, mipai xepitehenayehiani tita 'axamiti'ane xetsata, miki tixaxatame mimatsipataki Yawé 'akakaiyari huyeya xemuku'eirieniki mimatsi 'uta'aitiakai xemiweiyani.

⁶ »Xika 'a'iwatiti, yatini 'aniwe 'uki 'uka, yatini 'a'iya kwinimieme pemitinaki'erie, yatini 'ahamiku peminaki'erie yemeki, xika metsi'anayewitimikini 'awie mipai metikihaweni: “Hikimi hipame kakaiyarixi tepiwarayexeiyani”, xika kakaiyarixi

pemikawamate waxatani meta xepaapama
memikawaretima,

⁷ 'ahurawa xe'aurie kiekari mukumane
wakakaiyarixi yatini teewatari naitsarie kwiepa
memuxuawe,

⁸ meti'iriwiyaniki pepikayutaunieka
pepikawareu'enieka. Meta miki
pepikawareunenimayaka. Wahetsie
pepikanuaka meta pepika'enukanaka,

⁹ meta pepikayu'iyaritiaka pemimieniki. Matsi
'eki meri keneutatuaxi pemimieniki, meta yax-
eikia 'akie kiekatari meketeyurieka.

¹⁰ Kenetituaxati keneumi'a, Yawé 'akakaiyari
hetsia mimatsi'anayewitiki tima, 'Ekipitu
mimatsi'ayewiti, wairiyarika pere'uximayakaku.

¹¹ Hiki yunaiti 'ixaheritsixi mekateni-
tamarikuni meta mekanitimamakuni
waikawa, 'ana tawariri xewiti 'axamiti'ane
pikatitixuaweritiani.

¹² »Xika xeime kiekaritsie Yawé 'akakaiyari
mimatsiyetuiritsie mana kiekame pemayaniki
xika mana mipai petiumarieni

¹³ kename hipati teiteri mehetinexia
'axamete'u'iyariti teiteri mipai metewa'inieti:
“Hikimi tepiwarayexeiyani hipame kakaiyarixi”,
xika kakaiyarixi xemikawamate mexatsiwani,

¹⁴ hiki 'ana peuyewetse kayuwati xe-
muti'iwauni yumarima. Xika 'aku yuritini mipai
tiyianeni xetsata,

¹⁵ miki xekaniwakwikuni yunaime mana
kiekatari kemi'ane kiekaritsie mitiuyi. Tinaime
xekeeteneuka'una mana mitixuaweni meta tewaxi
yunaime.

16 Tinaime piinite miraye'atika
 xeketeneukuxeiri teiteri memayukux-
 exeiriwatsie, hiki kiekari xekeneutataiya
 meta miki piinite miraye'atika. Miki
 mawari kanayeimiki taiyariiekame Yawé
 'akakaiyari hetsiemieme. Miki kiekari
 yuheyeme kaniyuhayewamiki 'uniti, tawariri
 pika'anukuketiarieni.

17 'Ahetsiemieme tixaiti piini pepikarayeitiwani
 tinaiti miki katiniyetuiyani mireuyehiiyaniki.
 Hiki 'ana Yawé yuhaxia 'ahetsie pikapitiani, matsi
 pita 'aixia matixeiyați matsinenimayati, meta
 yapitiyurieni 'anuiwarima yumireti memakineki,
 kemitiwarutahiawixi meripaiti 'atutsima.

18 Mipai katiniyimiki, kepauka naime 'iki
 'aitsikate xemaye'atiani hiki nemixeyetuirie,
 meta kepauka heitserie yapemitiyurieneni Yawé
 'akakaiyari hixie.

14

Tkwai mi'itiya meta mika'itiya

(Hut 14:3-20 - Maw 11:1-23)

¹ »Yawé Kakaiyari xeme xekaniniwemamatini.
 Yuwaiyari xepikatixitekeni meta yumu'utsie
 xepikayukametseriyani, xewiti mumi
 hetsiemieme,

² xeme kariki teiteri xemipatsie xekanihikitini
 Yawé xekakaiyari hetsiemieme. Miki
 kanixe'anayexeiya yunaime hipame kwiepa
 memitama watsata, xeme yemeki hetsiana
 miemete xemihikitiniki.

³ »Tixaitimexi yeutari xepikatewakwaka
 memitexani'eriwa.

⁴ 'Tki xeikia xemitewakwaka kaniyiwemiki: 'atu-
uru kwietsaname, muxa, kapira,

⁵ muxa tuuru hepai mi'ane, yeutanaka maxa
hepai mi'ane, maxa, kapira yeutanaka.

⁶ Xekaniyiwaweni xemiwakwaka yeutari
memite'iyawa wakarutsa manutahuhuta,

⁷ peru kameyu xepikakwa'ani, tatsiu, haitsi
meta tsimuaka, mikititi mepite'iyawa, peru
wakarutsa pika'anutahuhuta. Miki tewaxi yeutari
pepitiwamaiwe'erieka memika'itiyaki.

⁸ »Metatsiere tuixu pika'itiya, tsepaneti karutsaya
manutahuhuta, peru pikati'iyawa. Waiyarieya
xepikakwa'ani meta mikime xepikakumaiwani.

⁹ »Yunaime hapa memiteye'uwa
xepitewakwa'ani kemi'ane yuwekii memexeiya
meta yukarara,

¹⁰ peru xepikawakwa'ani kemi'ane yuwekii
memikahexeiya meta yukarara, miki matsi
meka'itiyakame xepiwarayeitiaka.

¹¹ »Kaniyiwemiki xemiwakwaka tsepa
kememite'anene memite'awiwawe perutsi
memi'itiyatika,

¹² peru kwixi xeikia xepikakwa'ani, werika
'aminena 'umete naime mitimura, maraika,

¹³ meta 'aru hepai 'aminena, meta kwixi hepai
mi'ane,

¹⁴ meta yaxeikia yunaime memite'awiwawe
kwatsari yutsata,

¹⁵ meta 'aru 'aminena, meta kwixi meuyiwi,
meta hukurixi,

¹⁶ meta nipe, kwaxu, patu,

¹⁷ patu hepai mi'ane 'amanuyepa, maraika, meta kwatsa haramari hapa miyeyeika hepai mi'ane,

¹⁸ kwaxu hepai mi'ane, meta yunaiti kwaxuri wahepai memiteyuxexeiya, tsurakai meta 'atsixi.

¹⁹ »'Utsikari yunaiti memawiwawe memika'itiya xepiwarayeitiaka, 'ayumieme xepikawakwa'ani.

²⁰ Peru kaniyiweni xemiwakwa'ani mematsunawawe xekia yatsepa memite'awiwawe peru memi'itiatika.

²¹ »Tixaiti timikime xetekaxeyame xepikatekwa'ani. Miki piyiweni 'ateewa kiekame xemiminiki 'akiekaritsie memititei, miki piyiwe mitikwani, yatini yeikame pemutuirieni. Peru xeme teiteri xemipatsie xekanihikitini Yawé Kakaiyari hetsiemieme.

»Tsi pu nunutsi xepika'etsani maamaya retsieyaki.

'Imikieri tamamatatsie mieme xeime kemitiyetuiwa

²² »Xexuime wiyaritsie, xekatehatitimaiyati, ketipaimeme xemitekaxeiya kwiepa yu'etsarita, tamamatatsie mieme xeime.

²³ Yawé xekakaiyari hixie xekanikwaikuni miki tamamatatsie mieme xeime xemiteyetua, tiriku, winu, hatseiti, meta xemiwayetua tewatsiekate mexiakate, miki hakewa meyuhayewa mana xekateneyurikuni. Mipai xeteyurieti xepimakaxeni yuheymeki Yawé yukakaiyari.

²⁴ Peru xika Yawé xekakaiyari waikawa 'aixia reyurieka xehetsiemieme, meta miki hakewa meyuhayewaxi 'ahetewani, xika xekayiwaweni xemenutiniki xemiteyetuaniki manapaiti.

²⁵ 'Ana piyiwēni miki mītiutuani miki tuminiyari 'a'iti mana kenuani Yawé xekakaiyari hakewa mexatatsie.

²⁶ Miki tuminiyariki xemite'utinaneni kaniyiwēni ketita xemiteheuyehiaka tita mitixenakeni matsi: wakaxi, muxa, winu yatini winu matsina, mana Yawé Kakaiyari hixie, 'eki meta 'atiriyama xekatenikwaikuni xekaniyutitemawiekuni.

²⁷ Peru rewitsixi keniwara'eriwati 'akiekaritsie memitei. Kena'eriwani miki 'ahapai mepikayetuiriyarie yukwie memexeianiki.

²⁸ »Haika wiyari 'anuyeyeikakaku xepikux-exeriwani ('imikieri tamamatatsie mieme xeime) yukiekaritsie pita xepiyetuani, miki wiyaritsie xemite'ukaxei hetsie timieme.

²⁹ Mipai miki mepikayehakakwitwēni rewitsixi yukwieri memikahexeiya, 'ateewa kiekatari, nutuite meta wiuraxi 'akiekaritsie memitei, miki mepitetikwani mepitihuxani. Hiki 'ana Yawé xekakaiyari xe'uximayatsika 'aixia piyurieni pixeparewieni.

15

Kepauka memite'apitika memiteheuyehiwiriwani

¹ »'Atahuta wiyari 'anuyeyeikakaku kemi'ane memixete'apinirietika tinaime hepaitsita 'ana xepitewareuyehiwiriwani.

² Mipai xekateniyurikini: Yuxexuiti xemite'apiniyarietika xepitewareuyehiwirieni yuhepai teiteri kepaime memixete'apinirietika. Yu'iwamari memite'apine xepikawawawirieka memixete'akapitianiki, mutaxatsiekiri

xemiteheuyuyehiwiriwaniki wiyari
memite'apitika wahetsiemieme Yawé minakeki.

³ Xepiyiwawe mana mikakiekame
mixerapinirie xemitawawirieniki, peru
yu'iwama xepitewareuyehiwirieni tsepa titaki
memixete'apinirietika.

⁴ Xetsata mepumaweni tixaiti
memikatehexeiya, kariki Yawé xekakaiyari
waikawa kanixeparewiekamiki miki kwieyari
mixeyetuirietsie yukwie xemayeitianiki.

⁵ Mipai pitiyini yuheyemeki kepauka
yaxemitekahuni Yawé xekakaiyari hetsiemieme
meta kepauka naime xemaye'atiaka 'iki 'aitsikate
hiki nemixe'aitia.

⁶ Yawé xekakaiyari waikawa pixeparewieni,
miki kemitixe'utahiawixi, xeme yumireme
hipame nuiwarite xepitewataniitiani, peru
xeme nixeime xepikatetaniwirieni. Yumireme
nuiwarite xepitewata'aitiani, peru nixewiti xeme
pikatixeta'aitiani.

⁷ »Kepauka xeme xeime yu'iwa hepīrayu
xemexeiya tixaiti karexeiyakame xeime
kiekariyaritsie, kwie Yawé xekakaiyari
mixeyetuirieni kwieyaritsie, yu'iyaritsie
xepikahetsetse'ini xepikateheikweririeka.

⁸ Matsi pita, xekeneparewieka, xeketeneyetui
tita mireuyehiaka.

⁹ Hawaiki yu'iyaritsie 'axa'aneme
xepikapitiaka, maye'aximeki 'atahuta wiyari,
'ana xemitewareuyehiwiriwa memite'apitika
wiyariyari, mipai petiku'eriwati 'a'iwa
hepīrayu tixaiti mikarexeiya pepikananaimaka.
Nikatsi miki, xe'utaxaneta Yawé hetsia, xeme

xekatenayukatuakuni 'axaxemite'uyuriki.

¹⁰ Xepikatekwerieka, matsi waikawa pita xeketenewarini, 'ana mipai Yawé kanixeparewiekamiki xe'uximayatsikatsie meta tsepa tita xemiteyurie.

¹¹ Teiteri tixaiti memikatehexeiya 'ena kwiepa tsiere mekanixuawekakuni, 'ayumieme mipai nekatinixe'aitiaka 'aixia xeketeneu'iyarini yu'iwama wahamatia hepirayutsixi meta tixaiti memikateheuxeiya memiyehakakwitiwe wahamatia 'akwiepa memu'uwa.

*Wairiyarika te'uximayatamete hepirayutsixi
(Hut 15:12-18 - Mem 21:2-6)*

¹² »Xika 'a'iwa hepirayu 'uki yatini 'uka, xika 'uyutuani 'ahetsia, xika matiuta'uximayatsirieni 'ataxewime wiyari, 'atahutarieka wiyaritsie pekanitatuamikiri.

¹³ Kepauka pemitatuani, pepikaheini'awani yu-maweme.

¹⁴ Matsi waikawa ketineupitia 'imikieri 'amuxatsi, 'a'itsanari meta kaxie winuyari pemukaxei. Yaketineyetuiri Yawé 'akakaiyari ke'aixia mitiuyuri 'ahetsiemiemeki.

¹⁵ Kenaye'eri wairiyarika ti'uximayatame kepemiratia 'Ekipitu, meta Yawé 'akakaiyari kemimatiuxinaxi. 'Ayumieme hiki 'iki 'aitsika nekanixeyetuirieka.

¹⁶ »Peru miki mati'uximayatsiriwame, xika mipai haineni: “Neri nepikayuwairiya nematsi'uku'eirieni”, xika matsinaki'erieki haineni meta 'atiriyama meta 'aixia mumatimateki,

¹⁷ hiki tepia petikweme, 'ituparitsie nakaya peheutawetsitame pekani'iniarituamiki. 'Ana mipai yuheyeme mati'uximayatsiriwame pekaneyeitiamiki. Yaxeikiata pekatiniyurimiki 'ukaratsi wa:riyarika ti'uximayatame hetsiemieme.

¹⁸ Pepikaha'aka pemitatuaniki mati'uximayatsiriwame, kariki yaki pekatinipitiani miki 'ataxewime wiyari tiuta'uximayataku hixiata 'akameki xeikia, yuri ti'uximayatame waikawa matsi kani'iwani. Matsi mipai petiyurieyu Yawé 'akakaiyari matsi waikawa pimatsiparewieni tsepa tita pemi'ti'uximaya.

Tewaxi matiari nuiwakate

¹⁹ »Yawé 'akakaiyari hetsiemieme pekani-wayetuayamiki tewaxi matiari nunuiwakate 'ukitsi tsikerutsixi meta muxatsi. Tuuru matiari mutinuiwaxi miki pepikati'uximayatsitiaka, meta yaxeikia muxa 'uki matiari mieme pepikakaxikani.

²⁰ Xeiwiyari 'aye'axekaku, 'eki meta 'atiiriyama xekaniwarutikwa'akuni Yawé 'akakaiyari hixie, miki hakewa mexatani.

²¹ Xika miki tewatsiekame xewiti ka'uyeiwani yatini kaheuniereni, yatini xika tikuyeni kwinimieme 'aneni, miki Yawé 'akakaiyari pepikatimawiriwani.

²² Xika mipai 'aneni, 'aixia kani'aneni tsepa pemitakwai 'akiekaritsie, yeutanaka mihikitini hepai tsipuri wahepai memi'anene, tsepa pemi'itiya yatini tsepa pemika'itiya.

²³ Xuriyaya xeikia pepikakwa'ani, matsi pita kwiepa keneutayeuri haa mihikitini hepai.

16

Patsikwa 'ixiarariyari

(Hut 16:1-8 - Mem 12:14-20, Maw 23:4-8, 'Inia 28:16-25)

¹ »'Awiwi metseriyari xekenanayexeiya 'ana Patsikwa 'ixiarariyari Yawé xekakaiyari hetsiemieme xemutiwewiwaniki, kariki miki tikariyaritsie katiniuyini 'Awiwi metseriyaritsie kepauka Yawé xekakaiyari mixe'ayewiti 'Ekipitu kwieyaritsie.

² Patsikwa 'ixiarariyari Yawé xekakaiyari hetsiemieme kepauka xemiwewieka, 'ana 'awakait-sixi pepiwatimawa meta 'amuxatsima, hakewa Yawé meyuhayewa mana pekatineyurimiki.

³ Paa mukuxanariyarietika Patsikwa tukariyaritsie pepikakwaka, matsike 'atahuta tukaritsie mikakuxanariyarietika pekanitik-waimiki, 'uximatiarika payari kanihikitikamiki, 'Ekipitu xeme xeyumexiitiati xemayekiki. Miki tukaritsie mipai xekatenikuwewiwakuni yunaiti xeme'eriwaniki yuheyemeki kepauka xemayeki 'Ekipitu kwieyaritsie.

⁴ 'Ana 'atahuta tukari paa kuxanariyame pikaxuaweni naitserie xekwieyaritsie. Wai xemitimawa taikai mexiakame tukaritsie, 'uxa'arieka ximeri mieme mayaniki wai xepikakuhayeikawani.

⁵ »Patsikwa mawariyari xepikahewewieka xaitsie xeime kiekariyaritsie Yawé xekakaiyari mixeyetuirienitsie.

⁶ Hakewa Yawé meyuhayewa mana xeikia xekaneitiwewiwakuni. Mana Patsikwa mawariyari pekanewewimiki taikai 'ari tau 'akayuneyu, 'ana mipai pauka xekanayekine 'Ekipitu kwieyaritsie.

⁷ Patsikwa mawariyari kwaxime xekanitak-waikuni hakewa Yawé xekakaiyari meyuhayewa, 'uxa'arieka ximeri xekanakunuaxiakuni yukie.

⁸ 'Ataxewime tukari paa kakuxanariya-rietikaime xekanikwakakuni, 'atahutarieka tukaritsie 'ixiarari patsiekameki memuyukux-exeiriwa xekaniwewikuni Yawé xekakaiyari het-siemieme. Miki tukaritsie xepikate'uximayaka.

Tsemana 'ixiarariyari

(Hut 16:9-12 - Maw 23:15-22, 'Inia 28:26-31)

⁹ »'Atahuta tsemanayari xepi'iniata kepauka muyukatsutianitsie tiriku 'itsanariyari.

¹⁰ Hiki 'ana patsiekameki xemuyukuxexeiriwa xepiwewieni Yawé xekakayari hetsiemieme Tsemana 'ixiarariyari, 'ana xekaniyetuaxiakuni mawari kexemiteyuwairiya Yawé xekakaiyari kehapai mitixe'uparewi.

¹¹ 'Ana xekaniyutitemawikuni Yawé xekakaiyari hixie hakewa miki meyuhayewa, xeniwema yunaiti 'ukitsi meta 'ukari wahamatia, meta xete'uximayatsiriwamete 'ukitsi meta 'ukari, rewitsixi 'akie kiekatari, 'atewa kiekatari, nutuite meta wiuraxi mana xekie kiekatari.

¹² 'Ekipitu wairiyarika te'uximayatamete xemaki xekena'eriwani, 'ayumieme yax-eketenekahuni 'iki naima 'aitsikatsie yemeki.

*Xamaru 'ixiarariyari**(Hut 16:13-17 - Maw 23:33-43, 'Inia 29:12-39)*

13 »Kepaukari xemikunixiani tiriku xe'itsanatiweti, 'ana 'atahuta tukariyari Xamaru 'ixiarariyari xekaniwewikuni.

14 'Ana xekaniyutitemamawikuni, xeni-wema yunaiti 'ukitsi meta 'ukari meta xete'uximayatsiriwamete 'ukitsi meta 'ukari, rewitsixi 'akie kiekatari, 'ateewa kiekatari, nutuite meta wiuraxi mana xekie kiekatari.

15 'Atahuta tukari 'iki 'ixiarari xekaniwewiekakuni Yawé xekakaiyari hetsiemieme, hakewa miki menayexeiya, Yawé xekakaiyari 'aixia katiniyuriekamiki xe'itsanari meta naime xe'uximayatsika. Meta xetemawierika panayuhayewani.

16 »Xeiiwiyaritsie haikakia yunaiti 'ukitsi xehetsia miemete Yawé xekakaiyari hixie mepiti'uweni, hakewa miki meyuhayewa, mana xemiwewieniki Patsikwa 'ixiarariyari, Tsemama 'ixiarariyari meta Xamaru 'ixiarariyari, peru yumaweti meuyani pikayiwe Yawé hixie.

17 Miki yuxexuiti mepiteyetuaxiani mawari Yawé xekakaiyari kemitiwaparewie.

Kememite'anuka'uituarie 'itsikate

18 »'Itsikate xekaniwatihawikuni 'aixia memite'akayuruwaniki heitseriemeki yu'iwama watsata, xexuime kiekaritsie Yawé xekakaiyari 'anuiwarite miwayetuirienitsie.

19 'Axaxepikateyurieka heitseriemeki yaxekatekahuti meta hixiata ti'atikaimeki xepikatekuxatani. 'Axapemitayiniki xika xewiti tumini matsi'itiaka miki pepikatinaki'erieka,

miki miyamiti'ane mitimaiwe kaheuniereme kanayeitiaka, meta heitseriemeki 'amuyeika niukieya kanititunani.

²⁰ Mitiheitserie xeikia keneuweiya miki xeikia xekeneuweiya, 'iya kwieyaritsie xemuyuhayewaki xekwie mayaniki Yawé xekakaiyari mixeyetuirienitsie.

*Kememite'uta'imaiyarie
wahepaitsita*

kakaiyarixi

²¹ »Hakewa mawari taiyame xemetawewieni Yawé xekakaiyari hetsiememe, miki 'aurie 'uka 'Atserá kakaiyariyari 'ikiyari xepika'utaketsani,

²² metatsiere yaxeikia tetexi kakaiyarixi xepikawarayeitiwani, kariki Yawé xekakaiyari miki katinixani'erieka.

17

¹ »Yawé yukakaiyari xepikatemawirieka xeime muxa meta tuuru 'axa'aneame, mikiri Yawé xekakaiyari pixani'erie.

² »Xewiti 'uki yatini 'ukaratsi xe'iwatiti, xekiekaritsie kiekame Yawé xekakaiyari mixeyetuirienitsie, xika 'uxeiyarieni 'axatiyurieneti Kakaiyari hixie. Miki tewi tiratu 'axakaniuyurieni,

³ meta kenemitixe'aitia yamikatikamie kaniyianeni, hipame kakaiyarixi miwarayexeyaki, wahixie mukatunumakekaki yatini tau mayexeyaki, metseri meta xurawetsixi muyuawitsie miemete.

⁴ Yapauka mipai xemitemarienitsie, xekaniti'iwaukuni yemeki xemithehtimaniki.

Xika yuritini mipai 'axatiuyini 'Ixaheri kwieyaritsie,

⁵ miya mitiuyuri xekanenuhanikuni kiekari kitenie 'ahetewakaku, tsepa 'uki yati piti'uka, mana kaneuyeweka tetexiki mimierieniki.

⁶ Xika yuhutati yatini yuhaikati memunenierixi yamehaitikani, piyiwe miki tewi mimierieniki, peru pikayiwani yuxewiti munierixi yahainekaku.

⁷ Kemi'ane meri memitekatsutiani memite'ikwinitianiki memunenierixi mekaniyikuni, hiki 'arika yunaiti teiteri mepitituaxixiani. Mipai xepite'ekumaweriya 'axamiti'ane xetsata muxuawe.

Kemi'ane yemeki memi'itsikate

⁸ »Xika yemeki waikawa tixuaweni xemikatekema 'aixia xemiteyurieniki, xika tiuyukwiti, yatini hipati waikawa meyuniukimaka, 'axameteyurieka hipati, yatini waikawa xika kiekaritsie tixuaweni, xekanihuni Yawé xekakaiyari hakewa menayexeiya

⁹ yaxekateniwaretahiawikuni mawari wewiwamete rewitsixi meta 'itsikame hixie. Xekaniwareta'iawawiyakuni miki yamekanetiyuakuni kemitiheitserie.

¹⁰ Yaxekateneyurikuni miki kememetiyuani ketitaki miranutahiyanikekai hakewa Yawé menayexeiatsie, mipai xekateneyurikuni naime miki kememixetehetahiawe.

¹¹ Xemeri mipai xekatenikakinikuni kexemitetahiawarieni, kehepai 'aixia mi'ane kememetiyuani, yaxekatenikakinikuni kemireuku'uxa kehepai miki memetiyua.

¹² Xika xewiti waikawa timaikame yu'erieti 'itsikame kahanu'enieni yatini mawari wewiwame miki Yawé parewiwameya mihiki, miki ke'umierieni. Mipai xepite'ekumaweriya 'axamiti'ane 'Ixaheri kwieyaritsie.

¹³ 'Ana yunaiti teiteri mekatenetimaikuni, mekanitimamakuni meta mekatenihiyawakuni meyuti'ireti.

Ti'aitame

¹⁴ »Kepauka kwietsieri xemi'axiani Yawé xekakaiyari mixeyetuiietsie, manari xika xe'u'uwani, xika reumieti mipai xe'utiyuani: “Tame ti'aitame tepeuyehiwa tahetsia miti'aitaniki, hipati nuiwarite ta'aurie memetetika kememi'ane wahepai”,

¹⁵ 'ana yemeki xekeneyu'iwiya xeime xemanukakeniki yu'iwa xetsata mieme xemuyurieniki, xeime kemi'ane Yawé xekakaiyari manayexeiya. Xepika'ipitiaka xeime yeikame yatini 'ateewa kiekame.

¹⁶ »Miki ti'aitame yumireme kawayutsixi miwananeka pikayiweni, meta teiteri pikawapitiaka 'Ekipitu memeuhuniki waikawa kawayutsixi mewarexeiyati memakineki, kariki Yawé mipai katinixe'utahiawe: “Tawariri miki huyeta xepikaheuhuni”.

¹⁷ Ti'aitame yumireme pikawarexeiyani 'ukari yuhetsiemime, kapa 'uxa'atiniwarie 'iyarieya heuyeweniki, yaxeiata waikawa huru meta pirata pikaxeirieka.

18 »Kepauka ti'aitame ti'aitati mayanitsie, yapitita'aita 'iniari niukiyari maye'ikieniki, rewitsixi mawari wewiwamete memi'iwiya.

19 Miki 'ikiyari pexeiyani yu'aurie yuheyemeki, yakatiniteriwakamiki kemireutere 'uyeikati. Mipai tiyurieneti Yawé yukakaiyari payemakaxeni, yapitikamieni yu'iyariki meta naime 'aitsikate hetsie,

20 miki mariweme pika'ayuyeitiwani yu'iwama watsata meta 'iniari niukiyari pikahehipani 'et-siwatima, miki meta nuiwarimama miixa wiyari mekatenita'aitakuni 'Ixaheri kwieyaritsie.

18

'Imikieri rewitsixi mawari wewiwamete wahet-siememe

1 »Rewi nuiwarieya, miki mekanihikitini rewitsixi mawari wewiwamete, miki yukwie mepikahexeyani 'Ixaheri kwieyaritsie. Mawari 'imikieri taipa warikarieti miyetuiwa mepikwaka, meta Yawé hetsie tita mitimieme.

2 Rewitsixi tixaiti mepikateyetuiyarieni yu'iwama watsata, Yawé pihikitini wa'imikieri, meripaiti miki kemitiwarutahiawixi.

3 »Kepauka xewiti tuuru yatini muxa mitimawa, heitserie mepexeyia mawari wewiwamete waiyarieya 'iriya memitikwaniki, meta 'auritana mieme metatsiere kwinuriteya.

4 Meta xepiwayetuiwani tiriku mexiakame, winu, meta hatseiti, yaxeikata muxatsi wahuxari matari xemiwakaxini.

5 Kariki Yawé xekakaiyari miki kaniwaranayex-eiya meta wanuiwarima, hipame xeme nuiwarite

xehayewati, memite'uximayakaki yuheyemeki
hixiena hetsiena mieme.

⁶ »Xika xewiti rewi tewiyari xeime
kiekariyaritsie 'uyeikati 'Ixaheri kwieyaritsie,
mipai tiuyihiawe Yawé hakewa meyuhayewa
mana reu'uximayatamikini, xika mana nuani
xepikahe'imaiyani,

⁷ piyiwe miti'uximayaka Yawé hetsiemieme
yukakaiyari, kememiteyurie hipati rewitsixi
wahepai, Yawé hixie.

⁸ Yaxeikata miki piti'iwani yu'ikwai
mirexeiyaniki hipame wahepai, meta yupaapa
piiniteya xikatiutuan.

Mitixani'eriwaki kemitiwayeyari

⁹ »Kepauka xemi'axiani Yawé xekakaiyari
kwie muxeyetuiietsie, xepikawa'ikeni miki
ke'axamemite'uhu muwayeyariki xeikia miki
nuiwarite.

¹⁰ Xeme nixewiti pikawamawaneni
yuniwema 'ukitsi meta 'ukari taipa, meta
miretimamateniki pepikahe'ayeitiwani,
mitiyukewaiyaniki yatini 'awie mitiuyemate,

¹¹ me'utikwiti memitewamaxiutawawe
xepikahikitini, 'iyarite memiwakihawe hipame
wahetsiemieme xepikahayuyeitiwani meta
mikite xepikawakihaweni.

¹² Kemi'ane 'iki yeiyaritsie yamitiyuriene
Yawé hixie mixani'eriwa kanayuyeitiamiki,
miyamemiteyurieki Yawé 'akakaiyari miki
nuiwarite kaniwarayeni'amiki xehixie.

¹³ Yawé xekakaiyari hixie 'aixia
xeketeneu'iyarini.

Kakaiyari niukameya

¹⁴ »Kwie xema'axianitsie mana teiteri memu'uwa miki memiteyukewaiya meta memitehetimamateke mepiwaku'iwawiya kemitiyiniki, peru xeme Yawé xekakaiyari pikaxepitia mipai xemiteyuriekaki.

¹⁵ Yawé xekakaiyari xeime panayexeiya xe'iwatime niukameya mayaniki nehapai. Miki hirixia xepi'enieka.

¹⁶ Miki kanihikitini xeme Yawé yukakaiyari xemite'itawawiri Huré hiriyaritsie, xemayuxeirikai tukariyaritsie, kepauka mipai xemutiyua: “Neri Yawé nekakaiyari niukieya ne'enieti nepika'umieni, meta Yawé taiya nepikaheuxeiyamiki, nikahirixia ne'umini”.

¹⁷ »Hiki mipai Yawé kanetiniutahiawe: “Aixia kani'aneni miki kememaitika.

¹⁸ 'Ayumieme watsata xeime nepanayexeiya neniukame mayaniki 'ahapai, ne neniuki nepipitiani tetana, miki yapitiwataxatiani ne kenemitita'aitiani.

¹⁹ Xika xewiti ka'i'enieni kemutaineni neniukame nehetsiemieme tikuxatakaku, miki ne kanetinakapitiamiki.

²⁰ Peru xewiti xika ka'ukamati tikuxatani neniukame yuxatati, xika tikuxatani tixaiti ne yanekatita'aitiaku, miki kanimimiki. Yaxeikiata kaniyimiki xewiti niukame yuxatati hipame kakaiyarixi wahetsiemieme xika tikuxatani”.

²¹ »'Uxa'atini warie xika mipai petiyuta'iwawiya: “¿Kehepai neretimani xika Yawé niukieyatini yati hawaiki?”

²² Xika Yawé niukameya Yawé hetsiemieme tikuxatani peru kemitikuxata mipai katiuyini,

xeme mipai xekatenetimaikuni kename
Yawé hetsia kamieme. Miki tixaxatame
kemitinake yakatipitarieti mitiutaxaki, xeme
miki xepikaheumakaxeni.

19

Kiekarite yu'awiwietame

¹ »Kepauka Yawé xekakaiyari yunaime
miwaka'una nuiwarite wakwie mixeyetuirieni,
meta kepauka xemeri xemiwarayeweiya, 'ari
wakwietsieri kepauka xemititeni meta wakiiteta,

² kiekarite yu'awiwietame haikame
xekananayexeiyakuni kwie Yawé
mixeyetuirienitsie hixiapa yukwie xe-
mayeitianitsie.

³ Kwie, Yawé xekakaiyari mixeyetuirieni
xepiini mayaniki, 'ayehaikame xepayetitiani,
meta huye xepitiwewieni kemi'ane mitiyumieni
miyiweniki mikitsie muyuti'awietaki.

⁴ »Xewiti tiyumiekame xika muwa ye'ani
yuti'awietake, piyiweni xeikia muyuti'awieta
kemi'ane yu'iwa mumieni mipai kara'eriwati
meta ka'ihekali.

⁵ 'Iniariki nehaiti, xika mipai timieni: xika xewiti
yu'iwa hamatia heyani 'itsita memetiki'eniki,
peru xika tiwitenekaku hatsaya hanutihine
'iwayatsie 'ukaweni xika 'imieni, miki piyiweni
xeime miki kiekaritsie muyuti'awietaki meta
muyutawikweitsitaniki.

⁶ Pikaheuyewetse 'ateewa meyani mipai
tiuyurieme, miki miha'a penuku'axiwe pimiewe,
'aixia pika'ane 'iya tewi mimierieniki yu'iwa
mumiki mipai kare'eriyati.

7 'Ayumieme nepixe'aitia haika kiekariyari xemukunakaki.

8 »Xika Yawé xekakaiyari xekwie matsi 'a'utayeuriya, xetutsima kemitiwarutahiawixi, meta naime kwie xeme xeyetuirieni miki kemutayiki,

9 xika xeme yaxetekakine 'iki naime 'aitsikatetsie hiki nemixe'aitia, meta xika Yawé xekakaiyari xenaki'erieka, meta huyetana yuheyemeki xe'uhuni, hiki 'ana tawarita haikame kiekari xepukunani.

10 Mipai xeteyurieyu 'atsimikatiuyuri xuriyaya pikatayeuriyani miki kwieyaritsie, Yawé xekakaiyari mixeyetuirienitsie xehetsiemieme mayaniki, xemeta yaxeikia xehetsie pikarahiiwani miki mumierieki.

11 »Peru xika xewiti tewi yu'iwa 'uxiwe'erieti, xika 'ihupieme, heitiwaxiame tinawairieme meta 'imieme, hiki xika miki xeime kiekari 'utiwaume mana heyani yuti'awietake,

12 'ukirawetsixi kiekarieyatsie kiekatari mekete'utani'ani mewiyarieniki, 'imienike mikuwaune hetsia keyetuiyani miki mimieniki.

13 Miki memiteyumemiwa xepikawanenimayaka, mipai xeteyuriekaku 'Ixaheri kwieyaritsie pikarahiiwani kename 'atsimemikateyurie waxuriya tayeuriwa, xemeta 'aixia 'iyari xepu'uwani.

14 »Kepauka 'iya kwieyaritsie xemi'axiani Yawé xekakaiyari mixeyetuirienitsie xekwie mayaniki, yu'iwa kwieya xepikahenawairietiwani, meripaiti miki mu'iniatsiyarie.

Keyupaimeti memeuyewetse tehekiatamete

¹⁵ »Xewiti xeikia ya'utainekaku munierixi pikayiweni tewi mumierieniki xanetsieti kename 'axatiuyuri. Tsepa titaki miti'ayumieme 'aixia pitiyini yamehaitikaikaku yuhutati yatini yuhaikati memunenierixi.

¹⁶ »Xika xewiti tihekiatame xeime xanetani 'itarikaki kename miki tiuyuri 'utaiti,

¹⁷ miki meyuhutati miya memiteyukumamateke Yawé hixie mepiti'uni, mawari wewiwamete wahixie meta 'itsikate kemi'ane 'ana memite'uximayaka.

¹⁸ 'Itsikate yemeki mepitetiwauni mepiti'iwauni, xika yametehetimani kename mitihekia tiku'itawa meta kename yaki yu'iwatsie rahipa xeikia,

¹⁹ hiki miki pita mipai katinanuyeyeimiki yu'iwa hetsiemieme kemitiyurimikikai. Mipai xepitehekuyeitiaka 'axamiti'ane xekwieyaritsie xika xuaweni.

²⁰ Kepauka hipati 'iki memitetamarieni, mepitimamani tawarita mipai ti'aneti pikatitixuawere xekwieyaritsie.

²¹ Xeime tima xepikanenimayaka. Mipai xekeniwaruyuri xika xeime 'umieni mikita ke'umierieni, xika xeime hixieya watitini mikita hixieya kawatitiiyani, xika tameya 'anaye'una mikita tameya ke'anaye'unarieni, xika mamaya wayemura mikita mamaya kewayemurarieni, yatini 'ikaya xika wayemura mikita 'ikaya kewayemurarieni.

Kemitiyukwitiṛe

¹ »Kepauka xemayekine xemiwaraye'unie xemiwatakwiniki, meta kepauka xemiwaxeiya kuyaxi memixe'aye'unie meyumireme keyuri xeme, waikawa kaxetate mewarahapaname meta kawayutsixi, xepikawamakaka, matsi Yawé xekakaiyari 'Ekipitu mixe'ayewiti, pixeparewieni.

² Kepauka 'ari xemuyutakwiximeni mawari wewiwame xehixie kanitakemiki kuyaxi kaniwataheitseritiamiki

³ Mipai katiniwatahiawimiki:
 “Xekeneu'enana 'ixaheritsixi. Hiki 'ari xekaneutahaxiakuni memixe'aye'unie xemuwatakwiniki. Xepika'ukununuwani xepikawamakaxeni, xepikayu'eirieka meta wahixie xepika'utimamaweni,

⁴ kariki Yawé xekakaiyari xehamatia kani-uyeikani, miki xehetsiemieme puyutamieni, meta miki pixeparewieni xeme xemitehayu'iwaki”.

⁵ »Meta kuyaxi tewa'aitiwamete wa'ukiyarima kuyaxi mipai mepitewatahiawe: “Xika xewiti yukii hekwame hetawewieni xika muwa 'akuxi kahayeyeriwekaitini, miki keheyani yukie, kapa 'umierieni 'ena, hikitari xewiti pita kiitana hayeyerini.

⁶ Xika xewiti kaxie heka'iteitakaitini, xika 'akuxi takari kaha'iniatawekaitini, hiki yuharawerita keheyani, kapa 'ena 'umierieniki, xewiti pita rekakwaniki.

⁷ Xika xewiti 'ukaratsi hamatia 'ari retixatakaitini memiyutiwitiniki, 'akuxi xika mekayutiwitiweni, miki keheyani yukiekaritsie, nika 'ena 'umierieniki, xewiti pita miki 'uka

hetiwitiniki”.

⁸ 'Imatirieka kuyaxi tewa'aitiwamete wa'ukiyarima mipai mepitiyuani: “Xika xewiti kwiniemieme timaka yatini muyutamieniki kayuwairiyani, keheyani yukie, nika yu'iwama mekayuwairiyame warayeitianiki”.

⁹ Kepauka memitetahayewa kuyaxi tewa'aitiwamete wa'ukiyarima metekuxatati, hiki kuyaxi memanuyetei mekaniwatihawikuni miki memanuyeyaxikeniki.

¹⁰ »Kepauka kiekari 'aurie xemi'axiani xewatakwinike, yaxeketeniarutaxatia meri kayuwati xika meheuyehiaka.

¹¹ Xika yamete'utanaki'erieni meta xika yukiekaritsie meteheuyepieni, hiki 'ana yunaime miki kiekaritsie kiekatari xekateniwata'aitiakuni meta wairiyarika te'uximayatamete xehetsiemieme mekanakinikuni.

¹² Peru xika mana kiekatari meka'uyuwairiya matsi pita xika mexekwikuni, hiki 'ana kiekari warita xepayaxetikine,

¹³ hiki kepauka Yawé xekakaiyari mixeyetuirieni, yunaime 'ixiparaki xekaniwakwikuni 'ukitsi mana kiekatari.

¹⁴ Mikita xehetsiemieme xemitehayeitiani, kaniyiweni 'ukarawetsixi meta tiiri yuhetsiemieme xemiwarayeitiani, meta watewama meta tita mitixuwaweni kiekaritsie. Yaxeikiata xekaniyiwaweni miki xemitekwaka memixe'aye'uniekai mitiwapiinitikai, Yawé xekakaiyari mitixeyetuirie.

¹⁵ Mipai pekaniwayurimiki yunaime kiekarite 'atewa mumanetika, nuiwarite xe'aurie mumanetikatsie memikatehawiya.

16 »Matsi, kiekarite Yawé xekakaiyari mixeyetuiietsie xepiini mayaniki, xeime tima 'ayeniereme xepikahayewani.

17 Yunaimé xekaniwakwikuni hetitsixi, 'amuxeutsixi, kananeutsixi, peretseutsixi, heweutsixi meta kewutseutsixi, kemitixe'uta'aitia Yawé xekakaiyari.

18 Xika xekawarukwini, miki mitixani'eriwa mepixeteti'ikitiani kemeteyurieti yukakaiyarixi memiwarayexeiya, hiki 'ana Yawé yukakaiyari hetsiemieme 'axaxepiteyurieni.

19 »Xika kepauka xeime kiekari xekatamiewaweti xika xe'itahini pita waritana xehayaxetikine miixa tukari, mana mitixuawe kiyexi 'ikwaxi mitikayaxike xepikatewitekeni hatsaki, miki kariki peheiyehiati pekanayeimiki pekanitikwaimiki. Pepika'ixirieka xeikia, miki teiteri wahepai memiyikihiani mepikayiwawe matsi kiyexi yeutamieme xeikia kanihikitini.

20 Matsi kaniyiwemiki pemiwiteneni kiyexi 'ikwaxi mikaxuaweriyawe meta kimana tsepa pemitiwewie kimana kiekaritsie pemanukatsunaki, mana pekatihayewati kepaukake pemiwara'iwa.

21

Xika xewiti 'ukaxeyarieni mikiti

1 »Xika xaitsie Yawé xekakaiyari mixeyetuirieni kwieyaritsie xekwie mayaniki xewiti mikiti hetaxeyarieni, xika 'atsixekatehetimani kemi'ane mimi,

2 'ukirawetsixi meta 'itsikate mepuhu mepiti'iniata miki manuka kemetetewa kiekarite 'ahurawa mamanetikatsie.

3 Hiki 'ukirawetsixi kemi'ane kiekari 'ahurawa miki manuka mukumatsie kiekatari xeime tsikeru mekaniwiyakuni, hatsuaku mikatita'uximayatawe mikatakwietsanawe.

4 Mepenuhana xaitsie mayeweritsie hatsuaku kwietsanarita mika'ayeiwetsie meta mikatiwaka 'iteitsiewetsie, meta haa yarexuawekaku, muwa-paiti kiipieya mepuwamura.

5 'Ana mawari wewiwamete rewitsixi mana mepineniereni yu'uximayatsika memaye'atianiki, Yawé xekakaiyari miwaranayexei miki kemititewaki hetsien-amieme teiteri 'aixia memuwayuriekaki, meta yamemite'uximayakaki miki memite'akanitsaniki kepauka 'imieri muxuawe meta 'inawari.

6 Hiki yunaiti 'ukirawetsixi kiekari 'ahurawa mukumatsie kiekatari miki manukatsie, miki mepitimaimani wakaxi kiipieya muwamurarie hetsie,

7 hiki 'ana mipai heitseriemeki mepitiyuani: "Tame 'iki xuriya tepika'utayeuri, meta tepika'unenierixi 'iki miyamitiuyi.

8 Yawé, ketiniwareuyehiwiriekaka 'ixaheritsixi 'ateiterima, miki pemiwaruxinaxi, meta miki wahetsie pepikarahipani 'atsikatiyuruwame xuriyaya mutayeuriyaki".

9 Mipai 'eki 'atsikatiyuruwame xuriyaya mutayeuriya 'ahetsie mirahiwa 'akwieyaritsie pepirakumaweriya, mipai xika petiuyurieni 'aixia pepitiyurieni Yawé hixie.

'Uka pìretsutime kemitiutiwitini

¹⁰ »Kepauka xemayekine xeheuyukwiyuka memixe'aye'unie wahetsia, xika Yawé xekakaiyari wayetuanì xemiwara'iwaki, hiki xika pìretsutsixi xewarayeitiani yayupaimeme,

¹¹ xika xewiti xeime 'uka mupiretsu 'inakeni, mitiwitini piyiweni 'iyaya mayaniki.

¹² Penuwitini yukie, yapitita'aitiani muyukax-iniki, yuxitete manutixitexianiki,

¹³ meta pìretsu kemariyari ke'anutihina. 'Arike 'akie mīxa 'ukaiku, meta tihayewayuri yuhiw-erietì yupaapa yumaama wahekì 'ari xeimetseri reutewikaku, 'anake pemitiwitini piyiweni, 'eki kinaya pepihikitini mikita 'a'iya.

¹⁴ Peru xika 'arike kamatsi'unake, pepipitiani miki tsepa hakewa metia. Pikayiweni pemituani meta ti'a'uximayatsiriwame hepai pemiurieneni, mikitsi pemitixani'eri kanayani.

Mexiakame heitserie kemirexeiya

¹⁵ »Nepixetaxatiani xewiti 'uki yuhutame yu'itama miwarexeiya, xeime xeikia waikawa minaki'erie, xeimeta pikanaki'erie, yuhutame wahetsie tūri piwarayexei, matsi 'uka mikanaki'erietsie meri nunutsi mexiakame kaniutinuiwa.

¹⁶ Kepauka 'iki tewi yuniwema mitiwatapitiani yupiinite, pikayiweni 'uka minaki'erietsie mieme pita mitikupitiwani tita mexiakame hetsie mitimietikai, meta yuniwe mexiakame yatipaimeme xeikia pikatikupitiwani, tatsiari, yu'iya waikawa mikanaki'erietsie mieme.

17 Matsi pita miki mexiakame kehayeitiwani heitserie kemirexeiya mexiakametiti, hiki 'iki mexiakame pitipitiani 'anatekame matsi tawari hepaina paimeme ketita hetsiena mitimieme. Miki wamatsika kanihikitini matiari meyexei, miki heitserie kanexeiyani mexiakame mihikitiniki meta tita hetsiena mitimieme pitipiinieya.

Xewiti raniwe xika 'axatiuka'iyarini

18 »Xika xewiti yuniwe hexeiyani 'axatiuka'iyarime katiyu'aitiariniakame, yupaapa meta yumaama, xika kawareu'enieka kepauka memiheitseritia,

19 paapaya meta maamaya kiekari kitenie mepenuwitini, 'ukirawetsixi wahetsia mepitaxata.

20 Hiki paapamama 'ukirawetsixi mipai mepitewatahiawe: “'Iki taniwe pikaheu'ena 'axapitiuka'iyari, kemitinake xeikia pitiyuriene meta pitawekame. Pikatatsi heu'enie”.

21 Hiki 'ana yunaiti 'ukitsi mana kiekaritsie kiekatari me'itituaxati tetexiki mekanimiekuni. Mipai xepitehekumaweriya 'axamiti'ane 'Ixaheri kwieyaritsie. Hiki yunaiti 'ixaheritsixi mepitetamarieni meta mepitimamani.

Waikawa 'aitsikate

22 »Xika xewiti hetsiena rahiiyayu 'axatiuyurieka 'ukawiyani,

23 kaxarieya kiyetsie 'uyewiekame xepika'uku'e'eiriwani tikariki, matsi miki tukaritsie xekeneukateuki. Kariki xewiti kepauka kiyetsie muyewiyani miki tewi Kakaiyari 'axakaniyurieka. Ka'itiyakame kwie

xepika'ayeitiaka Yawé xekakaiyari mixeyetuirie
xekwie mayaniki.

22

¹ »Xika xewiti yu'iwa tewaya 'utaxeiya
heuyeweyu tuuru yatini muxa, 'atsimikatitude
hepai pikayianeni matsi kwitiwa kehehanieni
kutsiyarie hetsia.

² Xika kutsiyarieya 'ahurawa kakiekametini
yatini xika peka'imateni, kehei'arieni yukie
kehei'iwiyani kepaukake kutsiyarieya
mitawawirieni, hiki 'anake piyetuirieni.

³ Yaxeikia pitiyurieni xika puxu 'ukax-
eiya, yatini 'ixuriki, yatsepa kemtitita
'iwaya mireuyehia. Kepemitihiritiarie
pepika'uku'e'eiriwani.

⁴ »Xika xewiti huyeta puxu yatini tuuru
hetaxeiya hetakurupeyu yu'iwa tewaya,
'atsimikatitude hepai pikaheyianeni:
keheiparewieni yu'iwa memenukuanaki.

⁵ »'Ukarawetsixi 'ukitsi wahapai
mepikateyukukamixatiwani, 'ukitsi meta 'ukari
wahapai mepikateyukukemaritiwani, kariki
Yawé xekakaiyari miki miyamemite'u'iyari
kaniwaxani'erieka.

⁶ »Xika xewiti huyeta wiki 'ituaya hetaxeiya
kiyetsie yatini kwiepa, meta wamaama mana
hatikani yuniwema 'etsimemipepe wahetsie
yatini tawari hetsie, wamaama pepikahetutuweni
meta 'etsimemipepe.

⁷ 'Etsimemipepe pemiwaretiki pepiyiwe,
peru wamaama pepitatuani. Mipai 'aixia

metiyurieka meta waikawa tukari pepipitiarieni pemi'atemawiekaki.

⁸ »Kepauka kii hekwame pemeyutawewirieni, kii heima ya'atitewame pepawewietiyani, kapa xewiti mana hakaweme 'umiyi 'atiri yama wahetsie rahiiyaniki.

⁹ »Kepauka kaxie haraweriyata pemireka'eni, 'imiari yiki mi'anene pepikaheiniitiaka, xika mipai petiuyurieni, Kaka iyari pepiyetuirieni kaxie hepai, tita muwa pemitika'eni 'ikwaxiyari meta kaxie 'ikwaxiyari.

¹⁰ »Tuuru puxu hamatia xeime hararuyaritsie mehauyutinikame xepikawakwietsanatsitiatiweni.

¹¹ »Kemarite xemite'anakatitikani muxa huxarieya hamatia rinu hiruyariki pika'aye'itseni.

¹² »Mata 'ixurikiyari kimana xemuyuti'eimani naitisata 'etsikinatsie pawitikani witsi'ananeti, kaunari hepai 'ananeti 'etsititi.

Memiyutiwitiki wahetsiememe

¹³ »Xika xewiti 'uki 'utineuke, 'ariketa 'ukahume hamatiana xika 'axatikihaweni 'i'eirimiki,

¹⁴ 'itarikaki xika 'axatikuxatati meta 'ixanetani, mipai 'utaiti: “Ne 'iki 'ukaratsi neputiwiti peru kepauka hamatiana nemukahui mipai nepiretima miki pimayiyakairi”,

¹⁵ hiki 'uka paapaya meta maamaya kiekari kitenie mekanihuni, hiki mana 'ukirawetsixi mepitewaxeitsitiani yame'utiyuati kename matsi miki ka'ukumayiyakai.

¹⁶ 'Uka paapaya 'ukirawetsixi mipai pitiwatahiawe: “'Iki 'uki neniwe 'uka nepiwititia 'iyaya mayaniki, hikita pi'eirimiki.

17 Hiki miki 'axapitukuxata, mipai putaine kename 'ukumayiyakai. Peru 'ena hiki tepite'atia tetexexeyatsitanike mana mimatsiiki kename kamayiyakai". Hiki 'ana paapamama tsawana mekanitawenakuni memuyutiwititsie matiari tikaritsie mieme 'ukirawetsixi mana kiekatari wahixie,

18 Hiki 'ana miki 'uki mepiwiya mepite'ika'enitsitiani,

19 meta xeitsienituyari pirata tuminiyari piyetuani, 'uka 'imari 'Ixaheri nuiwarieya 'axamitiutamaki, miki tumini paapamama mepiyetuiriyarieni. Matsi miki 'iyaya pihikitini mexi 'uyeikani, hatsuaku miku'eirieni pikayiweni.

20 »Peru xika yuriki tikuhiawariwani xika ka-hekiaka kename yuxewikai miki 'uka,

21 kehehanieni paapaya kiiya kitenie paiti, hiki mana 'ukitsi kiekaritsie kiekatari meke'imieni tetexiki me'ititixati. Mipai keranuyeyani 'axamitiuyuriki 'Ixaheri kwieyaritsie meta yupaapa kiiya mutewiyatsitiaki 'axa'anemeki 'uyeikati miyamitiuyuriki. Mipai xepitehayewani 'axamiti'ane xetsata mitixuawe.

22 »Xika xewiti 'uki hetaxeyarieni xeime 'iyaya hamatia 'ukaiti, miki yuhutati meke'ukwi'iwa, 'uki hamatiana mukahui meta 'ukaratsi. Mipai xepitehayewani 'axamiti'ane 'Ixaheri kwieyaritsie.

23 »Xika xewiti 'uki kiekaritsie 'uka 'imari hekaxeya, 'ari xeime hamatia tiratu hexeyakame memiyutiwitiniki, xika wairiyarika heipitiani hamatiana mekahuniki,

24 miki yuhutati mekehehapanieni kiekari kitenie, mana meke'ukwi'iwa tetexiki mekeheutituaxiexiani: 'uka pimierieni mika'utahiwxiki parewiya ha'iwwati mana kiekaritsie, meta 'uki pumierieni hepaina tewi mitiwitinikekai mutewiyatsitiaki. Mipai xepitehayewani 'axamiti'ane xetsata mitixuawe.

25 »Peru xika 'uki yeuta 'itaxeiya 'uka 'iimari tiwikieximeme, yaxekia xika miki wairiyarika 'ipitiani mikahuniki hamatiana, 'ana 'uki xeikia ke'umierieni 'uka wairiyarika mupitiaki.

26 Miki 'uka xepihayewa, miki 'axapikatiuyuri pikaheuyewetse mumierieniki. 'Uki kemitiuyuri xeime mumieni hepai pitimatsiuki:

27 'uki yeuta 'uka pukaxei, tsepa 'uka karima mutahiwake, mana pumawekai xewiti hetsiena mitanuaniki.

28 »Xika xewiti 'uki 'uka 'iimari 'ukaxeiya xeime hamatia 'akuxi mikatikuxata memuyutiwitiniki, xika 'uki wairiyarika 'ipitiani hamatiana mikahuniki, xika me'utaxeyarieni,

29 'uki 'uka 'ukiyarieya pirakapitiani huta tewi-yari heimana tamamata pirata tuminiyariki, meta 'uka pitiwitini mikumayiakiri. Miki hatsuaku pikayiweni miku'eirieni.

30 »Nixewiti tewi yupaapa 'iyaya pikakumaiwani, miki waikawa 'axapitiyurieneni yupaapa mari-weme mikahayeitiwaki.

23

Kemi'ane memiyiwawe tukita memeutahaxiani

1 »Pikayiweni 'iya 'uki meutahaniki Yawé teiterimama memayutixexeriwatsie, xika

'ipuriteya piratsietikani yatini xika xieyameya haxitekieka.

² »'Awienuari pikayiweni meutahani Yawé teiterimama memayutixexeiriwatsie, meta nuiwarieya pikayiweni, tamamatarieka nuiwariyaritsieke mepiyiwekaxiani.

³ »Pikayiweni memeutahaxiani Yawé teiterimama memayutixexeiriwatsie 'amunitsixi meta muhawitsixi, meta nixewiti wanuiwarima, tamamata nuiwariyari me'uhukakuke.

⁴ Kepauka wakwietsie xemayeki paa meta haa memikaxe'umiki, kepauka 'Ekipitu xe'ayekineka mana xemayekitsie. Matsi Warami meputa'ini Wehuxi nu'aya, Petuxi paiti kiekame Metsuputamiya* kwieyaritsie, mixekewaiyaki.

⁵ Peru Yawé xekakayari xenaki'erieti Warami pikahanu'eni, hiki pipataxi 'ax-akemixeyurieniekai 'aixia pita pixe'uyuri.

⁶ 'Ayumieme, 'ena xe'u'uwati kexemiteheutere, hatsuaku miki wahamatia xepikaheyuxewiriyani meta xepikawareparewieka.

⁷ »Xepikawaxani'erieka 'Erumi xiyarimama, miki kariki xe'iwama mekanihikitini. Meta 'ekipitutari xepikawaxani'erieka, wakwiepa xemu'axiaki teewatari wahepai xe'aneti.

⁸ Miki wanuiwari, mepiyiwawe memeutahaxiani Yawé tukita hairieka nuiwariyaritsie miemete.

Kememiteyuriekakakai 'ateewa metititi

⁹ »Kepauka xemayekine xeheyukwiyuca yateewa xemetiyaxetsie memixe'aye'unie

* 23:4 23:4 'Arami-Nakarahini tatsiarititi.

xewatakwinike, kene'akweriwayurieka
mikati'itiya hepaitisita.

¹⁰ Xika xewiti xehetsia mieme tikariki 'axati-
heiniti ka'itiyati hayuhitiani, miki xematiteitsie
pikayuhayewani 'ateewa kanitayerimiki,

¹¹ peru taikai piti'iwa, tau hakayuneyu punuani
xematiteitsie.

¹² »Xematiteitsie 'ehetewakaku xepitiwauni
hakewa xemetikwitani.

¹³ Yuxexuiti xepeixeyani kiyexi 'anuyemitsime
'etsititime, mikiki xepiwati'ineni, muwa
xemeukakwitani, hiki yukwita xepanuteukuni.

¹⁴ Kariki Yawé xekakaiyari xemakutei
kaniuyeikani xe'iwiyati meta mixeyetuirieniki
memixe'aye'unie. 'Ayumieme xemakutei
pakupatsieka, xika mana xemakutei Kakaiyari
tiuxeiya mikatinake, pixeku'eirieni.

Hipatita 'aitsikate

¹⁵ »Xewiti xika wairiyarika miti'aitiarie
yukutsiyari hetsia heyuta'uname, xika 'akie
henuani yuti'awietake, ti'aitiwameya hetsia
pepika'iyetiayani,

¹⁶ matsi keneuhayewa xehamatia
muyuhayewaniki xekiekaritsie hakewa menuani
meta hakewa 'aixia mireyumaika. 'Ekita
wairiyarika pepikati'aitiaka.

¹⁷ »Xewititima 'uki yatini 'uka 'Ixaheri
kwieyaritsie kiekame tuminiki muyumayiina
pikahayuyetiawani tumini ma'iwaki yukakaiyari
miyetuirieniki.

¹⁸ »Yawé 'akakaiyari tukieyata pepikahei'iweni
tumini mipai peyaneti pehe'iwame, meta mikiki
pepikare'akatuayani kepemutayi mawariyari

mayaniki, miki tihutame Yawé 'akakaiyari katinixani'erieka.

¹⁹ »'A'iwa pepikawawirieka tumini rana'iwakameki, 'ikwaiteki meta hipati piiniteki rana'i'iwakame.

²⁰ Piyiwe 'ateewa kiekame pemitawawirieni hanamakameki, peru pikayiwani 'a'iwa 'ixaheri tewiyari hetsiemieme. Mipai xeteyuriekaku Yawé xekakaiyari 'aixia pitiyurieka xe'uximayatsika 'iya kwieyari xemiyetuiriyarienitsie.

²¹ »Xika tixaitiki yapetiu'ahiritiani Yawé 'akakaiyari hetsiemieme, pepikareutewini pemiraye'atianiki, xika pekaraye'atiani miki yakamatinita'aitiamiki pemiraye'atianiki, xika pekaraye'atiani, 'axapekatiniyurimiki.

²² 'Ahetsie pikarahiwani xika tixaiti pekatiu'ahiritiaka.

²³ Peru xika 'aiyariki yemeki petiu'ahiritiani tixaiti Yawé xekakaiyari hetsiemieme, heitseriemeki yaketineuyuri kepemutayi.

²⁴ »Xika xewiti yu'iwa kaxie haraweriyari mayematsie heutahani, piyiwe mitikwani 'ikwaxiyari kemireikwaimikini, peru meitini pikayawe.

²⁵ »Xika xewiti yu'iwa tirikuya mayema heutahani, piyiwani tiriku takari miwatihunaxiani yu-mamaki, peru pikayiwani huxaki mitixiteni.

24

¹ »Xika xewiti 'uki 'uka 'utiwitini, peru 'ariketa xika ka'inaki'erietu 'ayani kinaya kemitinake hepai mikatiyurieneki, kaniyiwemiki miku'eirieni xika 'eiriya xapayari 'iyetuirieni.

² Kepauka miki 'uki kie mayeyaniri, piyiweni tawarita mitiwikieniki xeime hamatia.

³ »Xika yaxeikia miki hutarieka kinaya 'itix-ani'erieni, mikita xika 'itawewirieni 'eiriya xapayari, wayeni'ani yukiita, xika yatini hutarieka mieme kinaya 'umini,

⁴ hiki matari mitiwiti tawarita mitiwitini pikayiwani, mikiri 'uka ka'itiyati kaniyuhayewa. Mikiri mixani'eriwa Yawé hixie kanihikitini.

»Kwie Yawé xekakayari mixeyetuirieni, 'axaxepikayurieka 'axamiti'ane mana xepikawiwieka.

⁵ »Mihekwaneike xepikaheni'awani muyumiemieki hipame wahamatia, meta nitixaiti pikatihiritarieka 'uximayatsika. Matsi 'atsipikatiyurieneni xeiwiari yukie pukani, yu'ia pitemawieritiaka.

⁶ »Xika xewiti 'ahetsia rapiti 'ayani, kamatiupitianiki murinaya pepikahetutuweni meta mataya pepikahekweweweni, xika mipai petiuyurieni titaki mitiyumikwakai pemitinawairieni hepai kani'aneni.

⁷ »Xika xewiti 'ukaxeiyarieni yu'iwa 'ixaheri tewiyari yukiita heyenati, meta xika wairiyarika rei'aitiaka, yatini xika 'ituani, miki miyamitiuyuri ke'umierieni. Mipai xepitehekuyeitiani 'axamiti'ane xetsata mutixuawerixi.

⁸ »Kepauka xewiti yunawiyaritsie meuhaka, yukweriwayurieti rewitsixi mawari wewiwamete kememutiyuaneni kewa'enieka. Niuki kena'eriwani keneuweiyani naima kenematiu'aitia.

⁹ Kena'eriwani Yawé 'akakayari Miriyami hetsie kemitiuyuri, kepauka 'Ekipitu xemayekitsie.

10 »Kepauka xewiti yu'iwa mititaniitiani, kiitana pikaheutahakeni meta yukimana pikarewayepineni tita mitiyexata mirapineki.

11 Matsi takwa ke'uyuhayewa ke'ipitiani yukimana miki mitiyetuirieniki tita mitiyexata mirapineki.

12 Xika tixaiti karexeiyani mirapine, xika mirapineki yu'ikari metsiyetuirieni, tikariki pepikahehuririka.

13 Ke'ihuritiani tau ka'akayuniwekaku 'akuxi, miki tikariki meyuta'eimaki. Mipai miki 'aixia paineni 'ahepaitsita, 'ekita heitseriekameki pepitiyurieneni Yawé xekakaiyari hixie.

14 »Xepikawananaaimaka xehetsia te'uximayatamete tixaiti memikatehexeiya meta memiteheuyehiwa, tsepaneti 'ixaheri tewiyari mihikitini yatsepa 'ateewa kiekame.

15 Tukariki yaxepitewakupitiwani kepauka memite'uximayaka, tau ka'akayuniwekaku 'akuxi, tixaiti memikatehexeiya, miki tumini meuyehiwaki. Mexika mipai xekate'uyurieni, miki Yawé mekanitahawikuni xehetsiemieme hiki xeme 'axaxepi'itiarieni.

16 »Tiiri 'axameteyurieyu wapaapama mepikakwi'iwa, meta wapaapama 'axam-eteyurieyu waniwema mepikakwi'iwa. Matsi yuxexuiti ke'axamemite'uyuriki 'ayumieme mepikwini.

17 »Heitserie kemirexeiya 'ateewa kiekame meta nutui, meta wiura 'ikarieya yupiini xepikatehayetiwani.

18 Xekena'eriwani 'Ekipitu wairiyarika te'uximayatamete kexemitehikitikai, meta Yawé

xekakaiyari mana kemitixehayewiti. 'Ayumieme nepixe'aitia heitseriemeki yaxemiteyuriekaki.

¹⁹ »Kepauka xemika'itsana yu'etsita xika xewiti xeimanukuyari hetimaiya, pikaheumieni tawarita yu'itima heikweimieka. Xekeneuhayewa 'ateewa kiekame, nutui meta wiura hetsiemieme mayaniki. Mipai xika xeteyurieka Yawé xekakaiyari waikawa pixeparewieni xe'uximayatsikatsie.

²⁰ »Meta kepauka huriwu xemitikatsetsie, muyuhayewa kemi'ane mikakaxirieni xepika'ika'iniweni, xekeneuhayewa 'ateewa kiekame, nutui meta wiura hetsiemieme mayaniki.

²¹ »Kepauka yukaxie takariyari xemika'inini, tawarita yu'itia xepika'ie'initikikani, muyuhayewa keneuhayewa, 'ateewa kiekame, nutui meta wiura hetsiemieme.

²² »'Ekipitu wairiyarika te'uximayatamete kexemitehikitikai xekena'eriwani. 'Ayumieme nepixe'aitia heitseriemeki yaxemiteyuriekaki.

25

¹ »Kepauka yuhutati 'ukitsi memiyuniukimaka 'itsikate wahetsia mekanihuni, 'itsikate 'aixia mepiteyurieni, 'atsimikatiuyuri hetsie mepikate'ahiani peru 'axamitiuyuri mepiteka'enitsitiani.

² Hetsiena mirahiya xika heuyeweka mukuweiyaxianiki, 'itsikame kanita'aitiamiki kwiepa mikahuniki, mana meta yakatiniyurimiki kepaimexia miki mukuweiyaxianiki ker-aye'akameki miyamitiuyuri.

3 Huta tewiyariki xeikia pukuweiyaxiani, ka'anutiyeikameki, xika waikawamexia xe'ikuwaxiani yu'iwa, mikiri nanaimarika payeika 'a'iwa hetsiemieme.

4 »Tuuru kwietsaname xepikatsurihiaka kepauka tiriku mu'utsipiene.

5 »Xika yuhutati 'ukitsi yu'iwamati 'axeikia mekuteni, xika xewiti 'umini tiri kawarayex-eiyaweti, wiuraya pikayiwe mitiwikieni xaitsie paiti. Kinayatikai 'iwaya pitiwitini 'iyaya mayaniki, meye'atianiki 'aitsika kwetsika hetsiemieme kemaine.

6 Nunutsi matiari memeyexeiya, 'iwaya mumi hepai pititeriwa, kemititewakai mikahatitimaieriwani 'ixaheritsixi watsata.

7 »Xika miki 'uki ka'iwitimikini yu'iwa wiuraya, 'uka 'ukirawetsixi wahetsia kanimieni, kiekari kitenie, mipai pitiwatahiawe: "Nekwe pikayuwairiya 'iwaya kemititewakai 'ixaheritsixi watsata 'akuxi ma'eriwaniki. Pikayuwairiya yamitikayani nehamatia kemaine 'aitsika kwetsika hetsiemieme".

8 Hiki 'ukirawetsixi mepitakwewieni, meta mepite'itixatiani. Xika miki kayuwairiyani mipai 'utaiti: "Ne nepikanewairiya nemitiwitiniki",

9 hiki kweya 'ahurawa puyani 'auriena, 'ukirawetsixi wahixie, kakaiya xeime panuyehina, pi'aitsikawiya hixienatsie, mipai pititahiawe: "Mipai kani'itiariwani kemi'ane mikayuwairiya yu'iwa nuiwarimama miwarexeiyaniki".

10 Hiki miki tewi yuheyemeki pimatiwani 'Ix-aheri kwieyaritsie meta tiriyamama, "wakakai

manuyehinariexia” mepitematiwani.

¹¹ »Kepauka yuhutati 'ukitsi meywukwitiwekaku, xika xewiti 'iyaya nuani yikinatsie tanuanike, xika 'uka kinaya mumiene karapatana heuyememe 'uki xieyameyatsie tiukwinitiani,

¹² 'uka mamaya kehawitekieni. Xepikaheinenimayaka.

¹³ »Ti'ininiatame hutame 'akitsiirita pepika'uyeyatsani, xeime haheteme xeimeta ha'exanime.

¹⁴ Yaxeikiata 'akie ti'ininiatame hutame pepikahexeyani (kakuni), xeime 'apame xeimeta yakipeme.

¹⁵ Matsi pita, ti'ininiatamete 'aixia 'aneneme xepexeyani tikirutame meta kakuni kemitiheitserie, miixa wiyari xemuyurieniki Yawé xekakaiyari kwie mixeyetuirienitsie,

¹⁶ mikitsi kaniwaxani'erieka heitseriemeki yamemikateyurie.

¹⁷ »Xekena'eriwani 'amarekitsixi teiteriyari kememixe'uyuri kepauka 'Ekipitu kwieyaritsie xe'ayekineku:

¹⁸ Kepauka xemu'u'uxekai meta xemikayiwawekaitsie, mekaxenanukunake ta'itima pita me'unexiaka mekataniutakwini ta'utia memuhukai mekaniwarukwini memikatirikawikaiki waikawa. Kakaiyari mepika'utimaka.

¹⁹ 'Ayumieme kepauka Yawé xekakaiyari mixeyetuirieni kwie meta kepauka mixeparewieni yunaime mana memitama nuiwarite xemiwaka'unaki, 'ana yuheyemeki

xekaniwarakuyeitiakuni memikaha'eriwaniki
'Amareki nuiwarimama. Xepikatehatitimaiani.

26

*Tamamatatsie mieme xewiti kemitiyetuiwa
meta matiari timieme*

¹ »Kepauka xemeutahaxiani kwie Yawé
xekakaiyari mixeyetuirienitsie xekwie mayaniki,
meta kepeukari mana xemu'uwani,

² xekatenika'inikuni matiari mitikaxuawere
'ikwaxi xekwie Yawé xekakaiyari
mixeyetuirienitsie timieme, hiki miki
tsikiwititetsie xekatenikapikuni. Hiki
xekanihuni Yawé xekakaiyari hakewa
meyuhayewa,

³ mawari wewiwame kemi'ane miti'uximayaka
mipai xepitetahiawe: “Hiki yuriki mipai
nepaine Yawé 'akakaiyari hixie, nepeutaha
'iya kwieyaritsie miki mitatsiyetuiritsie, yuriki
tatutsima kemitiwarutahiawixi”.

⁴ »Mawari wewiwame xetsikiwiti panuhapani,
hiki Yawé 'akakaiyari mawarieya matiwewiwa
hixie pi'atiani.

⁵ Hiki mipai xekanitiyuakuni Yawé yukakaiyari
hixie:

“Nepaapa 'arameu tewiyari pihikitikai
meta kuyeikame, kepauka 'Ekipitu munua
'etsimepuyupamekai teiterimama. Mana
mekuteti mepuyutamiiriyaxi nuiwari
metirikaiyeti mepaki.

⁶ Peru 'ekipitutari waikawa
mepitatsi'unanaima, mepitate'uta'uximayatsitia
wairiyarika metatsipititi.

7 Tame matsi Yawé teputahiawixi, tatutsima wakakaiyari, miki pítatsi'u'eni ketemite'itawawiri, pítatsi'uxei ketemite'uka'eniwakai, ketemite'uximayakai meta ketemitenanaimariekai.

8 'Ayumieme Yawé pítatsi'ayewiti 'Ekipitutsie 'iniari waikawameki mamariwawemeki tiyurieneti, mikiki waikawa teiteri mepimamakai.

9 Miki 'ena pítatsi'atia, 'iki kwie pítatsiyetui, waikawa retsi meta xiete maxiawetsie.

10 'Ayumieme hiki nepiti'atiri tita matiari 'ikwaxi mitiutixuawerixi kwie Yawé Kakaiyari minetsiyetuiritsie”.

»'Ana kwitiwata, yutsikiiwiti Yawé yukakaiyari hixie xepiti'uitiwani, meta hixiena xepanakatutsitani.

11 Mana 'ixiarari xepiwewieni Yawé xekakaiyari 'aixia ti'aneme mixetiyetuiriki xeyutemamawieti 'eki meta 'atiriyama, meta pepiwata'inieni rewitsixi meta 'ateewa kiekatari.

12 »Haika wiyari 'anuyeyeikakaku tamamatatsie mieme xeime kepemitiyetuaya, 'ana pepikuxeirieni yaxeikia peru xepika'iyetuan Yawé hetsia, xepiyetuan pita yukiekaritsie rewitsixi, 'ateewa kiekatari, nutuite meta wiuraxi wahetsiemime, 'akiekaritsie miki memitetikwaniki meta memitihuxaniki.

13 Hiki 'ana Yawé yukakaiyari mipai xepitetahiawe:

“Neri 'ari nepitiyetua naime tita 'ahetsiemime mitipatsietikatei, nepiwayetui rewitsixi, 'ateewa kiekatari, nutuite meta wiuraxi, kehepai 'eki peminetiu'aitia.

Nepikatihayewawe 'eki kepeminetiu'aitiaki
meta nepikaratitimaiya.

¹⁴ Kepauka nemuyuhiweriekaisie
nepika'itikwai 'iki 'ahetsie mitimieme
mitipatsieki, kepauka nemika'itiyakai, 'ana mana
timieme nepikatiutikwai meta mana timieme
mikite nepikatiwaruxatia. Yawé nekakaiyari, ne
yanepitikatia naime kepeminetiuta'aitia.

¹⁵ Neuxei muyuawitsiepaiti, hakewa 'eki pe-
meyerika makupatsietsie, kepemitiwarutahiawixi
tatutsima, 'aixia keniwayurieka 'ateiterima 'ix-
aheritsixi meta kwie pemitatsiyetuiri, waikawa
retsi meta xiete maxuawetsie”.

Mari'itiarika Yawé 'aitsikaya memaye'atiakaki

¹⁶ »Hiki Yawé xekakaiyari pixe'aitia
yaxemiteyuriekaki 'iki 'aitsikatetsie kemaitika.
Xemeta yikimana xekeneyuwairiya yu'iyariki
yaxemitekakineki.

¹⁷ Hiki xepiyuhekiata kename Yawé xekakaiyari
hiki, kename huyeya xe'uweiyani, kename
niukieya xe'enieti xe'uuwani meta kename
naime 'aitsikateya xe'aye'atixiani.

¹⁸ Hikita yikimana Yawé mipai paine kename
xeme xeteiterimama, hetsiana miemete kename
xehiki, yemeki kemitixe'utahiawixi. Kamitsi, yax-
eketenekahuni naime 'aitsikayatsie.

¹⁹ Yawé xekakaiyari mipai paine kename nui-
warite muwarunetia wayeta xeka'uitiani, 'aixia
xemitehahiwariwaniki, xemimariwaniki meta
xemimakaxiwaniki, nuiwari memipatsie Yawé
hetsiemieme xepihikitini».

27

Mawari wewiwame 'Ewari hīriyaritsie

¹ Muiṭsexi meta 'ukirawetsixi 'ixaheritsixi yu-naime teiteri mīpai mekateniwarutahiawe: «Xeke-naye'atia naime 'iki 'aitsikate hiki temixeyetiirie.

² Kepauka Kurutani hatuxameyaritsie xemanukine, meta 'ari xeheutahaxiaximetī kwie Yawé xekakaiyari mixeyetuiarietsie, mana tetexi xepanikitiki 'anenekame, naxi xepitiwirieni,

³ mikitsie naime 'aitsikate xepa'utiaxiani. Mīpai xepiteheyurieni kepauka xemanukine Kurutanitsie, kepauka xemi'axiani kwie Yawé xekakaiyari mixeyetuiarietsie, hakewa waikawa retsi meta xiete mexuawetsie, Yawé xekakaiyari xetutsima kemitiwarutahiawekai.

⁴ Kepauka xemanukine Kurutanitsie, miki tetexi 'Ewari hīriyaritsie paiti xekanitiyatsakuni, naxi xekanitiwiriekuni, yemekī hiki kenemitixe'aitia.

⁵ Manata xepitawewieni tetexiki mawari wewiwame Yawé xekakaiyari hetsiemieme, tetexi tepiaki xixiyatikame xepukayurieni, matsi tetexi nanaimimeki pita,

⁶ mikitsi mawari taiyame Yawé hetsiemieme tetexi yeuta miemekī kaniyutawewiwamiki. Mana hetsiena mawari xepitataiya Yawé xekakaiyari hetsiemieme,

⁷ mana 'aixia memiteyuxeianiki mawariyari xepiwewieni, meta xeyutemamawietī xepitekwani Yawé xekakaiyari hixie.

⁸ Mawari wewiwame tetexiyaritsie naime 'aitsikate waikawa yuhekikiakameki xepa'utiaxiani».

'Axakememu'itīarie 'Ewari hīriyaritsie

9 Hiki Muitsexi meta rewitsixi mawari wewiwamete yunaime teiteri mipai mekateniwarutahiawe: «'Ixaheritsixi, kayuwati xekeneumaka, xekeneu'enana. Hikiri Yawé xekakaiyari teiterimama xekanakine.

10 Kemaine Yawé xekakaiyari xekeneu'enieka, yaxeketenekahuni 'aitsikateya kemaitika, hiki ne kenemitixe'aitia».

11 Muitsexi 'ana kwitiwa tukaritsie teiteri mipai katiniwaruta'aitiani:

12 «Kepauka xemanukine Kurutanitsie, 'iki yayupaimeti nuiwarite Keritsini hiriyaritsie mepiyuhayewa mana 'ixaheritsixi 'aixia memiwayurieniki: Tsimehuni, Rewi, Kura, 'Itsakaxi, Kutse meta Wenikamini.

13 »'Ikita hipati 'Ewari yemuriyaritsie mepukuyaxe, 'axamemi'itiarieniki memitaxata: Xuweni, Kahari, 'Atsexi, Tsawuruni, Rani meta Nepitahari.

14 »Rewitsixi yamepituyani, karima me'utiniuti, 'ixaheritsixi yunaime mipai mepitewatahiawe:

15 “Axake'u'itiarieni kemi'ane kiye kakaiyariyari mitawewieni, yatini kiye xixiyakame yatini tepiaki wewiyakame, meta xika 'awie hawaiki heitakeni. Miki tewi pitiwewiyaya, 'ayumieme Yawé mitixan'erie pitihiki”.

Yunaiti teiteri mipai meke'utiyuani: “Aixia pi'ane”.

16 “Axake'u'itiarieni kemi'ane yupaapa yatini yumaama mikawa'enieni”.

Yunaiti teiteri mipai meke'utiyuani: “Aixia pi'ane”.

17 “Axake'u'itiarieni kemi'ane yu'iwa kwiey-atsie manuyeyeikani”.

Yunaiti teiteri mipai meke'utiyuani: “Aixia pi'ane”.

18 “Axake'u'itiarieni kemi'ane mikaheuniere huyetana miti'itaiya”.

Yunaiti teiteri mipai meke'utiyuani: “Aixia pi'ane”.

19 “Axake'u'itiarieni kemi'ane timaititi heitserie kememitehexeiya miwananaimaka 'ateewa kiekatari, nutuite meta wiuraxi”.

Yunaiti teiteri mipai meke'utiyuani: “Aixia pi'ane”.

20 “Axake'u'itiarieni kemi'ane yupaapa 'iyaya hamatia mikahuni, mikitsi miyamitiuyuri yupaapa 'utaya 'axakaniuyurieni”.

Yunaiti teiteri mipai meke'utiyuani: “Aixia pi'ane”.

21 “Axake'u'itiarieni kemi'ane tewatsiekame mukumayiani”.

Yunaiti teiteri mipai meke'utiyuani: “Aixia pi'ane”.

22 “Axake'u'itiarieni kemi'ane yutaru hamatia mukahuni, yupaapa yatini yumaama niweya hamatia”.

Yunaiti teiteri mipai meke'utiyuani: “Aixia pi'ane”.

23 “Axake'u'itiarieni kemi'ane yuwarikai hamatia mikahuni”.

Yunaiti teiteri mipai meke'utiyuani: “Aixia pi'ane”.

24 “Axake'u'itiarieni kemi'ane yuhepai tewi mumieni 'awie”.

Yunaiti teiteri mipai meke'utiyuani: “Aixia
pi'ane”.

²⁵ “Axake'u'itiarieni kemi'ane ti'iwati xeime
mimieni 'atsikatiyurienekame”.

Yunaiti teiteri mipai meke'utiyuani: “Aixia
pi'ane”.

²⁶ “Axake'u'itiarieni kemi'ane
yamikatikayani heitseriemeki 'iki 'iniari
niukiyaritsie”.

Yunaiti teiteri mipai meke'utiyuani: “Aixia
pi'ane”.

28

Ke'aixia mu'itiarieni yatikamiet

¹ »Xika yemeki yuriki Yawé yukakaiyari
xe'enieka, meta naime 'aitsikateya xe'aye'atiaka
hiki nemixekuxaxatiwa Yawé xekakaiyari miki
nuiwarite kwiepa memitama yunaime wayeta
kanixeka'uitiamiki.

² Xika Yawé yukakaiyari xeheu'enieka, 'iki naiti
'aixia mitiyuyuriwe xehetsie pitinakeni 'aixia
xe'itiarieti xepakine:

³ »'Aixia pepi'itiarieka 'akiekaritsie pe'uyeikati,
meta 'a'etsaripa 'aixia pepi'itiarieka.

⁴ »Tiri hukatsie memiyetei 'aixia mepi'itiarieka,
meta xe'itsanari, meta xetewama waniwema,
xewakaitsixi 'etsimemipepe
meta xemuxatsima waniwema.

⁵ »Xetsikiiwiti 'aixia pi'itiarieka mana
pikareuyeweka
meta 'amexa 'atixi piname.

6 » 'Aixia peke'itiarieka hakewa pemekani
meta 'aixia xepi'itiarieka yuhuyeta.

7 » Yawé pìxepitiani xemìwara'ìwaniki
memìxe'aye'unie. Tsepa 'ahepa 'amemahu
'aixia meteheku'uti, peru 'arike mepuyuta'unani
yuxexuiti.

8 » Yawé 'a'itsanari 'utame 'aixia puyurieka, meta
naime 'a'uximayatsika.

» Yawé xekakaiyari 'aixia pìxeyurieka miki kwie
mìxeyetuiritsie.

9 » Yawé pìxekayatsa teiterimama xemipatsie
xemihikìtiniki miki kemutayi, xika heitseriemeki
yaxetekahuni 'aitsikayatsie meta xika huyeya
'utia xe'uhuni.

10 Yunaiti nuiwarite kwiepa memitama
mepìxe'ayemakaka kepauka memìxehetimani
kename Yawé teirimama xehiki.

11 » Yawé waikawa piinitiarika pìxetipitiani
xemitehexeiyani: Xeniwema puwamiiriyani,
xetewama meta waikawa xepite'ukaxexeiyani
miki kwieyaritsie xetutsima kemitiwarutahiawixi
kename xeyetuirienikekai.

12 » Yawé muyuawitsie pìreuyepieni, mana
'aixia miti'anene mitiyepine, mikaxirieniki
wiyeri kwiepa kepauka yemeki meuyewetse,
meta 'aixia mitiyurieniki naime xe'uximayatsika
xemitekumaiwa. Xeme matsi xepitewaniitiaka
yumiireme nuiwarite, xemeta nixeime
xepikateniwiwieka.

13 Yawé xekakaiyari mu'u pìxe'ayeitiani,
hatsuaku kwaxi pikaxe'ayeitiani, yuhey-
meki 'ateewa xepaka'u, hatsuaku 'upaiti
xepikahati'uka, xikatsi xeheye'atiaka Yawé

xekakaiyari 'aitsikateya hiki nemixe'aitia, meta xika yaxetekahuni xeyukweriwayurieti.

¹⁴ Hatsuaku nixeimetima 'iki niuki xepikahatitimaiani hiki nemixe'aitia, hipame kakaiyarixi xewarayexeyati xemika'akikaniki.

'Axakememi'itiarieni xika yamekatekakine

¹⁵ »Mipaita xeketenemaika, xika xekah-eye'atiani yu'iyariki Yawé xekakaiyari 'aitsikaya naime, hiki nemixe'aitia, 'iki 'ahetsie pitinake 'axape'itiarieti pepayani:

¹⁶ »Yukiekaritsie 'axaxepi'itiarieka, meta xe'etsari 'axapi'itiarieka.

¹⁷ »'Axapi'itiarieka xetsikiwiti meta xemexa xetixi piname.

¹⁸ »'Axamepi'itiarieka xeniwema hukatsie memiyetei, meta xe'itsanari, meta xewakaitsixi waniwema 'etsimemipepe metatsiere xemuxatsima waniwema 'etsimemipepe.

¹⁹ »'Axaxepi'itiarieka xematiteitsie, meta yuhuyeta 'axaxepi'itiarieka.

²⁰ »Yawé pixeyetuirieni 'axamiti'ane, xepikayumaiwaweni, yaki xeikia xepiteyu'uxitiaka xetekumaiwati, hiki yapauka xeikipiyaritsie haweri xe'aneneti xepakine meta xepakumaweriyarieni 'axaxemite'uyuriki meta Yawé xemuku'eiriki.

²¹ »Yawé tekimemete piwanetiani, kwie mana xemiyetuiriyarienitsie naime mepitekuxixiani.

²² Yawé kwiniya mimiyaki pixetikwinitiani, hiya kwinie mitiyuyuruwaki meta haiyaki, kwiniemieme pitixikani meta pika'ukawiwiyeni,

meta xe'etsarite pitikakwaiyaxiani. Waikawa pixetikwinitiani kepaukake xeme xemakumawere.

²³ Muyuawi 'amu'utsie wurunitse pihikitini, 'a'ikate hetia kwie tepia pihikitini.

²⁴ 'Ana Yawé wiyeri hetsiemieme 'a'etsaritsie tumuanari pita meta xiekari pani'ani, naxi pikawiye, kepaukake xeme xemakumawere.

²⁵ »Yawé pixeyetواني memixe'a'iwaki memixe'aye'unie. Tsepa xemeki 'aixia xeteheuku'uti, peru 'arike xepuyuta'unaxiani yuxexuti. Yunaiti kwiepa memitama te'aitamete mexenanaimiti mepakine.

²⁶ Xewaiyari wirikixi wa'ikwai pirayani meta yeutari kwiepa memu'uwa, xewiti 'apika'uyeikani miwatamariutaki.

²⁷ »Yawé pixeheiweritiani kwiniyaki waiyaritsie 'u'urawiti mukuyaxike 'aneneti meta haiya mukuyaxike 'anutiteketi, 'Ekipitu metixuawerixu hepai, meta neriitsiteki, meta tsikwakiriyaki, mikiki xepika'anayexiriweni.

²⁸ »Yawé waikawa pixe'uximatiani xekayumaiwaweti xepakine, hipati mekaheunenieretiri mepakine, mekaheta'eriwaweti.

²⁹ Hekitatiti xeheumetiwetiti xepu'uwani, yiwikita mikaheuniere hepai. Naime kexemiteyurieka xepiteheuyehipani, tukariki yuheyemeki xepinanaimarieka, yupiini xepitenawatsiyarieni, pumaweni xewiti xehetsie mitanuani.

³⁰ Xewiti xika tineikirimeni peru xewiti pita nuame mitiwitixime pitsewiximani. Kii xewiti

puyutawewirieni peru muwa pikahayeyerini. Xewiti kaxie pikayeni peru takariyari pikaha'iniata.

³¹ 'Ahixie 'atuuru pimierieni peru waiyarieya pepikaha'iniata. 'Apuxu wairiyarika pepinawaiyarieni, hatsuakuri pepikahanitarieni. Xemuxatsima memixe'aye'unie wapiini pirayani, xewiti pikamatsiparewieni pemiwanawairieniki.

³² Xeniwema 'ukitsi meta 'ukari xaitsie hipame nuiwarite watsata mepiyetuiyani, xika xewaruti-wauni xepiti'uxe, hatsuaku xepikawataxeiya.

³³ Hipati teiteri xemikawamate xe'iteirite mepitekakwani, meta naime yu'uximayatsikaki xemite'ukaxei, xeme yuhetsiemieme xeikia xepeixeyani nanaimarika, wairiyarika xepite'uximayatsitariieka tukariki.

³⁴ Yiki xepitenieritariieka mikiki matsi xepikayumaiwaweni.

³⁵ »Yawé pixetikwinitiani xetunutetsie meta naime xeteuritetsie, meta haiya 'axami'anene meta mikayu'uayemarinia naitsarie xehetsie pikaneni, xeketatsiete meta xemu'utsie paiti 'uti'ati.

³⁶ »Yawé yapitiyurieni 'eki meta kemi'ane mati'aitiwame mihikitiniki pemenukake, miki xeyunaiti xeime kwieyaritsie xepanuhapanieni 'eki meta 'atutsima memikawaretima wahetsia. Mana xepiwarayexeiyani kakaiyarixi, kiyexiki meta tetexiki memiwewiyatika.

³⁷ Waikawa xepexani'eriwani meta xepi'atsierieka xeyuriyarieti, xepinanimarieka naitsarie kwiepa tsepa hakewa Yawé mixehetani'ani.

38 »Waikawa 'akwie pepuka'etsani, peru 'et-siwa xeikia pepuka'itsanani, tekimemete naime 'a'etsari mepitikimeni.

39 Kaxie pepuka'etsani waikawa, peru pepikatika'iniweni meta winu-yari pepikahanu'ieni, kwitsiteri takari memitikimeniki.

40 Huriwa xepexeiyani yukwiepa naitserie, peru hatseitiyari xepikayukawirieni, miki takariyari naiti kanikaxurimiki.

41 Yuniwema xepiwarexeiyani 'ukitsi 'ukari peru xepikayiwekaxiani xemiwarukunuitiani, mikitsi mekananuhapaniekuni xaitsie paiti.

42 Tekimemete mepi'axiani meyumireti kiyexite naime mepitekametseriya meta naime 'a'etsari 'akwiepa timieme.

43 »'Ateewa kiekatari xehamatia memititei, tukari 'anukayeikakaku matsi waikawa tirikariya mehexeiyati mepakinirimeni xehetsie, mexi xeme matsi xekayiwaweni.

44 Miki xemitewarapinirie mepihikitini, xemeta xemite'apine. Miki xemu'ute mepakine, xemeta tixaiti xepikatehikitini.

45 »'Iki naiti 'axamu'itiarieniki mi'ayumieme xehetsie pitinake. Xehanukuweiyarieme xepanuku'axieni xepika'unarieni, Yawé yukakaiyari xemikahanu'eniki xemikaheye'atiaki naime 'aitsikateya.

46 Miki 'iniari yuheyemeki pihikitini meta mipai xemiteku'eriwaniki xehetsiemieme meta 'anui-warima,

47 kepaukatsi waikawa xemitehexeiyakaitsie xeyutemamawieti Yawé yukakaiyari

xemikahayexeyakaiki.

48 'Ayumieme haakaki hariyaki xepite'uka'eniwani, meta xepimamaweni yemeki tixaiti xepikatehexeyani, meta memixe'aye'unie tewa'uximayatsiriwamete xepakine, Yawé xekakaiyari miwarani'ani xehetsia. Miki tepia yukuyari xekatutsitia mepixe'atekirieni, hiki mipai mepixeteka'una.

49 »Yawé xeime 'ateewa paiti kiekame pukuha'aritiyani, waniukitsie xekawa'eniekame, kwie manu'axe paiti paneni, miki kwinimieme 'ayiweti kwixi hepai.

50 Miki nuiwari waikawa payu'eriyani, 'uki-rawetsixi meta temari pikawanenimayaka.

51 Mepiwatikwani 'atewama waniwema, 'apiini naime pemiukaxeyakai 'akwiepa, hiki mipai mexeyurieti mepixekwini. 'Etsiwa tima mepikatehayewa, tiriku, kaxie hayari, hatseiti, tsikerutsixi meta muxatsi kuraruta mepikawahayewa. Yemeki tixaiti mepikaxetehayewieni.

52 Naitsarie xekwieyaritsie kiekari muku-manetsie mepiye'axiani mepixekurarutiiyaxiani, mepaketikine kepaukake memika'unaxiani kuraru 'aixia mi'anene hetsiena xemuyitirikariyakai. Hiki xekiekaritsie mepiye'axiani naitsarie xekwiepa Yawé xekakaiyari mixeyetuiritsie.

53 »Mipai yemeki xepite'uka'eniwani kepauka miki mexi kiekari warita mehatetika, yuniwema xepiwatikwani, yuniwema 'ukitsi 'ukari wawai-yari Yawé xekakaiyari mixeyetuiiri miki tiiri.

54 Xewiti xetsata muyeika tsepa 'aixia mitiuka'iyari, 'ana yu'iwa pikaheunenimayaka, yu'ia meta yuniwema memiyuhayewatiweni 'akuxi,

55 'ana pikayiwani miki miwarumini yuniwema wawaiyari mikwaka, tixaitiri tawarita mikarexeiyani.

»Mipai xepite'uka'eniwani xeyuhiwerieti kepauka memixe'aye'unie xekiekaritsie memetahaxiaximeni,

56 'ukaratsi hiki 'aixia mitiuka'iyari, kwinieme mitiyu'iwia mika'inake heumamaweti kwiepa muyeikani, 'ana yikina pikanenimayaka minaki'erie hiki, meta yuniwema 'ukitsi meta 'ukari.

57 'Ana pikayuwairiyani yuniwe xike mitiniwexi hipame wahamatia mitakwaniki, meta yukeiyari, matsi yuti'awietame naime yuxaitame pititikwani, miki xeikia mitihikitiniki mirexeiyani. Mipai xepite'uka'eniwani kepauka memixe'aye'unie xekiekaritsie memitahaxiaximeni.

58 »Xika xekayuwairiyani yaxemiteyuriekaki 'iki naime 'aitsikatetsie, kemire'uxa 'iki xapatsie, Yawé xekakaiyari xika xeka'ayemakaka, kemititewa yemeki mimariwe mitirikaiye,

59 Yawé xehetsie meta xenuiwarima wahetsie pirani'ani, waikawa 'uximatiarika, meta kwiniya kayu'uayemarinakame.

60 'Ekipitu naiti tita kwiniyayari mirexuawe, waikawa xemeitixani'eri, miki xehetsie pitixuawere 'anari 'aixia xeteheu'erieti xepika'akine.

61 »Yawé meta xehetsie waikawa kwiniya paní'ani, kepaukake mixehakumaweriya, meta ke'axamitiyini 'ena 'iki 'aitsika xapayaritsie mika'aye'uxa 'akuxi.

62 Xemeta tsepa xemiyimiirekai muyuawitsie xurawetsixi wahepai, 'etsixeyupaimeti xepayeitarieni Yawé yukakaiyari xemika'anu'eniki.

63 Yawé ketiyutemawieti mixe'utimiiriyaxi meta waikawa xetehexeyakame kemitixe'ayeitia, yaxeikiata yutemawieti pixeka'una meta pixeheuyehiani. 'Anari yunanaritsie xepahunarieni miki kwieyaritsie hakewa hiki yukwie xemayeitianitsie.

64 »Yawé pixetaxiriexiani naitserie xexuime kiekaritsie kwiepa kemakuyewa. Mana hipame kiyexi meta tetexi kakaiyarixiyari xepiwarayexeyani, xeme meta xetutsima memikawaretima.

65 Miki kiekaritetsie 'uxipiya xepikahekaxeyia meta kayuwati pikahemaka. Yawé xe'iyari pe'uximatiaka, xehixite peti'uxe tixeyiamiti, xe'iyari petiwairipieni ta'ikwewati.

66 Tukariki meta tikariki xeheumamati xepe'uwani, waikawa xemariutsieti hawaiki tima 'aixia 'iyari xepikahe'uwani.

67 Waikawa xeneniereti heinitsiki, marika xehetsie punuani, ximeri mipai xepaitikani: “Arikutari miniikiyireke”, tikarikita mipai xepaitikani: “Ariri miniukuhekiareke”.

68 Tsepa Yawé mipai mitixe'utahiawixi kename hatsuaku xekahakunuaxianikekai 'Ekipitu huyeyari 'utia, miki pixe'akunuitiani kanuwatsie. Mana xepeyuyexatani wairiyarika

ti'uximayatameki, peru xewiti 'apikaheyeikani
mixehetinaneniki».

29

Tiratu kememite'uhekwariyaxi

¹ Muiťsexi 'ixaheritsixi Muhawi kwieyaritsie
mipai katiniwarutahiawe, 'imatiriekā tiratu
hepaitsita Yawé yati'aitiakaku, metatsiere
meripaitiri tiratu muwewiekai Huré
mirakutewatsie.

² Muiťsexi 'ixaheritsixi yunaime kani-
warukuxeirieni, hiki mipai katiniwarutahiawe:

«Xeme xekaniuneniere Yawé kemitiuyuri 'Ekip-
itu Parahuni meta 'iparewiwamete wahixie meta
naitserie miki kwieyaritsie kemitiuyuri.

³ Xekaniuneniere waikawameki
kemixetiuta'iniataxi, 'iniarite mamariwaweme
kemitiuwewi.

⁴ Peru 'anapaititi meta hiki Yawé
xemeuta'iyaritawaweniki pikaxepitiawe
xemeti'ematikikaniki, meta hixite xemeune-
niereniki, meta nakate xemeu'enanakaki.

⁵ Huta tewiyari wiyari tsepa
nemixe'uwitiximekai makuwakitsie, xe'ixuriki
xekakai pika'utitsanixi.

⁶ Paa xepika'utikwai meta kaxie winuyari
xepikahanu'i meta nitixaiti kwaniyariiekame. 'Iki
mipai nepitiuyuri mipai xemitemaikaki kename
ne Yawé xekakaiyari nehiki.

⁷ »Kepauka 'ena temu'axia, Tsikuni ti'aitame
payetia, Hetsiwuni kwieyaritsie kiekame meta
'Uhuki mititewakai, Watsani kwieyaritsie

ti'aitame, mana mepitatsi'utakwi, peru tame tepiwara'iwaxi.

⁸ Naime wakwie tepiwarunawairi tepiwayetui Xuweni meta Kahari wanuiwarima meta hixiata me'akame Manatsexi nuiwarimama, miki wapiini mirayaniki.

⁹ »Hikita, yaxeketenekakini 'iki tiratu kemaine xeyukweriwayurieti, 'uxa'atiniwarie 'aixia xemi'itiariekaki tsepa kexemiteyurie.

¹⁰ Hiki Yawé xekakaiyari hixie xepiku'u xeme xeyunaiti, xehixie memanuyetei, 'ukirawetsixi meta yunaiti 'ukitsi 'ixaheritsixi,

¹¹ meta xeniwema meyunaiti xe'itama meta 'ateewa kiekatari xekie memukutei, meta ki'ewemete meta haniwemete.

¹² 'Ena xepiyuxeirie xeme xeyunaiti hiki tiratu xemiwewieniki Yawé xekakaiyari hamatia, hiki miwewie xehamatia, meta mitseyuma yuhiritiati yamitikayaniki.

¹³ 'Ayumieme mikiki mipai paine kename xeme xeteiterimama, mikita kename xekakaiyari hiki, xetutsima 'Apirahami, 'Itsahaki meta Kakuwu kemitiwarutahiawixi.

¹⁴ Yawé takakaiyari mipai paine yuriki, kename tahamatia xeikia ka'iwewie yutiratu meta kemitiyuhiritia, 'ena hiki hixiena temuku'u,

¹⁵ matsi kemi'ane hiki tahamatia memika'u'uwa wahamatiata kaniwewieka.

¹⁶ »Xeme xekatenakumaika 'Ekipitu ketemite'u'uwakai, meta huyeta ketemite'uhukai hipame nuiwarite watsata, miya tete'uhuti 'ena temu'axia.

¹⁷ Xeme xekaniwaruxeiya miki watsata kakaiyarixi memixani'eriwa kiyexiki

memiwewiyatika, tetexiki, pɪrataki meta huruki.

¹⁸ Xekeneyu'iwiya hiki xewiti kapa 'uki meta 'uka, meta xeinuiwari, meta xeixiiyaritsixi hiki xe'iyari Yawé takakaiyari 'uku'eirieniki, kapa hipame pita kakaiyarixi miki nuiwarite memuwarayexeiya warayexeyati 'ayaniki. Xekeneyukweriwayurieka kapa xewiti xeme naana mimiya meta matsiwi hepai 'iyiniki.

¹⁹ »Xika xewiti xeme, timaitititi 'iki niuki kemaine, xika 'aixia tiuyeikame yu'erieka, mipai tikueriwani: “Atsinepikayini, tsepa ne yanemitiyuriene keminetinake”, miki tiyuriyeyu yunaiti xepika'une.

²⁰ Miki Yawé pikareiyehiwirieni. Kakaiyari haxiaya meta 'itetsarikaya hetsiena kaniye'amiki. Naiti 'axamiti'ane 'iki xapatsie maye'uxa hetsiena katininakimiki, Yawé yapitiyurieni memikumawereki yunaiti nuiwarimama.

²¹ Yawé penayehiani 'Ixaheri nuiwarimama watsata, hetsiena pitinake naiti 'iki kemire'uxa 'axakemi'itiarieniki hepaitisita, tiratu kemireku'uxa 'iniari niukiyari xapayaritsie.

²² »Xeniwema meta xenuiwarima 'arike miemete, meta 'ateewa kiekatari memi'axiani, miki mepineniere kememitekwine meta kwiniya wahetsie kemitinake Yawé miwapitiani 'ena kwiepa.

²³ Miki naiti pɪreuyeweni 'una pihikitini wakwie hatsiwiti 'u'ekati, mana muyeikani pikayiweni, mana mitiuka'eni pikayiweni, mana mititiwere pikayiweni, meta tupiriya tima pikatineni. Kemitiyi kepauka Yawé miwaruka'unaxi

Tsuruma kiekariyari meta Kumuxa, 'Arimaha meta Tsewuhini.

²⁴ Yunaiti nuiwarite kwiepa memitama mipai mepiteta'iwauni: “¿Titayari Yawé 'iki kwie miyatiuyuri? ¿Titayari yuhaxia waikawa mana tiukawiwi?”

²⁵ 'Ana mipai mepitetahiawarieni: “'Iki teiteri memiku'eiriki tiratu Yawé miwewiekai wahamatia kepauka 'Ekipitu miwarayewititsie.

²⁶ Mekanekine, hipame pita kakaiyarixi mewarayexeyati mekanakine, hipame kakaiyarixi memikawamatekai wahixie mepukahixima'ui, mikaheuyewekai miki kakaiyarixi nenewieri memiwapitiakaki.

²⁷ 'Ayumieme Yawé waikawa kaniuyeha'ani 'iki kwieyaritsie mieme, hiki mana kanikaxirieni naime kemire'uxa 'iki xapayaritsie ke'axamu'itiarieniki.

²⁸ Merikite hiki ketemiteneniere, Yawé waikawa ha'ati wakwiepa wananari naime kanahuna, xaitsie kaniwarexirieni xeime kwieyaritsie”.

²⁹ »Tita miti'awietsie Yawé takakaiyari hetsie katinimietini, matsi tita mitiutahekiatsie tame pitahetsiemie meta taniwema yuheyemeki, yatemitakahuniki 'iki naime 'aitsika niukiyaritsie.

30

'Aixia kamu'itiarieni xika tiuhayewa 'axatiyurieneti

¹ »Kepauka 'iki naimeki 'aixia xemi'itiarieni yatini kepauka 'iki naimeki 'axaxemi'itiarieni hiki nemixekuxaxatiwa, meta kepauka xemaye'erien

hipame wakwietsie xe'u'uwati hakewa Yawé xekakaiyari mixehetaxiriexianitsie,

² meta kepauka 'eki meta 'aniwema Yawé yukakaiyari hetsia xemi'axiani, meta kepauka xemei'enieka yu'iyariki meta kexemiteyumateki, hiki kenemitixe'aitia hepai,

³ hiki 'ana Yawé xekakaiyari 'aixia pitiyurieni xehetsiemieme, pixetinenimayata. Yunaime pixekuxeirieni hipame nuiwarite watsata kemitixeheutaxiriexiakai.

⁴ Tsepa 'ateewa paiti xeime kwieyaritsie xeme'uwa, mana paiti Yawé 'akakaiyari kamaniwitimieni matsi'akunuitianike, tawarita kanixekuxeirimiki.

⁵ Pixe'atiani xetutsima wakwie mihikitikaitsie, manata xeme xekani'axiakuni yukwie xemayeitianiki. Miki yapitiyurieni mana waikawa xemite'ukaxexeianiki, meta xeme matsi waikawa xepitamire xetutsima kememikayupaimekai wahepai.

⁶ Yawé xekakaiyari pixeparewieni yu'iyaritsie xemitehatimaiyaki 'axamiti'ane kwiepa timieme meta 'anuiwarima wahetsie, miki xeikia xeminaki'eriekaki naime yu'iyariki meta kexemiteyumateki, mipai 'ana tukari xemexeianiki.

⁷ Meta Yawé xekakaiyari yapitiyurieni 'iki kemire'uxa memixe'aye'unie 'ax-amemi'itiarieniki, memixexani'erie meta memixe'uweiya.

⁸ Hiki xeme Yawé hetsiemieme yaxetekahuti xepakine, kemaine naime 'aitsikateya xete'aye'atiasi xepakine, hiki nemitixe'aitia hepai.

⁹ Hiki 'ana Yawé xekakaiyari 'aixia pitiyurieka kexemitekumaiwa yu'uximayatsikaki meta 'aixia 'anemeki tiiri xemiwarayexexeianiki, xetewama memixiikaki meta tita xemite'uka'itasana. Yawé tawari puyukatemawieni 'aixia 'anemeki xe'u'uwakaku, meripaiti kemitiyutemawiekai xetutsima waparewieti memite'ukaxexeianiki,

¹⁰ xemetsi Yawé yukakaiyari xeheu'eniekaku meta 'aitsikateyatsie yaxetekahukaku, 'iki 'iniari niukiyari xapayaritsie kemire'uxa, meta xika Yawé 'akakaiyari hetsia penuani naime 'a'iyariki meta naimeki kepemiti'amateki.

Tukari nutsu miya

¹¹ »'Iki 'aitsika hiki nemixe'aitia mipai xemitekahuniki, pikatirikaiye xeme kexemitetirikawi hepai meta xemika'l'axe pikati'ane.

¹² Taheima muyuawitsie 'iki niuki pikahetika, titayari mipai xeteku'iwawani: “¿Kemi'ane muyuawitsie pimie tahetsiemieme, miki 'aitsika mitatsi'atiirieniki, mipai 'ana temi'enieniki meta mipai temitekakineki?”

¹³ Meta haramara 'anutaiye pikahetika, titayari mipai xeteku'iwawani: “¿Kemi'ane panuhauni tahetsiemieme haramara 'anutaiye, miki 'aitsika mitatsi'atiirieniki, mipai 'ana temi'enieniki meta mipai temitekakineki?”

¹⁴ Hawaiki matsi. Niuki 'aitsika 'ahurawa xepexeiya, yuteta meta yu'iyaritsie xepeixeiya, mipai xemitekahuniki.

¹⁵ »Hiki nepixepitia xemenayexeiyaki, tukari yatini miya, 'aixia miti'ane yatini 'axamiti'ane.

16 Hiki nepixe'aitia Yawé yukakaiyari xekenenaki'erieka, huyetana xekeneuhuni, meta xekenaye'atiaka naime 'aitsikateya meta naime 'iniari niukiyari. Mipai 'ana 'axepu'uwani meta xepitamire, Yawé xekakaiyari 'aixia pixeyurieka 'ena kwiepa xekwie mayanitsie.

17 »Peru xika yu'iyaritsie xekaheu'enanaka xika yaxekatekahuni, matsi pita xika xaitsie xeheukuyune hipame pita kakaiyarixi xemiwarayexeiyaniki,

18 ne hiki mipai nekatnixehayemari'itiwani, xekanika'unariekuni xepikatinenimayatsieni. Miixa tukari xepikatihini miki kwieyaritsie xekwie mayanitsie Kurutanitsie xe'anukineme.

19 »Hiki muyuawi taheima muyema meta kwie memunenierixi nepiwarayeitiani xehetsiemieme, kenemixixi'utahiawixi xemenayexeiyaiki tukari yatini miya, 'aixia xemi'itiarieniki yatini 'axaxemi'ituarieniki. Matsi, tukari, xekenanayexeiya, 'eki meta 'anuiwarima 'axemu'uwaniki.

20 Yawé yukakaiyari xekenenaki'erieka, yaxeketenekahuni kemaine, hetsiena xekete-newiyani, miki hetsie katiniwiyani 'atukari, meta miki hetsie xeikia petiwiyati miixa pepuyurieni miki kwieyaritsie xetutsima 'Apirahami, 'Itsahaki meta Kakuwu miwaruxatiatsie».

31

Kutsuhexi, Muitsexi parewiwameya

1 Muitsexi tawarita yunaime 'ixaheritsixi kani-warutakwewieni, mipai katiniwarutahiawe:

2 «'Ari xeitsienituyari heimana xeitewiyari wiyari nekanexeyani, nepikayiwari nemixeyewitini. Meta Yawé mipai pinetiutahiawixiri kename Kurutani hatuxam-eyaritsie nekahanuyani,

3 meta mipai pira'aita kename Kutsuhexi yianeni manuyehaitiani Kurutani xemukinetsie. Yawé xekakaiyari pumieni 'anuyekaiti xehixie yunaime nuiwarite miwaka'unaki kemi'ane xehixie memu'uweni, xemeta wakwie xepiini pirayeikani.

4 Yawé piwaka'una kemiwaruyuri Tsikuni meta 'Uhuki, 'amuxeutsixi tewa'aitiwamete meta yunaime wakiekari.

5 Kepauka Yawé mixeyetuirieni xemiwara'iwaki, xeme yaxepiwayurieni ne kenemitixe'uta'aitia.

6 Xekenetirikawini meta xepikamamaka. Miki nuiwarite wahixie xepika'utimamaweni xepikawamakarika, mikitsi Yawé xekakaiyari xehamatia yuheyemeki kaniuyeikani, hatsuaku yuxaitame pikaxehayewa meta pikaxeku'eirieni».

7 Hiki Muiťsexi Kutsuhexi kaniuta'inieni, yunaime 'ixaheritsixi wahixie mipai katinitahiawe: «Kenetirikaiyeni meta pepikamaka, 'eki pekaniyimiki pemeutahani 'iki teiteri pewarawititi kwie Yawé xetutsima miwaruxatiakaitsie. 'Eki yapekatiniyurimiki miki yukwie memayeitianiki tita mitiwahetsiemietikai.

8 Yawé matsi panuyehaitiaka 'ahixie meta 'ahamatia puyeikani, hatsuaku pikamatsiku'eirieni 'axaitame meta

pikamatsinutuita. Pepikamaka meta
 pepika'utaweranareni».

'Iniari niukiari kemirakateriwariwani

⁹ 'Iki 'aitsika Muitsexi kaneka'utiani meta
 mawari wewiwamete rewitsixi kaniwayetuirieni,
 miki memikukwetiwekai tiratu kakuniyari
 Yawé hetsiemieme, meta yunaime 'ukirawetsixi
 'ixaheritsixi.

¹⁰ Hiki mipai katiniwarutahiawe: «'Atahuta
 wiyari 'aye'axekaku, memite'apitika
 memiteheuyehiwiyariwatsie, Xamaru
 'ixiarariyari matineikatsie,

¹¹ kepauka xeme 'ixaheritsixi xemi'axiani Yawé
 xekakaiyari hixie hakewa miki meyuhayewa, 'ana
 'iki 'aitsika xepakateriwa karima yunaime 'ixa-
 heritsixi wahixie.

¹² Yunaime 'ukitsi, 'ukarawetsixi, tiiri, meta
 'atewa kiekatari xekiekaritsie memikutei
 xepiwakuxeirieni, mikita memi'enanani, Yawé
 xekakaiyari memimakaxeniki, meta kemaine 'iki
 'aitsikatsie yu'iyariki yamemitekahuniki.

¹³ Meta miki wanuiwarima piwahetsiemieme,
 'iki 'aitsika kemi'ane memika'imate, miki
 mepi'enieni meta Yawé xekakaiyari
 me'ayemakati mepakine, mexi kwiepa
 me'u'uwani xeme yukwie xemayeitianitsie
 Kurutani 'anutaie».

'Ixaheritsixi kememite'anayekinekekai

¹⁴ Yawé Muitsexi mipai katiniutahiawe:
 «'Atukari kanaye'aximeniri kepauka pemimini.
 Kutsuhexi keneuta'ini, kenawititi kenemie
 'ixuriki tukiyarita nemireita'aitianiki».

Hiki mipai mekaniuyini muwa mekanekine
Muitsexi Kutsuhexi hamatia.

¹⁵ Hiki Yawé tuki hixie haiwitiri 'a'uwemetsie
kaniuyuhekiata,

¹⁶ Muitsexi mipai katiniutahiawe: «'Ekiri
'apaapama wahamatia pekanika'uxipimiki,
hiki kwitiwa 'iki teiteri nehetsie mekatewiyati
mekanakinikuni hipame kakaiyarixi mewarayex-
eiyati mepakine mema'axiani kwieyaritsie
memuxuawe. Mekaneniku'eirikuni, tiratu
wahamatia nemuwewi mekanititsanaxiakuni.

¹⁷ Kepauka mipai mitiyini waikawa
nepiwayeheka meta nepiwaku'eirieni
nepineti'awieta, 'aixia mepitekwaianyani. Hiki
waikawa 'uximatiarika wahetsie pitixiawere
meta kenemutayikai, hiki mipai meputiuaneni:
“Neuxei 'iki naiti 'uximatiarika tahetsie pitinua
Kakaiyari 'ari tahamatia mika'uyeikaki”.

¹⁸ 'Ana matsi ne waikawa nepuyuti'awieta,
'axamemite'uyuriki hipame kakaiyarixi
memiwareweiki.

¹⁹ »'Iki kwikari xekenaka'utia, xekeni-
waruti'ikitia yunaima 'ixaheritsixi memitak-
wikaniki, miki miwaraye'eritiwaniki.

²⁰ »Kepauka nemiwaranuwitini 'ixaheritsixi
kwie ke'aneme watutsima nemiwaruxatiatsie,
waikawa retsi xiete maxuawetsie, mana
meputihuxariweni meta mepitiwaiyata, hiki
'ana hipame kakaiyarixi mewarayexeiyati
mepakine, ne menetsihehame meta netiratu
metitsanaxiame.

²¹ Kepauka waikawa memu'uximatiarieka
meta memite'uka'eniwani, 'iki kwikari
piwaraye'eritiwani, miki wanuiwarima

mehe'eriwati mepitakwikani. Ne nekatiniimaika neteiterima kememiteku'eriwa kememiteyuriku, 'akuxi 'iya kwieyari nemiwaxatiatsie nekawaye'atiawekaku».

22 Hiki Muiťsexi miki 'ana kwikari kanaka'utiani, 'ixaheritsixi kaniwaruta'ikitiani.

23 Meta Kutsuhexi Nuni nu'aya Yawé mipai katinita'aitiani: «Keneyitirikariyani meta pepikamaka, 'ekitsi pekaniyimiki pemíwaranuwitini 'ixaheritsixi 'iya kwieyaritsie nemuwaruxatiakai nemiwayetuirienikekaitsie, neta 'ahamatia nekaniuyeikamiki».

24 Kepauka Muiťsexi xeixapayari 'utiati 'iki 'aitsikate naime muni.

25 Mipai rewitsixi katiniwaruta'aitiani, memihiritiari tiratu kakuniyari memutikwek-wewe Yawé hetsiemieme:

26 «Xekenanuhuri 'iki 'aitsikate xapayari maye'uxa, tiratu kakuniyari Yawé xekakaiyari hetsiemieme 'aurie xekenayetsa. Mana puyuhayewani 'iniari pihikitini 'ixaheritsixi xehetsiemieme,

27 nekatiniimaikatsi kexemitetsetse'i kexemikateyuka'enie. Xehamatia ne'uyeikakakutiti yaxepikatekahukai Yawé hetsiemieme, matsi kwiniemieme xe'aneti xekanakinikuni kepauka nemuminitisie.

28 Yunaima nehixie memanuyetei meta 'ukirawetsixi xekeniwarukuxeiri, ne nemixetaxatianiki 'iki niuki meta xemi'enieniki heitseriemeki. Taheima muyuawi muyema meta kwie memunenierixi mekanihikitikakuni xehetsiemieme,

29 ne nepitimate 'arike nemiyu newarita mitiyehane, 'axamiti'ane xepitetixuawitiani meta huye nemixe'uxeitsitia xepuku'eirieni. Tukari 'umamietsie waikawa 'axamiti'ane pitinuani xehetsie xepite'uka'eniwani, Yawé hixie 'axaxemiteyurieniki meta tita mitixani'erieki yaxemite'uyuriki xepiyehaxiatiani».

Muitsexi niawari kemiraka'utia

30 'Iki kanihikitini kwikari Muitsexi mitaxataxi naime kemipaime, yunaime 'ixaheritsixi wahixie:

32

- 1 «Muyuawi keneu'ena kenemitayini,
kwie keneu'ena netetamiemekiki kenemitayini.
- 2 Wiyeri hepai ke'ukaxirieni ne'ikitiarika 'aixia manuyine,
neniukiki ke'ukuhawire haitsi ximeri mieme hepai,
'ixa mihehekwa waikawa kemitihatuiyariwa,
wiyeri waikawa kemitikaxiriwe hepai
tupiriya miyiyiritsie.
- 3 Yawé hetsiemieme nepitaniuni nepitahiawe.
'Aixia xekeneutiyuaneni Kakaiyari
mimariweki.
- 4 Miki tete kanikitini, 'uximayatsikaya piheitserie,
naiti huyeya 'aixia pi'anene.
Kakaiyari yapitikamie, 'axapikatiyuriene.
Miki heitserie pexeiya meta 'aixia
pitiuka'iyari.
- 5 Kemixetinake xepite'uyuri hetsiena mieme,
xemiutewiwiyaniki, xemeri
xepikaniwemama,

nuiwari xemeutuni xepihiki 'ax-
axemite'u'iyari.

6 »¿'Ikiki Yawé xete'akapitiwa,
teiteri xemika'u'iyari?

Miki kani'apaapatini, kameniunetiani,
miki pimatsi'utawewi, mimatsi'ukaye
kanihikitini.

7 Meripaiti mieme tukari xekena'eriwani,
meripaiti kexemuyi xekena'eriwani.

'Apaapa keneuta'iwawiya yamimatitahiaweki,
meta 'ukirawetsixi mekemate'utaxatiani.

8 Kepauka 'Amutewi nuiwarite wapiini
mitiwayetuiri,
kepauka teiteri kwiepa memitama
miwareutani'axia yuxexuime,
miki teiteri yukwie mehexeyiame piwarayeitia,
kememiyupapaimekai yemeki 'Ixaheri niwe-
mama.

9 Xemetsi Yawé kanixe'anayexeiya teiterimama
xemihikitiniki,
Kakuwu hetsiena mieme kanihikitini.

10 Xeme pixe'ukaxei kwie makumawetsie,
yuxaitame xepu'uwakai.

Pixe'utinenimayataxi pixe'uta'iwiwaxi,
pixe'iwikai yuhixite hepai,

11 kwixi kaikame hepai kemitiwakweriwayurie
yuniwema yu'ituatsie,
wakuxexeiriwati,
yu'anateki waranukanati,
yu'anatsie warayatsati kemitikuyeika.

12 »Yawé xeikia pixe'uwitiximekai,

xewiti tawarita kakaiyari yuki'aneti
hamatiana pika'umiekai.

13 Hiritsie pi xe'uwitiximekai
meta pixemikwakai 'ikwaxi yeuta
mitixiaweki.

Xiete piwamikwakai meta hatseiti,
tete mitse'itsie henetiaka,

14 wakaitsixi wakuneriyari kaniwaru'itiani meta
kapiratsixi waretsi mepanu'i,
tsipuri meta muxatsi memiwaiyatika,
tuurutsixi memiwaiyatika wawaiyari Watsani
miemete,
tiriku takari mikikire,
kaxie winuyari mixure mepanu'i.

15 »Ketsuruni putawaiyataxi meta pitiuyeketsi,
'ikwaiki xeikia putahuxai.
Putawaiyataxi putatirikaxia.

Kakaiyari puku'eiri
tukari mipitia,
tete putixani'eri mitawikweitsitia,

16 Piwaruyehekaxi kakaiyarixi hipame
memiwarayexeiyakaiki,
mepiyehaxiatia yukakaiyarixi
memixani'eriwa waheki.

17 Kakaiyarixi 'axamemi'anene
mepitewarutimawiri,
Kakaiyari memikahiki,
kakaiyarixi memikawamatekai,
kakaiyarixi 'arikeke memune,
kakaiyarixi wa'ukiyarima
memikawarayexeiyakai.

18 Tete mitse'i mepuku'eiri miwarutawewi.

Kakaiyari mepatimai tukari miwarupitia.

19 »Mipai tiniereti, Yawé piwarexiri
niwemama 'ukitsi 'ukari memiyehaxiatiaiki.

20 Hiki mipai kaniutayini: “Nepiwawarixiwiya,
tsipara kemeteheutere,

teiteri 'axamemite'u'iyari mepihiki,
tiiri yamemikatekahu mepihiki.

21 Mepinetsi'uyehaxiatia kemi'ane yuri
mikakakaiyariki,
nepuyeha'a hipame kakaiyarixi
memiwarayexeyakaiki.

Neta yaxeikia nepiwayurieni nepiwayehaxiatiani
kemi'ane memikaneteiterima waheki,
nepiwayehaxiatiani teiteri 'ax-
amemite'u'iyari waheki.

22 Nehaxia tai hepai kaniutani,
naime mitititaiya miki teukiyapa.

Kwie pitaxitiani meta naime mana miti'etsie,
meta hiri nanari naime pititaiya.

23 »”Waikawa 'uximatiarika nepitixuawitiani wa-
hetsie,
ne'iri wahetsie nepitixitiani.

24 Haaka nepanuni'ani muwatixitiani,
kwiniya waikawa nepinetiani miyakame.

Yeutari 'irawetsixi,
meta kuterixi 'uaye memexeiya yutawiki
memiteku'uwa kwiepa.

25 'Ixiparaki mepikwi'iwa 'aniwema huye
manuyehapanetsie,
yukie xekuteti xepimamaka.

Temari 'iimarixi mepikwini,

- memitsitsewe meta'ukirawetsixi.
 26 Mipai nepitiunehiawixi: 'Yunaime
 nepiwataxiriexiani,
 kwiepa nepiwarakuyeitiani
 memikaha'eriwaniki'.
 27 Peru neputima 'axakemitiyurimikikaiki
 minetsi'aye'unie,
 neputima neneikixiwi kaheti'enatinyaniki
 meta mipai tiu'erieniki: 'Tame tekatenayu'iwa,
 Yawé tixaiti 'atsipikatiuyuri.'”
- 28 »Xeme nuiwari 'ixaheritsixi 'atsixemikatemate
 xepihiki,
 xepikaheitimaitikika.
 29 Xika xeme xemitemaiwawe xehikitinike hiki
 'ipai xeteyuhiaweke,
 xika mipai xetehetimanike kexemi'itiarieniki.
 30 Tewi pikayiwe yuxaita xeimiriyari miwara'iwa
 xika teteya ka'ituanike.
 Yuhutati tamamata miriyari memiwataweiyaki
 mepikayiwawe
 xika Yawé kawayetuanike.
 31 Watete tatete hepai pika'ane.
 Memitatsi'aye'unie mipai mepitemate.
 32 Wakaxie Tsuruma yirariyari kanihikitini,
 Kumuxa kwieyaritsie miti'u.
 Wakaxie takari 'uaye mimiyaki pihipine,
 takari 'amiranukate, tsiwiriya pihiki.
 33 Wawinu kuuterixi 'uaye memexeiya hepai
 pi'ane,
 pitiyuhairiya kuu rakeyu mimiya hepai.
 34 »“Yakatinaye'amiki ne nekatinimaika yaneka-
 tiniyurimiki

'aixia nekatini'uta ne hakewa nemire'utatsie.
 35 Neta yaxeikia 'anemeki nepitiwarakapitiani.
 Kepauka tukari yamiraye'ani, mepekaxirieni.
 Tukari pehurari
 mexiwa paye'axime kememitekwine”.

36 »Yawé yuteiterima wahetsie pitanuani
 kepauka miwaxeiya mekatirikawime,
 memite'i'uximayatsirie piwatinenimayata,
 kepaukari wairiyarika te'uximayatamete
 meta memixixini memumawenitsie.

37 Mipai pitiwatahiawe: “¿Hakewatami
 xekakaiyarixi,
 tete kimana xemuyuti'awietaxi?

38 ¿Hakewatamiri xekakaiyarixi
 mawari yaxemitewawewiriekai waiyariyari
 xemutikwai
 wawinu meta wahatseiti xemanu'i?
 Miki xehetsie meke'utanuani.
 Mekexe'uparewieni.

39 »”Hiki xekeneunenieri ne xeikia nepihiki
 Kakaiyari nemiyuxewi,
 xewiti tawarita 'apika'uyeika kakaiyarititi,
 ne miya nepirapitiani meta tukari
 nepirayetuirieni,
 nepirakwinituani meta 'aixia nepirayurieni
 xewiti pikayawe minetsitanewieniki
 netirikariyatsie.

40 Nemamate nepanukuhapana muyuawitsie
 nepeititsera mipai nepitayini:

Ne 'anemuyeika nemihiki yuheyemeki,
 41 kepauka ne'ixipara mixawati nematamia
 tukari 'aye'aku nepenukukwei,

nemitiwarakapitiani ki meminetsi'aye'unie meta
meminetsiheka wahepaitsita
kemitihetserie.

⁴² Ne'iri pititariweni xuriyaki,
ne'ixipara pitiwairipieni wai kwati:
memite'ukwinitiarie memanutaxiriya waxuriya,
kuyaxi memitewa'aitia meminetsi'aye'unie
wami'ute”.

⁴³ »Nuiwarite xekeneyutemamawieka Kakaiyari
teiterimama wahamatia,
miki yaxeikia pitiwarakapitiani
te'uximatamete waxuriya memutayeuriki.
Hiki Kakaiyari yaxeikia pitiwarakapitiani
memixe'aye'unie waheki
piwa'itieni naime wakiekari meta wakwie».

⁴⁴ Kutsuhexi Nuni nu'aya, Muitsexi hamatia
teiteri wahixie kwikari niukiyari putateriwaxi.

⁴⁵ Kepauka menuni yunaima 'ixaheritsixi mipai
pitivarutahiawixi:

⁴⁶ «Xekena'eriwani yemeki 'iki tukaritsie
kenemitixe'utahiawixi, yuniwema mipai
xeketeniwarutaxatia 'iki 'aitsika niukiyaritsie
heitseriemeki yamemitekahuniki.

⁴⁷ 'Iki niuki yapikayineme xehetsiemieme
mikitsie xetewiyati tukari xepexeiya, mikitsie
xetewiyati miixa xepiyurieni kwiepa xekwie
mayanitsie Kurutani 'anutaiye».

Muitsexi kemitiutahiawarie kemitimnikekai

⁴⁸ Miki tukaritsie Yawé Muitsexi mipai katiniu-
tahiawe:

⁴⁹ «'Awarini hiriyaritsie kenemie, mana Newu
hiriyari pekaneixeyamiki, Muhawi kwieyaritsie,

Keriku 'aurie mukuma, meta Kanani kwieyaritsie, miki 'ixaheritsixi nekaniwayetuiriemiki.

⁵⁰ Miki hiri pamanutiyantsie pekanimimiki, 'ateiterima wahetsia pekaniyemieni, yaxeikia 'a'iwa 'Aruni kemitiumi meta miki kemiretia yuteiterima wahetsia Huxi hiriyatsie.

⁵¹ 'Tki mipai katinaye'amiki yunaima 'ixaheritsixi wahixie, xeme yuhutati 'axaxemite'uyuriki Meriwa Kare haa mayematsie, Tsini makuwakitsie nepatsiekame xepikanetsi'ayeitia.

⁵² 'Ayumieme pepikata'ani kwiepa 'ixaheritsixi nemiwayetuirienitsie, 'ateewa paiti xeikia pekanixeyamiki».

33

Muitsexi nuiwarite 'aixia kemiwaruyuri

¹ Muitsexi 'akuxi kamiweti, Kakaiyari ti'uximayatsiriwame, 'ixaheritsixi 'aixia kaniwaruyurieni:

² «Yawé Tsinahi heyeyaka kaninuani:

Yuteiterima wahetsie punua, tau 'iriyā hepai
'aneti Tsehixi kwieyaritsie,
puhekiarixi Parani hiriyaritsie paiti,
meta kaninuani Meriwa-Karetsi
yutserie tau 'iriyā hexeyati.

³ 'Eki pepihiki 'ateiterima pemiwanaki'erie,
yunaiti memipatsietika 'amamatsie
mepite'ane.

'Ayumieme mekameniuweiyani,
'ixatsi 'ahetsia mieme mekaniukaxexeyani.

⁴ 'Aitsika Muitsexi mitatsi'uhiritia kanihikitini,
Kakuwu teiterimama tiwapiini.

⁵ Yawé ti'aitame Ketsuruni wahetsie pihikitikai,

kepauka teiteri memanuyetei
 memuyukuxeiri,
 meta yunaiti nuiwarite 'ixaheritsixi.

⁶ »Xuweni ke'ayeniereni, ke'uyeikani,
 teiterimama mepikayu'iniatsiniaka».

⁷ Mipaita Kura hetsiemieme kaniutayini:

«Yawé, Kura hiwarieya keneu'eni,
 'ateiterima keniwa'atia.

Kura puyumiene yutirikariyaki.

Keneuparewi memeye'unie wahepaitsita».

⁸ Rewi hetsiemiemeta mipai putayi:

«'Urimi meta *tumimi*, 'apiini mitihiki,
 pepiyetuiri tewi kemi'ane 'ahetsie mitiwiya.

Matsaha mirakutewatsie pepita'iniataxi,

Meriwa hayaritsie miki hamatia pemuyu-
 tami.

⁹ Mipai putayi yupaapa meta yumaama wahet-
 siemieme:

“Tixaiti pikatiwarayeitiaka”.

Yu'iwama pikawaretima,

meta yaxeikia yuniwema pikawaretima,

peru 'aniuki pu'eni

'atiratutsie yapitikatia.

¹⁰ 'Aaitsika Kakuwu puta'ikitia,

meta 'a'iniari niukiyari 'ixaheri.

Mawari taiyametsie pumatiyetuiri,

'ikwa witsimu'ia meta mawari mitaiyarietika.

¹¹ Yawé, 'aixia keniwayurieka kememiteyurie
 ketiniwanaki'eririeka tiwamayitari.

Memiwaraye'unie watirikariya keneuka'una,

tawariri memikawakwitiweniki
 memiwaraye'unie».

12 Mipaīta Wenikamini hetsiemieme putayi:
 «Yawé minaki'erie, hamatiana 'aixia 'anemeki
 ke'uyeikani,
 miki mi'iwiyaki tukariki
 meta kayuwati hetsiena pu'uxipie».

13 Kutse hetsiemieme mipaīta putayi:
 «Yawé 'akwie 'aixia keyurieka
 haitsi muyuawitsie makaneikaki
 meta haa kwieta matineikatikaki,
 14 'aixia ti'aneneme ketiuka'itsanani mukawi-
 wiyetsie,
 meta 'aixia ti'aneneme 'ikwaxi xeimetseritsie
 timieme,

15 'aixia ti'aneneme hiritsie timieme
 meta hiri 'amanutititsie miemek i yuheye-
 meki 'aixia ke'itiarieka,

16 'aixia miti'anene kwiepa mitixuaweki,
 meta ke'iparewieka 'itsi mita'a hetsie
 mikiekame.

'Iki naiti Kutse hetsie ketiunake,
 yu'iwama watsata manayexeyarie 'aixia
 mitiyurieniki.

17 Kutse pimariwe tuuru mexiakame hepai,
 pitirikaiye tuuru yeutanaka hepai.

Yu'awateki piwatakwin i nuiwarite hipame,
 piwakuxeirien i kwie manunieretsie paiti.

Mipaī mepitetirikawi Manatsexi kuyaximama,
 meta 'Epirahini kuyaximama
 memuyuwaīkawa».

18 Tsawuruni hetsiemieme mipaīta kaniutayini:
 «'Eki, Tsawuruni, pepi'atemawie pekuyeikati
 xeikia,
 'ekita, 'Itsakaxi, 'a'ixuriki kiiyarita xeikia pe-
 payeka.

19 Hipame teiteri mepiwata'inieni hiritsie
memuhuki,
mana mawari memewewieniki 'aixia
memiteyuriei.

Mepiyutemamawieka haramaratsie tita waikawa
mitixuaweki
meta miraye'axe xiekarita miti'awietsieki».

20 Kahari hetsiemiemeta mipai kaniutayini:
«'Aixia ke'itiarieka kemi'ane Kahari kwieya
'amitayeuriya.
Kahari mana puyeika maye hepai,
mamate wayetsanati meta mu'ute.

21 Kwie 'aixia mi'ane panayexei yuhetsiemieme,
puyuti'utsiri miki kwie manuyehaitia
mihikitikaiki,
Kepauka teiteri memanuyetei memiyukuxeiri,
miki yapitikatia Yawé kemitinake,
yaxeikia kemitiwarutahiaawekai
yuteiterima».

22 Rani hetsiemiemeta mipai kaniutayini:
«Rani maye nunutsi puhiki,
Watsani paiti mutsunane».

23 Nepitahari hetsiemiemeta mipai kaniutayini:
«Nepitahari Yawé kemitiparewie panayuhayewa
Yawé 'aixia miyuriei, 'aixia pi'itiarie
waikawa,
mira'aita piwere haramaratsie 'uye'atikaiti
meta makuwakitsie paiti».

24 Atsexi hetsiemiemeta mipai kaniutayini:
«'Atsexi matsi waikawa 'aixia pi'itiarie yu'iwama
watsata,
'iwamama yunaiti meke'inaki'erieka,

meta yu'ikatetsie huriwa hatseitiyariki
waikawa kewiriyarietikani.

25 'A'ituparite warita mauku'uwe tepia meta wu-
runitse tepiaiyari pihikitini,
'apekereutere 'ape'uyeikati petirikaiyeti.

26 »Xewiti pumawe Ketsuruni Kakaiyarieya hepai
'aixia tiuka'iyariti,
xeparewienike muyuawitsie pakaneika,
haitsata, waikawa mariweti.

27 Kakaiyari yuheyemeki 'amuyeika 'ahetsie pu-
nunuwame,
yuheyemeki pimatsi'atu'u.

Memimatsi'aye'unie 'ahixie piwataweiya.
Pimatsita'aitiani pemiwareuyehianiki.

28 'Ixaheri, tixaitiki pepikareuyukweriwayurieka,
'Axekeneu'uwani hipati mekaxe'aye'uniekaki,
Kakuwu nuiwarimama.

Xekwie waikawa tiriku pexeiya meta kaxie winu-
yari,
muyuawi xeheima muyema haa puxuawitia.

29 'Ixaheritsixi, xekeneyutemamawieka
yutukariki.
¿Tawari kemi'ane 'aku xehepai,
mepiwikweitsitiarie Yawé hetsie?

Miki 'ahetsie nunuwame pihiki meta metsiparewi-
wame,
miki xe'ixipara pihiki kimana
xemitehayu'iwa.

Memixekwitiwe xehixie mepititunuma'uni,
wawari, hetsiena xema'uwe pakine».

34

Muitsexi kemitiumi

¹ Hiki Muitsexi Muhawi makuweritsie kanayeyani, Newu hiriyaritsie kanitiyune, hiri kwinimieme manutitewitsie paiti kanitiyune Pitsikaha mititewatsie, Keriku 'anutaiye. Mana Yawé kwie kanixeitsitiani naime mana kemakuyewa Karaha meta Rani paiti 'uyeniereme,

² naime Nepitahari meta 'Epirahini wakwie, Manatsexi meta Kura wakwie, haramara Meritex-aniyu manuye'atikatsie paiti kanixeitsitiani.

³ Meta Nekexi kwieyari kanixeitsitiani, meta mayeweri Keriku, meta Makutakiya kiekariyari, meta Tsuhaxi paiti 'uyeniereme kanixeitsitiani.

⁴ Hiki Yawé mipai katinitahawe: «'Iki kwie kanihitini, 'Apirahami, 'Itsahaki meta Kakuwu kenemitiwarutahawixi, kename newayetuirienikekai miki wanuiwari. Hiki nepimatsipitia pemixeyaki xeikia, peru 'eki manari pepikaye'ani».

⁵ Muitsexi Muhawi kwieyaritsie mana kaniumini, Yawé ti'uximatsiriwame, Yawé kemititahawekai.

⁶ Meta mana kaniukateukieni Muhawi kwieyaritsie, Weti-Pehuxi mayeweri 'anutaiyetsie, peru hiki xewiti 'atsipikatimate hakewa mekateukie.

⁷ Kepauka Muitsexi mumi xeitsienituyari heimana xetewiyari wiyari pexeiyakai. Peru pitirikaiyekai meta 'aixia pireunierikai 'akuxi.

⁸ Xetewiyari heimana tamamata tukari mepuyuri me'utitsuati 'Ixaheritsixi, Muitsexi

hetsiemieme Muhawi makuweritsie, mipai
paimexia tukari mepeyuhiweriekai miki
kememite'uhukai.

⁹ Hiki Kutsuhexi Nuni nu'aya 'iyari
timaiwemeki kaniutahine, Muiťsexi meripaiti
heimana mutimeiki. Hikita 'ixaheritsixi
Kutsuhexi pita meheu'enieti mepaki meta Yawé
Muitsexi kemitiuta'aitiakai mipai mepitekaki.

¹⁰ 'Anatiti mitiyehane 'Ixaheri kwieyaritsie
xewiti tawarita 'a'uyeikati pikahatia, Kakaiyari
niukameyatiti Muiťsexi hepai 'aneti, Yawé
hamatiana mitikuxataakai mehanuyutaxeiyati.

¹¹ Muiťsexi xeikia waikawa 'iniari
putiwewi mamariwaweme, Yawé ti'aitiakaku
'Ekipitu kwieyaritsie Parahuni hixie meta
'iparewiwametemama meta yunaime wahixie
miki kwieyaritsie kiekatari.

¹² Xewiti tawarita mipai pikatiyuriwe tirikariya
kename hexeiya mariweme, meta waikawa 'iniari
memuwewieni hipati mepikayiwawe Muiťsexi
kemitiuyuri yunaime 'ixaheritsixi wahixie.

**KAKAFYARI NIUKIEYA XAPAYARI
WIXARIKAKI**

**The Holy Bible in the in Huichol language of Mexico,
2020 edition**

**La Santa Biblia en lengua huichol de México, edición
2020**

copyright © 2020 Wycliffe Bible Translators, Inc.

Language: Huichol

Translation by: Wycliffe Bible Translators, Inc.

Huichol [hch], Mexico

Copyright Information

© 1988-2020, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Holy Bible

in Huichol

© 1988-2020, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-09-03

PDF generated using Haiola and XeLaTeX on 6 Sep 2025 from source files dated 4 Sep 2025

79690d81-fd4b-51b4-a3a6-712e0fddaca3